


# BUSHE ICI E CISHIBILO

## CA MPELA, MUKWAI?

 Natotela, nganshi, Munyina Neville. Icingulopo mukwai, mwe banandi abasuma. Ndi uwansansa nganshi ukubwela nakabili, muno bushiku, mu mulimo wakwa Shikulu, Lesa wesu.

<sup>2</sup> [Munyina Neville alelanda pali microphone, “Iyi e ilebomba, *pano*.”—Ka.] Iyi imo ili... *Iyi eyo*. Owe, ee. Cilya cisuma.

<sup>3</sup> Nacimisunga inshita itali nganshi, mulucelo, mpaka ndeumfwa fye kwati ningile ukwangufyanya nganshi muno bushiku. Mwe, ifyo caciba icabipisha, kabili no kwiminina, kabili cili fye icabipa muno bushiku. E ico, tapakakokole mpaka ilyo tukamukwatila incende, mwamona, lilya line fye ilyo chalichi ikesapwa. Iyo, lelo tatulepanga ukwikala inshita itali sana muno bushiku.

<sup>4</sup> Lelo, mailo mu bushiku, tulefwaya ukwisaikala inshita italiko. Mailo ubushiku, nga bamo muli imwe kuti mwaisa, mailo ubushiku, cinshi, tulesubila ukukwata inshita ikalamba muli Shikulu. Kukaba abantu bamo abasuma kuno mailo ubushiku. Ifwe tuli, ifwe bonse tukesakwate nshita. . .

<sup>5</sup> [Munyina wakwa Munyina Branham, Edigar Branham, atila, “Owe, mutemwikwa, lolela! Ninkwata icakulomba ica kukwipusha. Nacilaba ukukweba. Lelo, abantu abengi muno basoso kutila iwe lyonse ulangufyanya, ukufuma mukulongana. Lelo mailo kuti waisakwata inshita yonse iyo walefwaya, ukufuma seven ukushinta twelufu, nga kuti wasumina fye. Nomba, filya eflyo ibumba pano lya cinjipusha ku kwipusha iwe. E ico nomba ubalondolwele cena kuli bena, nga tauletonkanya ifyo.”—Ka.]

<sup>6</sup> Tukesela pela umulalilo pakati ka bushiku, mailo ubushiku. Ndi uwashininkisha imwe muli—imwe muli no kutemwa ukukwata. . . ukubamo na cilya. Ilyo abashala balewelesha no kupunda, no kulasa, no kunwa, kabili na fimbipo, ifwe tukesela kontamina fye mukatina kuli Lesa [Tapali kantu pa tepu—Ka.] no kutima umulalilo, no kutendeka umwaka no mulapo wesu, imitima kuli Lesa, ukuishisha kuli Wene.

<sup>7</sup> Kabili kukabako bamo abaishibisha ukulanda kuno mailo ubushiku, mucine nganshi. Kuliko bamo abasuma. . . Munyina ukufuma ku Georgia ali kuno, Munyina Palmer, uwaishibisha ukulanda. Munyina Junior Jackson akaba kuno mailo

ubushiku; Munyina Beeler, Munyina Neville. Owe, mwe, mwe! Kabili ukutwalilila fye no kutwalilila, abaume abasuma abakwa Lesa abo abakaba kuno, Munyina Wibur Collins, na bonse fye balya ba munyina abo abatupela imbila sha musango filya ishikalamba. Kabili nalimo bamo balatendeka ukwisa, e ico tukasubila inshita ikalamba mailo mu bushiku.

<sup>8</sup> Nomba, umukashi wandi acitila, “Wiesha ukusosa ici,” lelo nalasosa nangu cibe fyo. Munjeleleko nacisosa *ubufumu*, muno lucelo mucifulo ca *kapingula*. [Munyina Branham no lukuta baseka—Ka.]

Billy, ukwikala kunuma kulya acisosa “Ulya atampa.”

<sup>9</sup> Nacisosa, “Imfumu; ilingile ukukwata ubufumu.” Nacipilibula, kapingula.

<sup>10</sup> Naba nga filya balanda pa muntu umu Dutch, namwishiba. “Kabili mwilansenda pa fintu ifyo nsosa, lelo ifyo ndepilibula.”

<sup>11</sup> Nacisosa, “Ndetontonkanya bena balang’umfwa, panuma ya iyi yonse imyaka.” Namwishiba, ici cili palwa . . .

<sup>12</sup> Iyi myaka amakumi yatatu naba kunuma ya cintamba kuno. Imyaka amakumi yatatu muli ino tabernacle! Mulingile ukunjishiba pali ino inshita, bushe ta mulingile? Owe, mwe! Amasambililo yandi mucine yanono sana. Lelo ine—ninjishiba tekuti nande, lelo ndapanga icongo icacine kuli Shikulu.

<sup>13</sup> Kabili, munyina, nalicetekela cali ni Dr. Lamsa, uwa Baibele ya Lamsa, cilya cali mu fyailulwa, atile . . .

<sup>14</sup> Inshita imo nalelanda, kabili nshaishibe ena ali kulya. Kabili aishilebwela kabili alelanda palwa Urim wa Tumimu, elyo kabili alelanda pali lulyo Lubuuto. Kabili atile, “Bwafyanshi ubwaba naba bantu ilelo?” Kabili natile . . . Atile, “Umulandu uo abantu, bakelula, bafililwe ukwilula Baibele bwino, ukutila bakelula baeseshe ukwilula mu ci Yiddish nkonko. Kabili Yesu, ukulanda, alandile mwi bumba ilyaseka kwati fye abantu aba mu musebo balandile.”

<sup>15</sup> Kabili, namwishiba, kwaliba Amalembo mulya muli Luka, yatila, “Icinabwingi ce bumba cala Mumfwa no kutemwa.” Alandile mu lulimi lwabo. Ndesubila cilya eflyo cili, nakabili.

<sup>16</sup> Tuli abansansa pali Shikulu. Nomba, ninjishiba, nimona balya ba namayo ukwiminina mumbali. Cintu cabipa nganshi ukumona abaume ukwiminina, cipulemo balya abakashana na balumendo, na bana mayo, kabili na bambipo, ukwiminina mu mbali ya cibumba, na bana abanono. Lelo, ifwe tatukwete fye icende ikulu iya kwikalamo. E ico, tulepepa ukutila, ukuti inshita imbi ilyo tukakwata ukulongana, panuma ya uyu mulungu, panuma ya iyi nshita . . .

<sup>17</sup> Namwishiba, icintu cimbi icili no kukonkapo, ukulingana fye nge fyo twaishiba ni filya Ifikakatikilo Cinelubali. Kabili,

Shikulu ngasuminisha, tuli no kutendeka fye pali fyena lilya line fye ilyo chalichi ikapwa, ukukulwa, pakutila twingesa muno. Tukesha ingilamo ku kuishisha nakabili. Kabili nalimo ukuli konse ukufuma kuli umo atemwa ibili, kabili nalimo imilungu itatu, ukuya fye, ukulongana nomba, ukwisa ku fi—Ifikakatikilo Cinelubali. E ico, tulesubila inshita ikalamba muli Shikulu, pali ilya nshita. Kabili ifwe tuli. . . Imwe bonse abantu abafuma kunse ka musumba, tukamitumina amakadi ne fintu fyonse, kabili no kumuleka imwe ukwishiba inshita filya fine fye, nalimo umulungu umo, atemwa ibili, ilyo nshita tailafika.

<sup>18</sup> Kakula, nge fyo ndeumfwa Billy ukusosa muno bushiku, kukacitwa pa bushiku bwalenga ikumi ubwa February. Cisuma, nga ena alibika pa bwalenga ikumi, ifwe tukesha tendeka nalimo pa bwalenga ikumi limo na fisano, lyena. E ico, lilya line fye ilyo bakapwisha, tukesha tendeka fye lilya line pali cilya.

<sup>19</sup> Nkashi Kidd umukote acinjita, pakashita akapitapo, kabili ena aciba fye mupepi no kuponya ifilamba. Acisosa, “Munyina Branham, twacesha na maka nganshi ukulisha ilya motoka iya kale, kabili yena yacifilwa ukulila. E ico,” acisosa, “upepe ili no kutampa, kabili nkesa mailo.” Kabili acitila, “Ndesunguka nga ndi no kusanga incende ya kwikalapo?”

<sup>20</sup> Nacisosa, “Wisakamana, tukakusungila incende, Nkashi Kidd, lilya line fye ukakwata. . .”

<sup>21</sup> Wacisosa, “Upalwe umutima obe.” Acitila, “Nawishiba nga uli no kukwata ukulongana mpaka twelufu koloko,” acisosa, “Nshilefwaya ukufuma pa twelufu koloko.”

<sup>22</sup> Namwishiba, ena na Munyina Kidd baba nalimo ne myaka ya kufyalwa amakumi cinekonse konse na fisano, cila umo, kabili bena bacili baba muli bukapyunga. Namwishiba ifyo bacita? Balikwata tepu lekoda, kabili bena balasenda Imbila shandi no kuya icipatala ne cipatala, ukuya inga’nda ne nga’nda, ukulisha amatepu. Nomba, nga cilya tacili, ukukana lekelako! Kulya te kutusha. Cilya kwikatilila Citetekelo, mpaka ku mpela, ukufwa no Lupanga mukuboko. Ulya e musango uwa kwendelamo. Ulya e musango ndefwaya ukucitilamo. Uh-huh.

<sup>23</sup> Elyo kabili, kabili ena acisosa, “Nawishiba, nga naya kunse, ukupita mu musebo ukalamba, pa twelufu koloko,” acisosa, “kabili panuma ya twelufu koloko mu nshita ya bushiku, ukwasha ukuya ku nga’nda, kabili na fyonse filye fiwa ifikolelwe,” acisosa, “ukwensha,” acitila, “ukubutuka mu mbali shonse, ukulanwa.” Acisosa, “Shilye ngulu ukulaenda enda,” acisosa, “Kuti nakwata umwenso mupepi no kufwa.”

<sup>24</sup> Munyina Pat, ena mucine, kantu akanono akakote. Nibanga abaishiba Nkashi Kidd? [Ulukuta lwatila, “Ameni.”—Ka.] Ena aba fye i. . . Aba fye akantu akamoneka akanono akashila!

<sup>25</sup> Kabili, ilyo, tontonkanyeni fye, imyaka ilyo nshilafyalwa (kabili ndi umuntu umukote), ena ali kulya muli shilye mpili, ena na Munyina Kidd. Ena kuti awasha, akasuba konse, apa kuwashisha, kukupoka ama kobili ikumi limo na yasano atemwa amakumi yabili panuma ya kuwasha, ukumutuma ku nse pa cifulo, cimo ilya nshita ya bushiku, ku kuyashimikila. Muli ilye migodi ya malasha kulya mu Kentucky, uko imwe...umo muntu alingile ukumulonda imwe ne mfuti, ukuya pa mulu wa lupili, uko mwaile mukushimikila. Owe, mwe! Lyena, ndatontonkanya:

Bushe ningile ukusendwa ku mushi ku Mulu,  
pa busanshi bwa maluba ubwaanguka,  
Ilyo bambi balwile ukunonka icilambu no  
koba ukupita muli ba bembaba mulopa?  
Ningile ukulwisha nga ningile ukuteka;  
kusheni kushipa kwandi, Shikulu!

<sup>26</sup> Cilya ni ci, kabili ndefwaya ubwafwilisho Bwakwe, ku Cebo Cakwe. Cilya eco ndefwaya muno bushiku. Nomba, ndemona ifilimba fyakwambwilako filetwalilila nomba.

<sup>27</sup> [Munyina atila, “Mwilabako ukushisha utunya.”—Ka.] Owe, ee. Ninkwata...Njeleleniko.

<sup>28</sup> Nkashi umunono acikwata akanya muno, mulucelo, acilafwaya ashishiwe. Kabili nacimweba kuti twaba abashininkisha uku cicita muno bushiku, kabili nomba. Kabili, mailo ubushiku, tukesa kwata ukushishiwa kwatunya, ukulongana kwa kundapa, ifintu fyonse ifyo twingacita ukuya muli fyena. Twalakwata inshita itali. E ico, nga nkashi umunono ali muno, kabili nakwata umwana umunono.

<sup>29</sup> Kabili ningile ukukwata abantu bamo aba fumine ukufuma ukutali, kabili baciba kuno mulucelo ukulanshanya kwa mubumfisololo, kabili ku cintu cimo. Kabili bena bacilinga ukukumana mulya mu lucelo, kabili Billy acibalenga ukulolela mpaka ubushiku. Kabili ena acifilwa ukubasanga ukuli konse, mwamona, muno bushiku. Nga uli muno, nkashi, naciba kunuma kulya pa nshita imo italiko, ukulolela, no kumona nga ena alino kusanga na mayo. Bena baciba babili, ndetontonkanya, abo aba ciba pa kulanshanya ukwa mu bumfisololo ukufuma kulya kunse ya calo. E ico, ifwe—ifwe tulesubila, nga nshimumwene, ine ndi no kwisa musanga ili line nge fyo ninga cita, nalimo mailo ubushiku, ilyo nkesamo.

<sup>30</sup> Nomba, ndecetekela, bushe uyu e na mayo, uuleisa, nakanya akanono na—na kalikoti akakafifi?

<sup>31</sup> “Akalikoti”? Meda, ine—ine—nshacipilibula cilya, mutemwikwa, fyonse fintu cili. Cilemoneka nga kalilaya akanono kamo... Akalikoti, ni banga abaishiba ifyo a—akalikoti kaba? Cinshi, mucine. Ikoti ilikulu ilya kale, kuli ine. Ici-neci...

<sup>32</sup> Cinshi, ena kanya akanono aka kwa Dallas. Mwe, cilya cisuma. Munyina, bushe kuti waisa kuno. Njeleniko. [Munyina Branham afumako kuli microphone kabili aya kulubali lumbi ulwa cintamba—Ka.]

<sup>33</sup> Cisuma, cisuma, ndi ngo utemenwe kalya akasalu akanono apo, ako ubika. Ishina lyakwe nani? “Wishi atila Rebeka Lynn.”—Ka.] Rebeka Lynn, L-y-n-n. Kabili ni—ni wani ishina ilya kulekelesha nomba? Stayton. Rebeka Lynn Stayton. Bushe co cishinka? Mulete kuno? [“Mucine.”] Ninjishiba cilya cili nge ca kosa, ukupela umo nga ulya. Uyu mutemwikwa? Uyu pano umukashana umunono umusuma. Rebeka Lynn Stayton.

<sup>34</sup> Ulu lupwa lwalipita mufingi. Uyu munono, na mayo umunono pano, no mulume wakwe, ili line bonse babili elyo bapusushiwe fye no kuletwa mu kwishiba kwa kwa Shikulu. Kabili nomba, mukwampana kwabo, Lesa alipela uyu uwaemba, Rebeka umunono, kabili balemuleta kuli Shikulu.

<sup>35</sup> Nomba, abantu abengi, balacita kwi shibila kabelala... ulubatisho lwa tunya, mu lukuta lwa Methodist kabili na bambi abengi, kabili bena bala basansa na menshi ilyo bali utunya. Nomba, cilya cili fye bwino, ukulingana nge fyo naishiba. Ifwe lyonse tuleesha ukwikala nge fyo Baibele isososa kucita. Kabili muli Baibele, kulya (Iyo) takwatalile ukuba icintu ica musango filya ngo kubatishiwa kwa kanya; tapaba nangu pamo mwi lyashi lyakale, mpaka ulukuta lwa Katolika ulwa ntendekeleko, ukulingana nge fyo twaishiba, ico cali kulya ku Kabungwe ka ku Nicaea.

<sup>36</sup> [Akanya kabilikisha, “Ba!”—Ka.] E ico ulya e musango fye uwa kusoselamo, “Ameni.” Cilya, mwamona, na mukwata... Mwamona, imwe mulingile ukukwata ubwilulo.

<sup>37</sup> E ico, lelo, muli Baibele, baletete abana abanono kuli Yesu, pa kutila Ena enga bapala. Kabili Ena abikile indupi Shakwe pali bena no kubapala. Kabili, ukutila, ifwe tuletwalilila na cilya.

Nomba lekeni tukontamike imitwe yesu.

<sup>38</sup> Shifwe uwa mu Mulu, uyu mwanakashi uwa caice no uyu mwaume wacaice baisa muno bushiku no uyu Rebeka umunono umusuma uyo wapelwa kuli bena, mu mulimo wabo, ukumukusha mukusambilishiwa kwa kwa Lesa. Kabili bale muleta muno bushiku ku kupelwa kuli Shikulu. Kabili ilyo banyina bacipela ukufuma mu maboko yabo ku yandi, lyena ndepela ukufuma mu maboko yandi ku Yenu, uyu Rebeka umunono. Lesa, beni nankwe no kumupala. Paleni ba wishi na ba nyina. Lekeni bonse bakekale abacumfwila, ubumi ubutali, kabili, nga kuti cacitwa, bakamone Ukwisa kwa kwa Shikulu Yesu. Lekeni uyu mwana aka kule mukwishiba kwa kwa Shikulu. Kabili lekeni, nga kukaba mailo, lekeni akabe inte ikalamba kuli Imwe. Peleni ifi, Shikulu. Nomba, nga Imwe

mwali pano pe sonde, aba banakashi na baume kuti baleta abana babo kuli Imwe. Lelo ifwe, bakapyunga aba Mbila nsuma, tuli nkombe Shenu. E ico, tulepela kuli Imwe aka kanya, ku bumi ubwa mulimo mu Bufumu Bwenu, mwi Shina lya Mwana Wenu, Shikulu Yesu Kristu. Amen.

<sup>39</sup> Akupale, Rebeka umunono! Ifyo kaba kantu akanono akatemwikwa! Leken Lesa amupale imwe bonse, kabili na kanya, ukumupela ubutali, ubumi ubwa nsansa, mu mulimo wakwa Lesa.

<sup>40</sup> Iseni kuno, intampulo ishinono. Nshishibe nga ndi na maka ayengi ayalinga, atemwa iyo. Uyu mulumendo mucine. Ishina lyakwe ni nani? [Banyina batila, “Stanley Victor Cleveland.”—Ka.] Stanley...[“Stanley.”] Stanley Victor...[“Cleveland.”] Cleveland. Cleveland. [“Cleveland.”] Cleveland. Stanley umunono, ifyo lyaba ishina ilisuma inono, kabili ifyo abo umulumendo umunono umusuma! Cisuma, ndemon, nalimo...Isa kuno, Stan. Uyu mulumendo umusuma? Ifwe tatucita ici. Ifwe tucita fye ici, namwishiba, kabili takuli nangu cimo icishaishibikwa pali cena. Cilya cishinka. Ena mucine muntu umunono uwatemwikwa. Nindabako ishina lya kulekelesha. Nshiletontokanya ndelilumbula fye bwino. [“Cleveland.”] Cleveland. Cisuma.

Natukontamike imitwe yesu nomba.

<sup>41</sup> Shifwe uwa mu Mulu, ulu lupwa lwaleta aka akanya, umunono Stanley Cleveland, ku kushishiwa kuli Shikulu Yesu, Kabili nge fyo kacema pano, uwa lukuta, pamo na ine, twaiminina capamo mu kwampana mu milimo yakwa Shikulu, tulepela kuli Imwe, uyu mwana ku bumi ubwa mulimo. Imwe mwali mupele kuli nyina na wishi; kabili nomba bena bale mupela kuli ine, mu maboko yandi; kabili nde mubika ukufuma mu maboko yandi ku Yenu. Lesa, paleni ba wishi na ba nyina. Paleni uyu mulumendo umunono, kabili lekeni bena bakekale bonse ubumi ubutali, ubumi ubwa nsansa ku mulimo uwa kuli Imwe. Leken umwana akushiwe mu kusambilishiwa kwa kwa Lesa, ku kubombela Wene, no kutina Wene, no kutemwa Wene, inshiku shonse isha bumi bwakwe. Nomba, bena baletete abana kuli Imwe, pakutila Imwe mwinga bapala; kabili ifwe, na maboko yesu pa mwana, tule mupala mwi Shina lyakwa Shikulu. Kabili lekeni ekale ubutali, ubumi ubwa nsansa ubutuntulu na maka, mu mulimo Wenu. Mwi Shina lya kwa Yesu. Amen.

Lesa akupale, Stanley munono. Naukwata umulumendo umusuma palya.

<sup>42</sup> Nomba nalaipusha fye ubwafwilisho panono, kubantu abanono kabili ku baciimo ca misepela. Kabili nalishiba cintu cakosa. Imwe te kuti mwiminine ifyo fine inshita itali, pantu imbafu shenu shilakosa. Lelo ndepalama icintu cimo muno

bushiku ico nshatala citapo kunuma. Kabili kuliko icintu cimo ico nalalandapo, ico nshatala tontonkanyapo ukulanda pa cintu ica musango ifi.

<sup>43</sup> Ulya e mulandu wine, muno lucelo, nsha cifwaya ukubika ilya inshita ku ntanshi ya Mbila, kabili nshicipwisa ukulanda palwa Ishintililo lyandi, kabili nshiletontonkanya nkatala ukucita. Ndesubila nshakatale ukucita. Wene aliwama nganshi!

<sup>44</sup> Lelo, muno bushiku, nalalanda pa cintu cimo ico nshishibe. Kabili nomba, cilya cintu icine cine, kuli kapyunga ukusoso kutila ena ali no kulanda pa cintu cimo ico ena teshibepo nangu cimo. Lelo ndeya pantanshi, ku kwishiba kwa mano yandi aya suma, na ko, ukutila ulu lukuta lwingakwata ukwiluka. Kabili te kuti, nangu cibe shani, ukukana landa icintu icili conse kuli imwe, ico icili ica bunonshi.

<sup>45</sup> Elyo kabili, iyi tepu, ndemona abalumendo balepanga tepu. Kabili nga mukatala ukupoka tepu, uyo onse uleumfwa kuli tepu, ibukisheni, nge cintu cimo na cipapusha, kuli imwe, mwiesha ukucisosa kano fye cili pa tepu. Mwikesha ukusosa icintu cimo ica pusana kuli co icili pa tepu.

<sup>46</sup> Abengi balanembela, pa *Ubufyashi Bwa Nsoka*, kabili batila ukuti nasosele ifi-ne-fi. Ndaya mukusenda tepu, no kuilisha nakabili. Ine nshacisosele muli ulyo musango. Mwamona, abantu balapingwila mumbi ifintu.

<sup>47</sup> Namwishiba, Yesu, inshita imo panuma ya kubuka Kwakwe, alenda kumbali ya lulamba, pamo na batumwa, kabili Yohane ashintilile pa cifuba Cakwe. Kabili batile, “Ni cinshi icikacitika kuli yu muntu?”

Yesu atile, “Ni cinshi icili kuli imwe nga kabapo mpaka nkese?”

<sup>48</sup> “Kabili kulya kwaile nsoselo, ukutila, ‘Yohane ali no kuba no mweo mpaka akamone Yesu akese.’”

<sup>49</sup> Kabili Amalemba yatila, “Mucine, Wene tatalile ukusosa muli ulyo musango.” Mulemona, Wene—Wene tatalile ukusosa filya. Wene asosele fye ukuti, “Cena ni cinshi kuli imwe nga akabapo mpaka nkese?” Wene tatalile ukusosa ukutila Ena akabapo. Lelo, mulemona, ukukana umfwikisha, cena calyanguka nganshi.

<sup>50</sup> Kabili, nomba, cena cili—cena tacili ukuti ndeebaula umo umuntu pa kucicita. Pantu, ndacicita, ine wine. Kabili abantu bonse balacicita; nga cakutila abatumwa, abo aba endekele pamo na Shikulwifwe, ta bamwilwike Wene. Kabili bena tabatalile ukumwiluka Wene palwalala.

<sup>51</sup> Pakulekelesha fye, batile, “Moneni, nomba twailuka. Nomba twacetekela. Kabili tuli abashininkisha ukutila ta kuli umuntu ulingile uku Mweba icintu icili conse, pantu Imwe mwalishiba ifintu fyonse.”

<sup>52</sup> Kabili Yesu atile, “Bushe nomba mwacetekela?” Mwamona? “Panuma ya iyi yonse nshita, bushe imwe mu- . . . Bushe cena mukulekelesha nacumfwika kuli imwe, mwamona, ukutila mucetekele?”

<sup>53</sup> Kabili bulya buntu fye. Kabili ifwe bonse tuli abantu, e ico tuli no ku kana umfwikisha.

<sup>54</sup> Lelo nga cili nge ca kupapushako panono kuli imwe, mukalishe tepu nakabili. Mukakutikishe lyena. Ndi uwashininkisha Mupashi wa Mushilo akacisokolola kuli imwe.

<sup>55</sup> Kanshi, mwe bantu abanono, nga mwalaikatilila fye ba “ameni,” abana. Loleleni fye pa kashita akanono, pantu ine ndefwaya ici mucine ukupokelelwa, pantu abengi tabakakwate tepu. E ico, ine ndefwaya imwe mucine ukuyumfwa. Kabili lekeni tupalame yena, pantu, nalalanda ama miniti amakumi yatatu na fisano, atemwa amakumi yane, na katina fye nge fyo twaishiba ifya kucicita.

<sup>56</sup> Pantu, iyi ni nshita iya pulishamo nganshi kuli ine. Ni kulya uko icintu cimo cacitike, ico nshishibe ifya kucita. Mwamona? Kabili ninjiminina mu nshila imo iyakalabana nganshi iyo nshatala ukwimininamo, mu nshiku shandi isha bukapyunga bwandi, nge fyo naishiba.

E ico, lekeni tukontamike imitwe yesu nomba, ilyo tatulapalama Icebo.

<sup>57</sup> Shifwe uwa mu Mulu, kanshi, inshita imo iyapitapo, nashimikile pesambililo ilya *Ukutunganya*. Kabili *ukutunganya* kwaba “ukucita cimo ukwabule nsambu.” Kabili nalimo, muno bushiku, Shikulu, ninjibulila palwa ndi ukwilula icintu cimo ku bantu, ukwabula ukukwata icimonwa pali cena. E ico kanshi, Shikulu, ncencenteni, apo ifinshinka filingile ukucencentwa; isaleni akanwa kandi, Shikulu. Imwe mwalisele utunwa twa nkalamo, mu cilindi na Daniele, ica kutila tasha mucenene. Shikulu, ndepepa, ukutila, nga nalaesha ukwilula icintu cimo icalubana, Imwe mucili mwalikwata amaka ukwisala akanwa. Lelo nga cena Cishinka, lyena, Shikulu, paleni Cena, kabili citumeni Cena. Kabili imwe mwalishiba imibele kabili ico cili fye mupepi. Kabili ulya e mulandu wine naishila, mpaka na kuli ino ine inshita ya kulekelesha, pa cintamba, ukweshya ukwilula ifi fintu. Ndelomba kuli Imwe ku kutwafwa.

<sup>58</sup> Paleni ulu lukuta ulunono. Ili bumba ilisa muno pesamba lya mutenge, ilikala pamo na ifwe muno mumusumba, ukwisa ukufuma mu misumba ingi. Owe, ilyo ifinshingwa fya cungulo bushiku fileika, tuli abansansa nganshi ukukwata incende ya kwisako. Ilyo isonde lili mucimfulunganya nganshi kabili tabeshibe epo baiminina, tuli aba nsansa, ukutila “Ishina lyakwa Shikulu lupungu ulwakosa, kabili abalungami babutukila muli Lyena kabili balacingililwa.” Fyena te Fyebo ifingi nganshi, lelo ubusokololo!



<sup>59</sup> E ico, tulepepa, Tata, nge fyo Amalubuuto aya cingulo bushiku yesa, pa kwingila kwa ka kasuba. Kabili twalicetekela ukutila ilya e nshita twikalamo, mu kwingila kwa kasuba. Kabili ifwe mubufumacumi nganshi tuletotela Imwe, Shikulu, ukufuma mu mitima yesu bonse, pa fintu ifyo Imwe mwatucitila. Kabili, Shikulu, ukupita mu nshita, ndetasha Imwe pa kuleka ifimonwa ifyo Imwe mwapele, cila cimo muli fyena ifya pwililika fye, kabili ubwilulo ubuli bonse ubwa ciloto bwa bafye filya fine muli ulyo musango. E ico, twalishiba cena kuti caba fye Imwe, Shikulu; pantu ifwe tuli bena kufwa, bonse abafyalilwa mulubembu, kabili tamwabamo akantu akasuma muli ifwe. Lelo, ukutontonkanya ukutila Imwe, kuti mwasenda icintu ica musango ifi, ngo muntu nse, no kubasamba ku menshi aya Cebo na ku Mulopa wa kwa Kristu; kabili no kutambalika kulyo kuboko muli ulyo musango, mpaka umuntu talebomfya ukutontonkanya kwabo abene, lelo ukuleka Amano ayali muli Kristu, Uyo uwaishiba ifintu fyonse, lekeni Yena yesemo no kulanda no kubomfya ihema. Na Mutotela, Tata.

<sup>60</sup> Nomba tulepala Ishina Lyenu ilya Mushilo. Kabili tulepala ili bumba ilinono, muno bushiku, mwina Shina Lyenu. Tulepala kacema, Munyina Neville, umubomfi wakwa Lesa uwashipa. Tulepala ba dikoni, ba trustee, kabili ne cilundwa conse ica Mubili wakwa Kristu, konse kuno kabili no kushinguluka isonde, mwi Shina lyakwa Shikulu Yesu.

<sup>61</sup> Owe, ilyo tulemona ici cafita, icafitulukila, icinshingwa ica kutinya icilewila pa cinsu ca Bwinakristu, twalishiba inshita ilepalama. Kuli no kuba Ukusendwa, kabili Ulukuta lukasendwa mu mulu: Shikulu, lekeni twende ukuya pantanshi, ukulolekesha ku Mwine kabili Upwisha, Kristu. Peleni ifi, Shikulu. Kabili ilyo tuleya pantanshi nomba, mwi Shina lyakwa Shikulu Yesu, ukulolekesha ifi fintu ifyo fyabikwa pa mitima yesu, tulepepa ukutila Imwe muli no kuba na ifwe no kutwafwa. Kabili sendeni ubukata ukufuma muli cena, Shikulu, pantu twaipela fwebene kuli Imwe, pamo ne Cebo Cenu, mwi Shina lyakwa Yesu Kristu. Amenii.

<sup>62</sup> Nomba, nga namukwata icilembelo ne pepala, kuti natemwa imwe ukulemba ifintu fimo, nge. . . atemwa icintu icili conse ico mulefwaya ukulemba. Fiteyanyeni fye. Elyo kabili, pa tepu napo, nga mulefwaya ukulemba Amalembo, pa nshita ili yonse, pantu nalicetekela caba Amalembo eya pendwa.

<sup>63</sup> Nomba tulefwaya ukubelenga isambililo muno bushiku, atemwa ukubelenga Amalembo aya kubelenga, ukufuma mwi Buku ilya Kusokolola kwa kwa Yesu Kristu. Kabili ndecetekela ukutila ubu e Busokololo bwa kwa Yesu Kristu, nge fyo bwalembwa mwi Buku. Kabili ubusokololo ubuli bonse ubo bwingaba ubwa pusana kuli ubu Busokololo, kuti bwaba ubwalubana. Ndecetekela cilya kuti caba ukulumbula... ukulumbula—ukulumbula nakabili. Ubusokololo ubuli bonse

ubushingasuntikana pamo no bu Busokololo, no kuleta ubu Busokololo ku lubuuto, bwena busokololo ubwalubana. Bwena bulingile ukuba mu Malembo.

<sup>64</sup> Nomba, mucipandwa ca 10 mwi Buku Iya Kusokolola ukwa kwa Yesu Kristu, ndefwaya ukubelanga ama vesi ayakubalilapo ayanono, ama vesi aya kubalilapo cinelubali, 1 ukushinta 7. Umfwikisheni nomba, kabili mumpepeleko.

*Kabili na mwene malaika umbi uwa kosa—malaika umbi uwakosa aleika mu mulu, na fwala ikumbi: no mukola mfula pa mutwe, icinso cakwe... cali nga kasuba, na molu yakwe nge ncenshi sha mulilo:*

*Kabili na ka mufungilo aka funguluka mu minwe yakwe: ashimpile ulukasa lwakwe pali bemba, no lwa ku kuso pa mulundu,*

*No kubilikisha ishiwi likalamba, nge nkalamo ilelila: ilyo abilikishe, ifibulumo cinelubali fyalandi le ku mashwi ya fiko.*

*Kabili ilyo ifibulumo cinelubali fyalandile, natile nembe: lelo naumfwile shiwi lya mu mulu lileti, Kakatika ifintu ifilandile ifibulumo cinelubali, wifilemba.*

*Na malaika uo na mwene na iminina pali bemba na pa mulundu atumpwile ukuboko kwakwe pa mulu,*

*No kulapa uli no mweo umuyayaya umuyayaya, uwalengele umulu, ne fintu fya bamo, na pe sonde, ne fintu ifya bamo, na bemba, ne fintu ifya... bamo, ati takwakabe ukukokola nakabili:*

*Lelo mu nshiku she shiwi lya kwa malaika uwalenga cinelubali, ilyo alaswa alishemo, elyo cikafishwapo ica nkama cakwa Lesa, ifyo alandile bwino bwino kubasha bakwe bakasesema.*

<sup>65</sup> Kabili isambililo lyandi, nga kuti nalita filya, muno bushiku, nili: *Bushe Ici E Cishibilo Ca Mpela, Mukwai?*

<sup>66</sup> Ifwe bonse twalishiba ukutila tuleikala mu i—inshita iya wamisha ku Lukuta, lelo inshita iya kutinya ku ushacetekela. Kabili tuleikala muli shimo inshita ishabipisha pali shonse, fyonse ifyatalile ukuba, ukutula ilyo isonde lyatendeke. Takwaba kasesema, takwaba umutumwa, takwatala, mu nshita ili yonse, uyo watalile ukwikala mu nshita nge iyi tuleikalamo nomba. Ino e mpela.

<sup>67</sup> Cena calilembwa mu myulu. Cena calilembwa pe sonde ponse. Cena calilembwa mwipepala lyonse ilye lyashi. Ino e mpela, nga kuti mwabelenga ifilembo. Bakasesema baikele mu nshita ilyo ifilembo fyali pa cibumba ku nko, lelo ifwe

tuleikala ilyo ifilembo fili pa cibumba ku nshita. Inko shonse, isonde, ifintu fyonse, inshita ili pa mpela. E ico, tulingile ukufwaya Amalembo, ukusanga ora iyo tuleikalamo.

<sup>68</sup> Lyonse, kasesema uwa cine uwakwa Lesa akaya ku Malembo. E ico kanshi ena ali uwashininkisha ukutila cili no kuba muli ulyo musango. Mu Cipingo ca Kale, ilyo bakasesema basose icintu icili conse, kulya lyonse, ku cifulo cimo, kwali kasesema ne Cebo, uyo waikele ne Cebo. Alolekeshe kuli Lesa ku fimonwa. Kabili nge cimonwa cakwe cali ica pusana ne Cebo, lyena icimonwa cakwe cali icalubana. Ulya e musango wakwa Lesa uwa kuletelamo Icebo Cakwe ku bantu Bakwe.

<sup>69</sup> Bushe kuti mwangumfwa, kunuma uko, cisuma? [Munyina Branham aleka—Ka.] Nshishibe fye apa kutampila.

<sup>70</sup> Nomba, lyaba lishuko ilikalamba kuli ine, ukwishiba ukutila ino tabernacle yali ulukuta lwardi ulwa kubalilapo. Cena cintu icawamisha. Kabili nshakatale ukulabako, nangula ine... Yesu akokole kabili ningekala ukuba ne myaka ya kufyalwa imyanda. Ndebukisha ubushiku nabikile ilibwe lya pa cifutu, palya pa cifutu; kabili icimonwa Ampele lulyo lucelo, pali iyi tabernacle. Kabili imwe bonse muleibukisha. Cena calilembwa mu ma buku. Kabili cena mucine nacifikilishiwa, umupwilapo, takuli nangu cimo ica cena icalufiwapo.

<sup>71</sup> Kabili, nomba, nshilecetekela ukutila kwalibako icintu icili conse ico Wene alanda, yonse iyi myaka ya bumi bwandi, ifyo nalanda ku bantu, lelo ifyo fya fikilishiwa. Kabili abantu abengi balisa ne filoto, ifyo Wene anenga ine, ku nkumbu Shakwe, ukwilula ku bantu. Kabili abengi balisa ne filoto kabili na mafya ifyo nafilililwe ukwilula.

<sup>72</sup> Lelo nshaesha ukwishibisha kuli imwe mwe bantu ubucenjeshi ubo bwakwata amasuko yonse. Nalyesha ukuba uwa bufuma cumi no kumweba ico caba Icine, kabili ine kuti na mweba fye ilyo Wene anjeba. Elyo kabili ilyo cisa kuli ine, lyena kuti na mweba.

<sup>73</sup> Kabili ndefwaya ukumisoka. Muli buno bushiku ubo tuleikalamo, kwaba ifingi... Tacili—tacili ukusose icintu icili conse ukususha abantu. Lelo ilyo mwamona umuntu uyo wakwata ubwasuko ku fintu fyonse, cilya na cipusana ne Cebo.

<sup>74</sup> Yesu atile, “Kwaliko abafibashi abengi mu nshiku shakwa Eliya, lelo umo fye e waundepwe.” Mu myaka ingi, amakumi cinekonse konse atemwa ukucilapo, iyo Eliya aikele, kabili uwa fibashi fye umo ewaundepwe. Ba mukamfwilwa abengi mu nshiku shakwa Elisha, lelo ena atuminwe fye kuli umo. Kabili tulesanga ukutila kwaliba ifintu ifingi ifyo Lesa acita, kabili ne fyo Wene tasokolola ku ba bomfi Bakwe. Kabili takwaba umubomfi nangu umo uyo waba umukalamba kucila Shikulu wakwe.

<sup>75</sup> Kabili, lyena, Lesa takakane ubukata Bwakwe nouli onse. Wene ni Lesa. Kabili ilyo umubomfi aisa pa cifulo ico esha ukusenda icifulo cakwa Lesa, lyena Lesa alasenda ubumi bwakwe no kumufumyapo no kumutwala kumo, atemwa icintu cimo. Tulingile ukwibukisha cilya.

<sup>76</sup> Nomba, muli filya ifimonwa na mabwilulo, teti nande ubwilulo ubwa ciloto mpaka na mona filya fine, ku cimonwa, ifyo iciloto cali. Kabili mwebengi imwe mwalishiba ukutila mwalinjeba iciloto cenu, kabili tekuti munjebe conse nakalya. Kabili ilyo namwene iciloto ukubwekela kuli ine, nalipilibwike no kumweba ukutila kuliko ifingi ifya cena ifyo mushileko, lyena no kumweba filya ifyashele kuli cena. Mwalishiba cilya cishinka. Nga cilya cishinka, soseni, “Ameni.” Ameni. [Abengi basosa, “Ameni.”—Ka.] Ifintu fyo ta mwanjebele. E ico kanshi, mulemona, nga i. . . Nga filya Nabucadneza asosele, “Nga te kuti munjebe ifyo nacilota, lyena musango nshi ningeshiba ukutila na mukwata ubwilulo ubwa cena?”

<sup>77</sup> Lelo fyonse ifi ifya kwelenganya, tatulingile uku fisenda no kusosa, “EFYO ASOSA SHIKULU.” Tatulingile ukucita cilya. Tulingile ukukwata ishiwi ilituntulu, ubwasuko ukufuma kuli Lesa, ilyo ta tulasosa cena ni Lesa. Te cakwelenganya, atemwa ica kumfwa umfwa, te mulandu umusango cileumfwikilamo.

Imwe limbi kuti mwasosa, “Ndecetekela kuti caba muli uyu muango.”

<sup>78</sup> Lelo ilyo mwalanda, “EFYO ASOSA SHIKULU,” cena te imwe. Lolekesheni ku ntanshi. Bushe mwalitala ukucimona ukufilwa? EFYO ASOSA SHIKULU caba icapwililika, tacatala ukufilwa. Kabili ilyo lyonse cena cili EFYO ASOSA SHIKULU, cena te kuti cililwe.

<sup>79</sup> Lelo, ifyo cili, Wene alincingilila, pantu nalilolela pali Wene. Nshaesha ukufwaya ukulumbukwa, atemwa ubukata ubwa fye ubwa bantu. Nalyesha mu busuma bwandi ukwikala uwa icefya, no kwikala umusango wa bumi ubo ndetontonkanya Umwinakristu alingile ukwikala. Kabili nshatala ukuba uwalinga ukucita cilya palwandi ne mwine, lelo Wene alicicita mpaka buno bushiku. Nge fyo ndesosa, ukutila Wene e Ulya uyo wantungulula.

<sup>80</sup> Ifintu ifingi kuti fyalandwa muli uyu musango, lelo cili no kusenda inshita itali sana. Lelo imwe bonse mwali shiba pali ifi fintu. Kabili umulandu fye weka uo nacilenga imwe ukusosa “ameni,” pakashita akapitapo, imwe mwe bantu mwe banjebapo ifiloto, elyo naishilemweba ifyo mwashileko, pantu iyi Mbila, ileambulwa. Abantu aba nko shonse bakomfwa ici. Kabili ilyo bakomfwa ulya “ameni,” lyena bakeshiba kwaliko amashiwi kulya, ayo ayaikele muli ubu bukapyunga, aba

ishibisha bwino ukucila ukucita icintu icalubana, atemwa ukusosa “ameni,” ku cintu cimo icili icalubana. *Ameni* caba “cibe fyofine.” Cena kusuminisha cena.

<sup>81</sup> Nomba, ubumi bwandi bonse, ukutula ilyo nali umulumendo umunono, kwalibako icintu cimo icincusha. Kabili nalikwete ubumi bwaibela nganshi, ubwa kosa ku kwiluka. Nangula mukashi wandi alafwena mu mutwe wakwe kabili alicisosele. “Billy, nshilecetekela umuntu uli onse kuti akwiluka iwe.”

<sup>82</sup> Kabili natile, “Nshiiluka ne mwine.” Pantu, ndaipela, naipele ne mwine kuli Kristu, imyaka ingi iyapitapo. Wene alakwata ukutungulula. Ine nshesha ukwiluka cena. Nja fye uko Wene atungulula, ku kwishibisha kwandi kusuma.

<sup>83</sup> Ndetotela pa mukashi umusuma na bana, kabili pa mukashi wandi na bana abo abakwata isubilo ukutila tekuti mbebe icintu cimo icalubana. Cilya, balicetekela. Inshita ili yonse wabeba icintu icili conse, bena balekatilila kuli cena. Balishiba ukutila ine te kuti mbebe icintu cimo icalubana.

<sup>84</sup> Kabili bushe kuti naeba umo uwa bana bakwa Lesa icintu cimo icalubana, lyena? Teti ncitile itolo. Iyo, mukwai. Lesa alefwaya abana Bakwe mukusambilishiwa ukwalungama. Kabili ukuba ababufumacumi na bena, kabili aba cishinka na bena, kabili Wene ali no kucipala, ndecetekela.

<sup>85</sup> Nomba, lyonse ili, ukupita kunuma mubulendo, kwalibako ifintu ifya citike, ifyo tekuti njiluke. Kabili cimo ica fintu ifyo te kuti njiluke, cali ilyo nali umulumedo umunono kabili filye fimonwa fyaleisa pali ine. Kabili kuti na fimona no kweba abafyashi bandi ifintu ifyo fyali no kwisa citika. Bena batontonkenye nali fye uwa mwenso. Lelo, icintu iceni, cena cacitike umusango Cena casoselemo.

Mwatila, “Bushe cilya cali ilyo taulapilibulwa?” Ee.

<sup>86</sup> “Ifya bupe no bwite fyaba ukwabula ukulapila,” Baibele efyo yasosa. Imwe mulafyalwa muli ili sonde pa mulimo umo. Kabili imwe tamucita. . .Ukulapila kwenu takuleta ifyabupe; fyena fyalingilwa kabela kuli imwe.

<sup>87</sup> Nomba, ukuya mu nshila, kabili ilyo nali umulumendo umunono, ukukabila kwandi kwali. . .Nshali uwaikushiwa mu calo ico naleikalamo. Nalekabila, mu musango umo, ukuya ku Masamba.

<sup>88</sup> Kabili nalitumbwilwe, ilyo nalashilwe, ilyo nali umulumendo umunono. Kabili ilyo naishile, ukufuma kukusendamika ukwa kubalilapo, natontonkenye nali mukucushiwa, ukuya panshi. Umuti wa ether wali nsendamike. Kabili naliile pa ma ora cinekonse konse, ndetontonkanya. Bena balisakamene palwa kunenga ukushibuka nakabili. Balikwete ukutumbula ukukalamba,

ukwabula penicillin. Umulopa; amolu yonse yalilashilwe mupepi no kuputulwa, ne mfuti. Umunandi umunono umulumendo alishishe imfuti yakwe.

<sup>89</sup> Elyo kabili panuma ya myeshi cinelubali, nalikwete ukusendamikwa na kumbi. Kabili ilyo nafumine muli kulyo kusendamikwa, natontonkenye nalimine kulya ku filime ifya kumasamba. Kabili ulupanda ulukalamba ulwa golde mu lwelele, kabili ubukata bwakwa Lesa bwalebalka ukwika ukufuma kuli lwena. Ine ukwiminina filya nge *fi*.

<sup>90</sup> Ilyo Ulubuuto, ulo mulemona pa cikope muno bushiku, ulo lwashininkishiwe ukuba Icibumbwa ica kupapusha, mukufwailisha kwa ba science; kuli ine, Cena cali ulubuuto lumo lwine ulwa poneshe panshi Paulo Washila. Cena cali Ulubuuto ulo lwatungulwile abana ba Israele, mu bushiku. Bushe na mumona pano, uyu Malaika? “Ena afwele Ikumbi.” Mwamona, Ena ali “Ikumbi mukasuba.” Nomba, lulya lwine Ulubuuto.

<sup>91</sup> Nga ku bantu ukukana iluka, itontonkanyo lya ntanshi ukutila cali icalubana, ukutila nalesosa fye cilya. Lelo Umupashi wa Mushilo wali ngo wafishile ifibombelo fya science, kabili abantu kulya, ku cishininkisho, kabili basendele icikope ca Cena, imiku ingi.

<sup>92</sup> Natile, “Nalimwene umuntu uwakupikilwe ne cinshingwa ca mfwa,” icinshingwa icafita pali bena. Imilungu inono iyapitapo ilyo nali mu musumba. Kabili ilyo twaleshimikila, imwe—imwe ta mulingile ukukopa ifikope, namwishiba, ilyo baleshimikila. Kabili ilyo...icintu cimo cine cali ilyo cilya cacitike; lelo umuntu umo alikwete ica kukopelako. Kabili natile kuli namayo uwa ikele kunse kulya, umweni...nali mu—mu Southern Pines. Natile, “Kuliko icinshingwa pali Miss *Kampnda-na-kampnda*.” Na mayo uo nshatala monapo mu bumi bwandi. “Iwe ufumine fye kuli doctor; kabili ne mpwalonda shibili, pa mabele yonse, kabili iwe nabakufilwa. Iwe naukupikilwa ne cintu icafita, ku mfwa.”

<sup>93</sup> Kabili Icintucimo casosele kuli nkashi uwaikele mu pepi, uyo wakwete icakukopelako ica lubuuto, atile, “Kopa icikope.” Kabili ena talefwaya ukucicita. Nomba, “Kopa icikope,” kabili ena nalyo line alikene. Elyo kabili nakabili calishile, kabili alisendele icikope...kabili akopele icikope. Kabili cilya cili palya, ica science. Cili pa cipampa caku sabankanishishapo; icinshingwa ca cintu icafita.

<sup>94</sup> Lyena, ilyo mwanakashi acetekete kabili ipapo lyalipelwe, icikope calikopelwe kulya kwine fye kunuma iya cena, palwalala. Natile, “Icinshingwa na ciya.” Mwamona? Na mayo ali no mweo, ku nkumbu shakwa Lesa.

<sup>95</sup> Bushe mulemona ico ndepilibula? [Ulukuta lwatila, “Ameni.”—Ka.] Nga mwalanda icine, imwe kuti ba miseka

pakashita, imwe limbi te kuti bamiluke pakashita. Lelo, Lesa ali no kushininkisha cilya, ukutila cilya cishinka, nga cakutila mwaikala na cena. Mwamona? Ikatilileni fye. Limbi kuti casenda imyaka, lelo, nga filya muli Abraham na bambi, lelo Wene lyonse akacilenga ukuba icishinka.

<sup>96</sup> Ilyo ulya Malaika kulya...Kabili ndemona, kunse ya mukashi wandi, kuliko abantu muno muno bushiku, ukufuma imyaka amakumi yatatu ayapitapo, abo abaiminine mupepi ilyo Cilya caishileika. Bushe kuliko umuntu umo mwi bumba nomba uyo waliko kulya ilyo Malaika wa kwa Shikulu, uyo waishile ika pa mumana inshita ya kubalilapo, ku cinso ca bantu? imyeni amaboko yenu. Ee, balya abali palya. Mwamona? Nomba, ni mona Mrs Wilson na imya ukuboko kwakwe. Ena aliminine kulya. Umukashi wandi, kulya, ena ali kulya. Kabili nshinshibe aba bamo abashala bali, balya abaiminine pa lulamba palya, kucinso ca bengi, abantu abengi, ilyo nalebatisha pa tukoloko mu cungulo.

<sup>97</sup> Kabili mulya mwine fye mulwelele ulwa butale, ilyo takwali imfula pa milungu, apa Alishile ne ciunda, kabili atile, "Nge fyo Yohane Kabatisha atuminwe, ku kutangilila ukwisa kwa ntanshi kwa kwa Kristu, iwe na utumwa ne Mbila, ku kutangilila Ukwisa kwa cibili kwa kwa Kristu."

<sup>98</sup> Abaume abengi, ukufuma kuli ba shimakwebo, umusumba, baliminine pa lulamba, balinjpwishe ifyo Cena capilibwile. Natile, "Cilya te cakuli ine. Cena cenu. Ndecetekela." Uh-huh. Ukutwalilila Calile. Kabili ilyo ulya Malaika aile, nga muleibukisha, Ena aile ulubali lwa kumasamba ilyo Aleya pa mulu; kulya kwine, pa mulu, palya pa mulu wa bulalo, kabili aile ulubali lwa ku masamba.

<sup>99</sup> Umwaleya inshiku, naishile kumanya katamba wa ntanda, uyo waba ni Magi. Kabili balinjebele pe bumba lya ntanda ilyo lyaishile capamo mu ciputulwa cimo.

<sup>100</sup> Ilyo, abantu abamano mu Babylon bamwene kulya ukutonta ku Palestine, ishi ntanda shitatu muli buumo. Mwalingu'mfwa ine ukucilanda, inshita ishingwi. Bushe mwalishibe cilya calishininkishiwa, iyi milungu iyapitapo, ukuba icine? Munyina Sothmann, naukwata lilye pepala na iwe muno bushiku, apaliponse apo ubelele? Cena cili mwipepala, ibula lyepepala lya pa Mulungu, December uwalenga pabula. Ukutila, kasabankanya aile kulya, kabili baliimbile fyonse ifi fintu. Kabili ifwe mucine tuleikala nomba, calishininkishiwa, ukutila ifwe tuli...Uyu mwaka uleisa ni 1970. Imyaka cinelubali ukufuma mu nshiku, ku mabwe ayaimbilwe, kabili ukushininkisha ukutila cena cilubo. Ninomba line ukucila ifyo muletonkanya. Nshimumwene Munyina Fred, nangu cibe fyo. Munyina Sothmann, bushe uli muno? Bushe naukwata ipepala iwe, Munyina Sothmann?

Naukwata. Ena nakwata ipepala. Nalimo mailo mu bushiku nkakulenga iwe ukuibelenga. Ifwe tatukwete inshita, muno bushiku. E ico, imwe kuti mwamona.

<sup>101</sup> Kabili, moneni, filya fine fye. Balya ba Magi, balya ba Magi ba ciYuda kulya mu Babylon, ukusoma intanda, bamwene shilye ntanda ukuwila mu cifulo ca shiko. Kabili ilyo ena acitile, balishibe ukutila Mesaya ali pe sonde. Kabili kuno balishile, mu Yerusalemu, ukwimba. Ubulendo bwa myaka ibili! “Alikwisa Uyo ufyelwe Imfumu ya baYuda?” Uku no ku mu misebo balile. Kabili, cinshi, Ali- . . .

Israele balibasekele, “Ili bumba ilya mashilu!” Bena tabaishibepo nangu cimo palwa cena, lelo Mesaya ali pe sonde. Kabili nomba mwalishiba lyonse ilyashi ilyashala, ifyo basosele.

Nomba, tulebelenga cilya, mailo ubushiku.

<sup>102</sup> Nomba, ukwisa kuli ci, ukutila ifimonwa tafifilwa, pantu fyafuma kuli Lesa. Kabili ukupita fye monse mu bulendo, kwalibako icintu cimo icintinta, ukutinta na maka pali ine.

<sup>103</sup> Kanshi, ilyo balya ba Mgi banjebele ifi fintu, ilyo nali fye umulumendo, game warden; atemwa ilyo nshilaba cilya ndecetekela cali eco, pali filya fintu. Kabili cena cali mpelo mwenso, pantu naletina ifyo ba Magi bali. Lelo panuma naishilesanga ukutila ba Magi ba Baibele bali fye bwino, pantu Lesa alacilangisha mu mulu ilyo Wene talacilangisha pe sonde, ukulolekesha filye fyalo ifya mu mulu.

<sup>104</sup> “Lesa tekasobolola wa muntu, ku nko shonse,” Petro efyo asosele. Nomba, lelo balya aba Mutina, mu nko shonse, Lesa alapokelela. [Tapali kantu pa tepu—Ka.]

<sup>105</sup> Kabili tulesanga, lyena, nalyeseshe ukufumyako itontonkanyo. Lelo, owe, kuti casenda ama ora, ukwingilamo, ifyo kutila lyonse calesela muli ulyo musango, calesela muli ulyo musango. Lelo nali no mwenso pali cena.

<sup>106</sup> Uyu Magi atile kuli ine, “Iwe tawakatale ukulunduluka ku Kabanga.” Atile, “Iwe wafyalilwe pa cishibilo.” Kabili atile, “Iwe. . . Cilye cishibilo, shilye ntanda, ilyo sha cilwike, kulya mulya, akasuba wafyalilwemo, shena shalelebelala kulubali lwa ku masamba. Kabili iwe ulingile ukuya ukulola ku masamba.”

Natile, “Cilabeko.”

<sup>107</sup> Ine—nshakwetepo icakucita pamo na cena. Kabili lyonse fye, nangula, ne li line, cilya tacacifumishe mu mutima wandi.

<sup>108</sup> Kanshi, ilyo nali kulya lilya mu bushiku, pali filye fimonwa. Ine tekuti mfiluke. Ba munyina ba Baptist banjebele ukutila cilya cali cakwa Kasebanya. Elyo kabili ilyo ulya Malaika amoneke ena mucine cine acitwele mu Malembo, kabili atile, “Nge fyo cali lilya!”



109 Ilyo bashimapepo baletalikishanya pa fintu, ukwabulo kwishiba palwa musango wa makoti balingile ukufwala, ne fya kufwala ne fintu fyonse, no kutalikishanya pa fya kupusana fyabo; ba Magi balekonka ulutanda kuli Kristu.

110 Ilyo bakashimikila basosele ukutila Yesu ali ni kabepa, Belesebuli; Kasebanya alimine no kusosa, “Twalishiba ifyo imwe Mwaba, Uwa Mushilo wakwa Lesa. Cinshi ico Imwe mwaisa mukutucushisha ilyo inshita tailakumana?”

111 Ilyo Paulo na Sila baishile, ukushimikila Imbila nsuma. Ka kabuka akanono kaikele pa musebo. . . Kabili bakashimikila ba cilye calo batile, “Aba baume ni bakabepa. Balonaula ama chalichi yesu, kabili na fimbipo, balapinuna icalo conse, ne cimfulunganya cabo.”

112 Lelo cinshi ica citike? Ulya Magi umunono, ulya kabuka umunono, atile, “Aba bantu bakwa Lesa, abo abatweba inshila ya mweo.” Kabili Paulo aebawile ulyo mupashi muli ena. Ena takabile ubwafwilisho ubuli bonse ku kupela ubunte pafyo ena ali.

113 Yesu alifyebele ukwikala tondolo. Lelo cena cilelangisha ukutila, inshita shimo, ifiwa fileshiba ifingi palwa fintu fyakwa Lesa ukucila ifyo bakashimikila bacita; bena besa mukuba abakakwa nganshi mu mipepele. Filye efyo cali, muli Baibele, kabili Lesa tapilibuka.

114 Ubushiku bumo, ukwisa kuno, imyaka iyapitapo isano, ukufuma kuli Munyina Norman, naleensha mulya mu musebo. Kabili nafumine fye mukukwata ukulongana kulya lubali, kabili Shikulu Lesa amonekele kuli ine mucimonwa. Kabili nalikele kuntanshi ya mpongolo yandi, kuno lubali ku nga’nda yandi. Kabili camoneke ukuba umwela uwabipa.

115 Mwe bengi imwe mwe bantu muli no kwibukisha icimonwa. Cena calilembwa mu mabuku yandi aya fimonwa. Ndafilemba pa kutila ningaba uwashininkisha ukutila nshifilabileko.

116 Kabili muli ici cimonwa na mwene, kwaliko icintu cimo ico caishilepita mu kamusebo, kabili kulya kwali amabwe ayasalangene mu lubansa lwandi lonse. Kabili kulya kwali fi mazembe na fimashini fyakwimbilako, uku no ku mukamusebo, kabili ifimuti fyaliputawilwe no kunukulwa. Kabili natendeke ukwingila mu mpongolo, kabili yonse yalisalike na mabwe. Kabili naishilefuma, ukusosa ku mwaume, “Mulandu nshi ici?”

Kabili aishile fulwa nganshi, aishilensunkila kunuma, kabili atile, “Filya efyo mwaba imwe bakashimikila!”

117 Natile, “ine nacikwipusha fye, ‘Cinshi ico ucitila ici?’ Iwe uli—iwe uleisa kulubali lwandi ulwa mu sebo, kuno. Cinshi ico wacitila ici?” Kabili ena ali fye mupepi no kuntoba ulupi, kabili alinsukile kunuma.

118 Kabili natontonkenye, “Nalamweba fye ukutula ena taishiba ifyo alelandapo.”

119 Kabili Ishiwi lyalilandile, lyatile, “Wiesha ukucita cilya. Iwe uli kapyunga.”

Kabili natile, “Cili fye bwino.”

120 Kabili nalipilibwike, kabili, ku kwakulyo kwandi, ukwikala ku ntanshi ya mpongolo, kwali icikocikala ica mucilime ica kale. Namwishiba ici, iceleta iyafimbwapo, na bakabalwe abakulikwa kuli Yena. Kabili ukwikala kulubali lwakwa na mutekenya cali mukashi wandi. Nalolekeshe kunuma munuma, kabili abana bandi baikele kunuma kulya. Nalininine mwi celeta. Natile ku mukashi wandi, “Mutemwikwa, nalishipikisha fyonse ifyo ninga cita.” Kabili nalikete shilye ntambo no kutinta kabalwe uwa kutungulula, no kutendeka ukulola ulubali lwa ku masamba.

121 Kabili Ishiwi lyatile kuli ine, “Ilyo ici cikesafikilishiwa, ukaye ukulola ku masamba.”

122 Munyina Woods, kakula muno mu lukuta lwesu, kabili trustee. Nibanga abaleibukisha icimonwa nomba, ukwibukisha ine ukumweba? Mucine. Cena calilembwa palya mwi pepala. Kabili natile kuli Munyina Woods... Ena ashitile, ukufuma ku lukuta, ici ciputulwa icaba pakati palya. Kabili ena ali no kukula inga'nda ya mabwe kulya. Natile, “Wicicita, Munyina Woods, pantu bena tabakatale ukukupela indalama shobe ukufuma muli cena. Nalimo, limbi...” Ilya myaka iyapitapo, imyaka isano iyapitapo. Natile, “Bena bali, nalimo, no kuleta bulyo bulalo ukupitila pano, kabili yalya amabwe yena nalimo naya tobaula ifipinda fyandi, kabili no mwakupita mwandi ne fintu, ukusalangana apa.” Mucifulo ica kuba amabwe, cena cali ifipimfya ifya konkili. “Kabili lyena bali no kubika cilya apa lubali, pantu batile mwi pepala ukutula cilya eco baleesha ukucita.” Cisuma, ena taikulile. Mukulekelesha baishilesala, nalimo umwaka panuma, atemwa ibili, bena bali no kuupisha mulya, ulubali *ulu* uku. E ico cilya calicipwishishe, e ico nalilabileko fye pali cena, no kucileka.

123 Nomba, icintu iceni calicitike nalimo umwaka wa pitapo. Nalikwete ukulongana inshita imo iya bushiku kulya kuli Munyina Junior Jackson. Naikala muno mwine, kapyunga wa ku Methodist uyo wapokelela Mupashi wa Mushilo, kabili alibatishiwa mwi Shina lyakwa Yesu Kristu, kabili alecema lumo pa nkuta shenu twampana na sho.

124 Ukumilangisha fye ifyo Lesa abomba pamo na ba bantu bakwe, ndesosha ici no mutima wandi onse. Nshaishiba ulukuta uli lonse mwi sonde lyonse, ulukuta capamo nakabili, uko ndecetekela Umupashi wa kwa Lesa waba, ukucila luno

lukuta. Balikwata ifya kupusana fyabo. Bena mucine tababa apo balingile ukuba, nangu umu muli ifwe, lelo bali fye mu pepi nga onse uwashala uo naishiba.

Nalamulangisha, ukwishiba ico cali no kwisa citika.

<sup>125</sup> Munyina Jackson alotele iciloto. Ena alifililwe ukucilabako cena; kabili nalefuma ku lukuta lwakwe, kabili alifililwe ukuba tondolo pali cena.

<sup>126</sup> Nililali ilyo cacitike, Munyina Jackson? [Munyina Jackson atila, “Nalikwete iciloto mu February ya ’61, Munyina Branham.”—Ka.] February iya ’61, akwete iciloto.

<sup>127</sup> Kabili alishile kuli ine, kabili atile, “Icintu cimo cili pa mutima wandi. Ningile ukukweba, Munyina Branham.”

Natile, “Twalilila, Munyina Jackson.”

<sup>128</sup> Kabili atile, “Nalilotele iciloto.” Kabili cilya cali palya! Naikela fye shilili, kabili nalekutika no kulolekesha. Atile, “Nalilotele ukutila kwaliko akalupili aka kalamba aka kulu, kwati ni mucilime, uko icani icalelema atemwa icintu cimo cali.” Kabili atile, “Pa mulu uwa aka kalupili, apo amenshi yasendele iloba, palipo ilibwe ilya pa mulu, palya pa mulu wa kalupili, kwati pa mulu wa lupili. Cali ilibwe; tapali icani. Kabili kulya ukwa menshi yakunkulukile panshi, calilembele fimo nge fya kubelenga pali aya mabwe. Kabili iwe waliminine palya, ukwilula uku kubelenga pali aya mabwe.” Kabili atile, “Ifwe bonse,” kabili uyu e musango acilandilemo, atile, “bamunyina ukufuma ku Georgia, kabili ukufuma mwi sonde lyonse, twaliminine capamo, ukumfwa kuli imwe ukwilula kulyo kulemba ukwa kupapusha pali yalya mabwe, lulyo lupili.”

<sup>129</sup> Kabili atile, “Elyo walimishe icintu cimo, kwati kufuma mu mwela, icintu cimo icapala nge icishimbi ica kutobawilako, atemwa—atemwa icakwimbilako.” Bushe te ifyo fine, munyina? “Icintu cimo icapala filya, icishimbi icakutobelako, icatwa nganshi.” Kabili atile, “Cena, ifyo ucicitile, nshishibe.” Kabili atile, “Iwe waumine pa mulu wa lulyo lupili, ukululepwile mu mbali, nokufumyapo icakwisalilako ca lwena. Lwena lwali mu musango uwa pyramid. Kabili walilepwile iciputulwa capa mulu.” Nomba, cilya cali myeshi kabili myeshi ne myeshi ilyo Imbila ya pyramid tailashimikilwa. Kabili atile, “Pe samba palya pali libwe ilya buta, ilyakosa. Kabili imwe mwatile, ‘Akasuba, atemwa ulubuuto, talwatala ukubalikilapo pali Ici nakalya. Lolekesheni muli Ci. Moneni Ci.’”

<sup>130</sup> Kabili cilya cishinka, pantu, mukulengwa kwe sonde, isonde lyalilengelwe ilyo takulaba ulubuuto. Ifwe bonse twalishiba cilya. Lesa aendele pa menshi. Kabili—kabili lilya,

mu kutendeka, Ena alandile ulubuuto. Kabili, mu cifyalilwa, pe samba kulya, mu nshita ilyo kulyo kulengwa kwali, lulyo lubuuto talwatalile ukwisa pali lilye libwe.

<sup>131</sup> Kabili atile, “Lolekesha pali Ici. Ulubuuto talwatala ukwisa pali Cena.” Kabili ilyo bonse baishile ima, kabili nalibelele ukumona Cilya, kabili bonse fye baishile ukulolekeshamo.

<sup>132</sup> Lelo atile, ilyo balelolekeshamo, ena aishilelolekesha ukufuma ku mbali ya linso lyakwe, ndecetekela cali, no kundolekesha ine. Nalile ku lubali lumo, kabili natendeke ukuya ukulola ku Masamba, ukulola ukwingila akasuba; ukwisa pa mulu wa kalupili, ukuya kwisamba ku kalupili; ukwisa pa mulu pa kalupili, ukutentemuka kalupili; ukulacepelako no kulacepelako, kabili nokuya fye mukukana moneka.

<sup>133</sup> Kabili atile, lilya, ilyo nacistile cilya, atile, “Elyo ba munyina baishile pilibuka, panuma ya kashita, batile, ‘Bushe talemoneka? Nikwisa uko ele?’” Kabili atile, “Bamo baile *kulya* lubali; bamo baile kulubali lumbi, kabili bambi ulubiyiye.” Lelo, abanonono nganshi balikele no kulolekesha pafyo nabebele.

<sup>134</sup> Nomba moneni ubwilulo ubwa ciloto. Icili, nsha mwebele icintu cimo, atemwa tapali pali ifi ifyo nalandile, fyonse ifya fyena. Lelo, natile, “Ee.” Kabili umutima wandi, ukututuma. Nalolekeshamo. Nomba, ifilembo ifya kupapusha...Loleleni, nalacileka fye pakashita akanono.

<sup>135</sup> Te kale sana, Munyina Beeler. . .Munyina Beeler ilingi line alaba na ifwe. Bushe uli muno, Munyina Beeler? Ee, kunuma uku. Billy acisosa, “Munyina Beeler ali fye uwafulunganishiwa. Ena alikwete iciloto iceni.”

<sup>136</sup> Nalile kuli Munyina Beeler, kabili atile, kulya ku nga’nda yakwe inshita imo iya bushiku, ilyo naleya mukutuma ba lamya bamo. Kabili atile, “Munyina Branham, nalikwete iciloto iceni.” Atile, “Nalotele ukutila naleya ndekonka akamulonga kamenshi, ukulola ku masamba. Kabili kwaliko umusebo kulubali lwa ku kuso. Kabili nali kulubali lwa ku kuso, ukuya ukulola ku masamba mu musebo, ifyo camoneke, ukufwaye ngo’mbe. Kabili ku lubali lwa ku kulyo, nacistile ngo wamwene panuma ilyo nafikile kulya, kulya eko wali. Kabili iwe walekolonganika ibumba ilikalamba ilya ng’ombe, kabili kwali icakulya icingi kulya lubali.” Kabili atile, “Elyo twaishile senda shilye ngo’mbe no kutendeka ukushibwekesha kulya ku mumana.” Kabili, camoneke, ukutila nali ngo wasunkenye umutwe kuli ena ku kumona shilye ngo’mbe. Kabili atile, “Nomba, cili no kuba icaanguka kuli shilye ngo’mbe, ninjishiba shalaya mu musango uwa kukana panono. Lelo Munyina Branham alefwaya shena ukwikala kulubali

ulwaku kulyo ulwa ulyo mu mana, e ico nalabwelelamo kuli uyu musebo nokushikanya ukukana isa ukuciluka umumana kuli ulu lubali, no kushisunga kuli lulyo lubali.” Lelo, ali mwene, nshatalile nshikonka ingo'mbe, lelo nalitwalilile, ukulola ku masamba. Atile, “Ena alingile alefwaya ishalubile.”

<sup>137</sup> Lilya line alelanda iciloto, nalicimwene. Elyo kabili, moneni, atile aishileba uwakukana shininkisha panono palwa ine, e ico alibwelelemo ukuya mona. Kabili atile naleya kulupili ulwa kosa, kabili pa muku fye umo naishile luba. Kabili alisungwike ico icali icalubana. Aile kulya. Elyo kabili alikwete akamulonga akanono kulubali lwakwe, ako akapatukile ku kwa kuso. Ndetontonkanya cilya cishinka, Munyina Beeler. Ee. Kabili alimwene ukufuma... Kabili kulya kulubali lwandi kwali ifipoma ifyabipisha. Kabili elyo atontonkenye, ine nga nalile muli filye fipoma no-no konaika. Elyo alimwene, kabili atile alolekeshe monse, alimwene ububi bwa filya fipoma, fyalile ulubali lwa *uku* kabili fyalelenga akafukauka ku kusabusha, lelo amenshi tayalebwekela mu mushili. Ena alolekeshe ukuciluka aka musambo akanono, atemwa akamulonga akanono, kabili alimwene inama shimo ishinono na matwi ayabulungana. Kabili atile, “Ndecetekela nalaipaya imo.” Kabili aishile abuka.

<sup>138</sup> Elyo atendeke ukutontonkanya palwa ine. Kabili aishile nina pa mulundu unono ukulolekesha kulya no kumona nga kuliko akanono, akacepesha, akamulundu akafyenenkana, namwishiba, icakutula nga nalyendele ukushinguluka. Lelo, atile, “takwali nangu cimo.” Kabili aishile sakamana. Atile, “Cinshi icicitike kuli munyinefwe? Ndesunguka icicitike kuli Munyina Branham?” Kabili ilyo aishilekwata umwenso, atile aishile ngu'mfwa ine ukulanda. Kabili naliminine palya pa mulu wa lupili. Kabili naebele Munyina Beeler ubwilulo ubwa ciloto ico na mupele te kale sana, no kumweba ukulolela pali Shikulu, ukutila ubushiku bumo nka mukumanya pacishi. Kabili ulya ali palya.

<sup>139</sup> Nomba, ubwilulo ubwa ciloto ni ubu. Nge fyo ukutila umulonga wali ukulu, wena wali mulonga wamweo. Naleya ulubali lwa ku masamba pali Wene, nao efyocali; pantu, ali mumusebo, alebutuka panono...muli uyu musebo. Kabili kulubali lumbi kwali icani icingi, lelo ifimpusa ifingi, ne myunga, ne mitengo; lelo mulya mwali icani icingi. Kabili ulya e musango tulungilamo kuli Shikulu, ne Cakulya cakwa Shikulu, ukupitila mu mafya. Ukukolanganika ingo'mbe; cali ulu lukuta; ukushisunga kuli lulya lubali. Ingo'mbe ilingi line shikenda mu musebo uusuma, ifilonganino, nga kuti fyacita; icaba, umusebo waiminineko icilonganino. Natendeke ukumubweshwa palya pa musebo, ukumona ukutila bena tabaile ku cilonganino nangu cimo.

<sup>140</sup> Nge fyo kutila amwene icibumba ico icali icishinga citwa ku kuciluka, ico cancelingilile ukukanaya ku masamba, cali ni ulyo mulandu wa musonko ku buteko. Takuli nangu umo uwingeluka umusango na fumine muli wena. Cena cali cibumba ica ncingilile, lelo Shikulu alimpishishe muli cena, kabili nalicicilwike. Nka kumanya, Munyina Beeler, pa cishi.

<sup>141</sup> E ico nomba, kanshi, lilya line panuma ya cilya Munyina Roy Roberson. Munyina Roy, bushe uli muno muno bushiku? Ee, ine—ndecetekela..Cinshi? [Munyina atila, “kulya kumbali.”—Ka.] Kulya kumbali. Alinjitile, kabili alikwete iciloto. Kabili alotele ukutila twalekolonganika ingo'mbe. (Nomba, cilya cacitatu.) Ukukolonganika ingo'mbe. Kabili kwali icani, ukupelela mulufumo, icakulya icingi. Ifwe bonse fwe babwananyina twali capamo. Kabili twaishile ku cifulo ku cakulya ca cungulo, kabili Munyina Fred Sothmann aliiminine no kusosa, “Eliya, kasesema mukalamba, alalanda ukufuma kuno ilelo, mu cungulo.” Elyo kabili ilyo ifwe bonse twalile ica kulya ca cungulo, umuntu onse aishileya, kabili alisungwike mulandu nshi tabalolele ukumfwa Cena ukulandwa.

<sup>142</sup> Nomba, mwamona ifyo cilya filya fine cilesuntinkana ne cakwa Munyina Jackson! Mwamona, cilya cilefikapo fye filya fine, filya fine, ifyo Munyina Beeler asosele! Takwali nangu umo uwalolele, ukufwailisha.

<sup>143</sup> Moneni, lilya line panuma ya cilya. Nkashi Collins, bushe uli muno? Nkashi Collins alotele iciloto icakuba kuno ku chalichi, kabili kwali ubwinga ubwali mupepi ukucitika. Kabili ilyo acitile, amwene Shibwinga ukwingila, uwapwililika; lelo Nabwinga tali uwapwililika nganshi, lelo nomba ena ali ni Nabwinga; nomba, lulya e lukuta. Kabili kulya kwali icapala ngo mulalilo, atemwa u—ukulongana ukwalipo muno, kwati icakulya ca cungulo ica bikilwe. Kabili cena cali nge camwikete pa mulandu wakutila Munyina Neville alepela icakulya ca cungulo mu chalichi, lelo ena atile cena cali Icakulya icawamisha ico tatala monapo. Ali ne nsala nganshi. Lelo atontonkenye nalimo ukutila, muciloto, ukutila ena talingile ukupela Cena, kabili ena na Munyina Willard bali no kuya kulya ku Nga'nda Yafitekwa no kuyalya. Kabili ilyo bacitile, Ulubuuto kulubali ulwa ku kulyo lwalishimine. Nomba, namwishiba ifyo Cilya cili.

<sup>144</sup> Nomba, Icakulya. Nabwinga talati abe uwapwilika, lelo Shibwinga alipwililika. Nabwinga talati abe uwapwililika na nomba, lelo icakulya ico calepelwa tacali cakulya icituntulu, cena cali Icakulya ca bumupashi ico imwe mukwata, lyonse ili.

Lekeni njiminine pano pali cilye ciloto icalenga cine, pakashita fye.

<sup>145</sup> Bushe tauleibukisha, Munyina Fred Sothmann, Munyina Banks Woods, ilyo twali kulya mu Arizona umwaka wapwile,

ilyo twaile mukulunga bakapoli abetwa javalina, kabili Shikulu alilandile? Bushe tamwishibe ifintu ifyo Acitile mukupwililika, ukulangisha ico cali no kwisa fikilishiwa, ilyo twalepita mu musebo? Nga cilya cishinka, imwe babili ba munyina soseni, “Ameni.” [Ba munyina babili batile, “Ameni.”—Ka.] Tafyatata ukulufyanyapo.

<sup>146</sup> Kabili nalimwene mucimonwa ilyo twaleensha, ubushiku bumo, i—icimonwa cakwa Shikulu caishile kuli ine, kabili naleiteyanya uku, pali ilya nshita, ilyo nabwekele kunga'nda, ukuya ku fyalo fya kutali. Kabili ilyo naile ku fyalo fya kutali, cisuma, nalimwene mubwato. . . .atemwa kulubali lwa bamba, kwali amato ayaile. Kabili kulya kwali umunono, umuntu umwipi kulya, kabili atile, “Ninkupekanishisha ubwato iwe, Munyina Branham.” Kabili kali akabwato akanono, nalimo—nalimo futu mubutali, lelo kali akabuta nge mfula yabuta. Kabili atile kuli ine, “Ubu bobo ukwabukilamo.”

“Owe,” natile, “Bwena—bwena—ta buli ubwalinga.”

<sup>147</sup> Atile, “Uli no kuya ba mailoshi amakumi yane pali ora, uku no ku *ulu* lubali.” Cilya ni ci, uku no ku kululamba.

<sup>148</sup> “Lelo,” natile, “Lwena teti bunjabushe.” Elyo kabili aishile lolekesha panshi, kabili atile, “Kabiye nge fyo baleya.” Kabili nalilolekeshe, kabili kulya kwali Munyina Fred Sothmann na Munyina Banks Woods, balikele mubwato ubwapentelwe katakatapa, na fimo ifyakucitilako inkambi ukukakwa kunuma ya bwena. Munyina Banks ne cisote icapilibulwa nge *fi*; Munyina Fred ne cakwe icafyantikwa ku nanga. Kabili atile, “Kabiye nga bena.”

Natile, “Iyo. Nshacite.”

<sup>149</sup> Kabili uyu mwaume atile kuli bena. Umwaume umunono atile, “Bushe nimwe bakensha ba mato?”

Munyina Banks atile, “Ee.” Munyina Fred atile, “Ee.”

<sup>150</sup> Lelo natile, “Bena tababa. Nine kashika wa bwato, kabili ninjishiba tekuti nje fye kuli cilya, kabili ndi uwa shininkisha teti nje muli ulyo musango.”

Atile, “Bushe tawaye pamo nabo?”

Natile, “Iyo. Iyo.”

<sup>151</sup> Cisuma, nalipilibwike. Kabili, ilyo nacityle, umwaume umunono ku cabu alipilibwike ukuba munyinanane musuma, Munyina Arganbright.

<sup>152</sup> Kabili nalibwelelemo muli ici cimonwa, kabili kwaliko icinono, icikulwa icitali. Kabili elyo Ishiwi lyasosele kuli ine. (Kabili imwe bonse muleibukisha ici, atemwa mwe bengi imwe.) Ishiwi lyatile kuli ine, “Ulete Cakulya. Ucisunge Cena. Ulya e musango fye weka uwa kubasungilamo kuno, kubapela Icakulya.” Kabili naliletele, naliletelemo, imina ikalamba

ikulu iyaisulamo ba carrot abawamisha kabili ne misalu iya wamisha, ne fintu, nshatalamonapo. Bushe muleibukisha nomba, icimonwa? [Ulukuta lwatila, “Ameni.”—Ka.]

<sup>153</sup> Nomba, kabili nalimwebele panuma ifyo ubwilulo bwali. Nalingile ukuya ku Zurich, Switzerland, na Munyina Arganbright, pa kulongana ukwa nshita sha bushiku shisano. Naebele ba munyina ilyo tacilacitika, “Nshaeko.” Kabili nali kulya pamo na Munyina Welch Evans ulya palya, ilyo Wene wapele ubwilulo.

<sup>154</sup> Inshita imo iya bushiku, ndecetekela Munyina Welch alishile no ku nsenda, twaley a pa bulendo bwa kulobe sabi, kabili atile Munyina Arganbright alenjita. Atile, “Cisuma, ici cili apa. Bena bali no kumfumyapo.” Kabili inshita ishingiri . . .

<sup>155</sup> Te kupitila muli Munyina Miner; ena ni umu uwa banandi abawamisha. Lelo inshita shimo, nga bena kuti fye . . . Nga baletontokanya uleya mukushimikila icintu cimo ico cisusha isambililo lyabo, bena basosa fye iwe uli no kuba kulya, ukusenda abanobe kulya. Kabili batile . . .

<sup>156</sup> Munyina Arganbright alinjatile kabili atile, “Munyina Branhan,” filya fine fye ifyo Mupashi wasosele. Atile, “Iwe ukese, ukese pamo no mukashi obe,” atile, “pantu iwe tawakashimikile sana,” “pantu ndetontokanya bena na bakwita fye pa nshita ya bushiku bumo.” Kabili atile, “Iwe limbi tawakashimikile kulya kumo.”

Kabili natile, “Iyo.”

<sup>157</sup> “Cisuma,” atile, “ukese kuno,” iwe no mukashi obe, imwe bonse mukese, mwamona, kabili nga wacita, ndi no kukusenda mukutandala. Owe, umukashi wandi, umukashi obe, kabili na bonse fye, tukesaya ukupita mu Switzerland, ukupita mulya mu Palestine.”

Natile, “Iyo.”

<sup>158</sup> Nalikwete ubwilulo. Naebele Munyina Welch, atemwa Munyina Fred nabena, “Ndi no kumweba mu lucelo, lelo intanshi umukashi wandi alingile ukusosa icintu cimo.” Kabili ilyo namwitile, elyo alikene ukuya. Natile, “Tci cili apa.” Mwamona?

<sup>159</sup> Nomba, ulyo bunono, ubwato ubwa buta cali kulyo kulongana kumo. Cena caba fye bwino ukuya ukuli konse pano, pa lulamba, no kulongana kumo, lelo kwena takuli ukwalinga, nangula cali ubwa buta kabili ubusuma, ku kunjita ukuciluka ba bamba.

<sup>160</sup> Munyina Fred, kabili munyina kulya aiminineko mucimonwa, bena baiminineko, “Kabiye ngo uletandala, mu kwangala.” Lelo nshasakamene ukucita cilya. Kabili ukubakanya ukuba bakashika ba mato, ico capilibwile ukutila bena tabali bakashimikila. Lelo, nali kashimikila.



<sup>161</sup> Elyo kabili Icakulya muli cilye cinono, icikulwa icitali. Nshaile ukuciluka ba bamba; kabili nalibwelele kuli ici cikulwa icinono, kabili twalipangile amatepu ayengi, aya pyramid na fyonse fye, ku kulangisha abantu ora iyo tuleikalamo.

<sup>162</sup> Nomba pashanyeni nangula cilya pamo na fimbi, ifiloto. Ici cali cimonwa. Icakulya, ici Cili apa. Ino e ncende.

<sup>163</sup> Moneni lyena icacitike. Kanshi lilya line panuma cilya icimonwa icalenga cine caishile, atemwa iciloto icalenga cine caebelwe kuli ine, kulya kwalishile Munyina Parnell. Ena ali muno, pa cifulo cimo, muno mwine. Kabili Billy talimo muno, kabili umwaume alino mwenso. Ena afuma ku Bloomington, ndecetekela, atemwa Bedford? [Munyina atila, "Lafayette."—Ka.] Lafayette, ukukwata ukulongana. Kabili alikwete iciloto, kabili ena aishile kulya kuli Munyina Woods. Kabili atile, "Ine teti ndeke fye ici ukuya. Ningile ukucilanda, ningile ukweba Munyina Branham. Cena na cincusha nganshi."

<sup>164</sup> Kabili Lesa alishiba, tapali iciloto cimo mukati kabo. Fyaishile fye, cimo, fibili, fitatu, fine, fisano, mutanda.

<sup>165</sup> Munyina Parnell atile, "Nalikwata iciloto iceni. Nalilotele ukutila nali no kukwata ukulongana kulya lubali. Kabili munshila imbi, kuliko ukulongana kuno mu chalichi ipya, icapala." Kabili atile, "Iyi chalichi ipya," ifyo yaishile isa, ukutula ena alisungwike mulandu nshi tapali ukumfwana pakati ka shibili, atemwa icintu cimo muli ulyo musango. Kabili atile aliminine pano, mpaka, "Cisuma, emo nali muno. Nalalolela fye, kabili nalabamo mukulongana." Atile, "Umwaume alishile ukupita mucikulwa, na suti iya ciswa, ne buku. Ndetontokanya alelemba." Kabili aebele Munyina Parnell, atile, "'Uku kulongana kwesu. Kwena kwaba dikoni fye na ma trustee.'" Cisuma, aumfwile kwati nanyantililwa panono. E ico aile pa mwinshi uwa chalichi ipya, chalichi iyo yakulilwe, atemwa iyi ilewamishiwa, ukupwishiwa. Kabili ilyo aile panse, kwaletona menshi makasa, umwela uwabipa, inshita ya mpepo.

Kabili tapali nangu umo pali aba bantu abaishibepo icintu nangu cimo pali ici.

<sup>166</sup> Kabili ilyo afumine pa mwinshi, naliminine kulya, ukulolesha ulubali lwa kumasamba. Natile, "Wiumfwa ukunyantililwa, Munyina Parnell. Nalakutungulula, ifyo ulingile ukucita."

<sup>167</sup> Kabili Munyina Parnell, kabili na bonse abashala, balishibe nshatalile ukubeba ubwililo. Ni ino ine nshita; nomba, ukucimona ilyo bengacilanda. Bushe naumona ifyo nafumine mulya ulubilo, Munyina Parnell? Pakutula mbe uwa kukana kweba. Kabili nalile kulya, nshatalile sosa icintu

nangu cimo kuli Munyina Woods atemwa kuli onse uwa shala, nangu umo. Nacilekele fye, pantu nalefwaya ukumona uko caletungulwila. Bushe mwalingu'mfwa ukusosa ca ili line, "Nincushiwa"? Filya efyo cali.

<sup>168</sup> Elyo kabili, Munyina Parnell, atile ukuti nalisosele kuli wena, "Munyina Parnell, ambapo. Kabili icifulo ica kubalilapo ico uli no kwisako cili no kuba Zipporah." Zipporah, "Zipporah," ico cipilibula leka, atemwa iminina, atemwa icintu cimo. Natile, "Wikekala kulya. Elyo kabije, nakabili, kabili uli no kusanga umwanakshi umukote; elyo kabili wiiminina palya. Kabiye nakabili, uli no kusanga umwanakashi umukote umutuntulu; wiiminina palya." Kabili inshita fye yonse ifwe twali, nalelanda, ifwe twaleenda ukupita mu menshi makasa. Kabili natile, "Kabiye mpaka uye sanga Umukashi wandi. Kabili ilyo wasanga Umukashi wandi, wiminine palya!" Kabili atile alilolekeshe, kabili twalifumine mu menshi makasa, twali muciswebebe. Kabili ine nali lubile. Kabili alilolekeshe kunuma, kabili amwene umukashi wakwe alepompa amenshi ukufuma mucishima, kabili kapyunga umo ukumutintanya, ukumutinta ukumutalusha ukufuma kuli pompi. Ena alemulolekesha. Kabili aishile buka.

<sup>169</sup> Ubu pano ubwilulo ubwa ciloto cobe. Kabili nga nalikwebele, ilya nshita ya bushiku, lelo nalifumineko fye. Nge fyo kutila Zipporah, kabili umo mwanakashi umukote, kabili umbi umutuntulu, umutuntulu umwanakashi umukote, shilya ni nkuta. Mwamona? Kabili Zipporah ukuba mucine u—umukashi wa kwa Mose, Zipporah, kabili tulemona ukutila nalimwebele ukukana iminina pali bena, te mulandu ifyo bali a bakale. Bena bali tubungwe. Wiiminina pali bena. Balikele inshita yabo. Lelo ilyo aisa ku Mukashi wandi, ulu lwaba Ulukuta lwandi ulu Yesu Kristu antumako, ulu muli ubu bushiku bwa kulekelesha, kabili Ulu luli apa, "Iminina palya!" Kabili nalile ukulola ku masamba.

<sup>170</sup> Elyo Nkashi Steffy. Ena limbi tali muno, pantu ali mucipatala. Nshishibe nikwisa... Bushe Nkashi Steffy... Ee, yuyu ali apa. Nkashi Steffy alesa ku nga'nda yandi kukupepelwa, ilyo talaya ku cipatala ku kutumbulwa, pa kutila Lesa enga mwafwa no kumupala. Kabili ena mucine alicitile.

Kabili atile, "Nalikwete iciloto iceni, Munyina Branham."

Natile, "Ee?"

<sup>171</sup> Kabili atile, "Nalotele ukutila nali kulya ku Masamba. Kabili ine..." Cilya ecalenga mutanda. Kabili atile, "Nalilotele nali kulya ku Masamba, kabilli calikwata icalo ica milundu. Kabili ilyo nalolekeshe, ukwiminina pa kalupili, kwaliko umwaume umukote nganshi ne itali, imyefu iya buta,

kabili ne mishishi iyo akwete yawilile pa cinso cakwe. Kabili alifwele insalu iya buta ukushinguluka, icintu cimo, ilaya,” atile, “umwela walepupa lyena.” Ndetontonkanya cilya cishinka, Nkashi Steffy, nga filya. Kabili atile, “Nalitwalilile ukupalama mupepi. Aliiminine, palya pa mulu wa lupili, ukulolekesha ukulola kukabanga.” Kabili atile, “Nalisungwike, ‘Nani uyu mwaume umukote?’” Kabili apalamine mupepi, ukupalama. Kabili ilyo aishile palama, aishile mona ifyo wena ali. Cali ni Eliya uwa mweo, kasesema, ukwiminina pa mulu palya ukulolekesha ku Kabanga.

<sup>172</sup> Atile, “Ningile ukumumona.” Alikwete icakukabila. Kabili alibutukile pa kalupili kabili aliponene palya, ku kulanda kuli wene, kabili ishina lyakwa Eliya. Kabili atile, ilyo ena alandile. . . Ena aumfwile ishiwi, “Cinshi ico ulefwaya, Nkashi Steffy?” Kabili cali ni ne.

<sup>173</sup> Iciloto cobe califikilishiwe palya pene, Nkashi Steffy. Pantu, lilya line panuma ya cilya, nalile ku Louisiville. Ico alekabila cali lipepo. Mwamona? Kabili ena aishile pita mo fye bwino, mucipatala; kabili icishibilo candi ukuya ukulola ku masamba, ukulolekesha ukulola ku kabanga, pa mukuni wandi. Moneni. Ilyo. . .

<sup>174</sup> Nalile ku Louisiville. Kabili ilyo nabwelele, nalingo uwalepalama pa mpongolo, kabilli pali impopo ishahimpilwe palya, pa mpongolo yandi. Mr. Goynes, uwa mu musebo uwa mu musumba muno, aleya mukamusebo. Atile, “Billy, isakuno.” Atile, “Iwe ulingile ukusesha impongolo shobe ne fintu, ilinga, ilinga lya mabwe ne mpongolo.”

Natile, “Cisuma, cili fye, Bill.” Natile, “Ine nala—ine nalacिता. Lilali?”

<sup>175</sup> Atile, “Ndi no kukweba. Ndi no kukweba ilyo cikaba.” Natile. . . “Cisuma ukubalilapo kwa mwaka, bena bali no kucitendeka ukucicita.”

Natile, “Cili fye bwino.”

<sup>176</sup> E ico natendeke ukubwelelamo mu nga’nda, kabili umukashi wandi atile, “Ningile ukuya kwi tuka ili line fye.” Kabili nalile mulya mukamusebo. Kabili umulumendo, Raymond King, uyo waba ni engineer uwa mu musumba. Ine lyonse nda mwita “Ukutwi Kwamatipa.” Pantu, twali abana abanono, ukowela capamo, aishile uma umulumendo mu kutwi no mwina wa matipa. Kabili ifwe lyonse twalemwita, “Ukutwi kwa matipa.” Ena ekala kulya kwine muka musebo ukufuma kuli ine, nalimo—nalimo umwinshi uwa cibili pe samba lyakwa Munyina Woods.

Kabili e ico natile, “Matipa, isakuno pali miniti.”

Atile, “Cili fye bwino, Billy.” Kabili aishile kulya lubali.

Natile, “Lulyo lupopo ulo popele panshi?”

177 Atile, “Billy, elo lwena, bena bali no kusenda icintu conse mulya.” Atile, “Yonse iyi miti, aya malinga, kabili ifintu fyonse ifyashala, filingile ukufumishiwapo.”

178 Natile, “Cisuma, ingineer anjebele ukutila impanga yandi yaisa mukati ka musebo.”

179 Atile, “Ee, lelo bali no kuukusha. Bali no kubikamo, nangu cibe fyo.” Atile, “No wandi efyo uli.”

180 Natile, “Cisuma, Munyina Woods, ena—ena akulila amabwe, kabili,” natile, “Ine—ine nalamulenga fye ukuciseshapo.”

181 Atile, Billy, wiesha ukucikumyako, leka kakula akacite cilya. Ilya ni nga’nda yakwa kashimikila, bushe taili?”

Natile, “Ee, mukwai.”

Natile, “Lekeni ena acicite.” Atile, “Namwishiba ico ndepilibula.”

Natile, “Ee.”

182 Kabili nalipilibwike ukufumako, kabili, *filya* mukwangufyanya, icintu cimo cali cipumine. [Munyina Branham alisho munwe wakwe.—Ka.] Nalile ku nga’nda naile mucipinda candi ica kusomenamo, nalibulile lilye buku, kabili cilya cali palya. Tacali injelwa isha konkili; cena cali mabwe. Natile, “Meda, iteyanye.”

183 Ifiloto mutanda ifya konkana, elyo kabili icimonwa caisa fipwishisha. “Ilyo ifi fintu fikesafikilishiwa, ukaye ukulola ku masamba.”

184 Nalitumine lamya ku Tucson. Munyina Norman nakwata incende. Nshishibe uko ndeya. Nshishibe ifya kucita. Ndi fye mu. . . Ninjiminina. Nshishibe ifya kucita. Ndesha inga’nda iyo nshilingile ukusonkelapo. Mfolo ma dollars umwanda mu mulungu. Kabili ndi fye mupepi ukulipila ama dollars umwanda mu mweshi iya nga’nda. Ndi fye kuno kwine pamo naimwe ba munyinane na ba nkashi, uko natemwikwa. Kabili ndeya, nshishibe nikwisa. Nshishibe umulandu. Teti imwebe umulandu. Lelo kuliko icintu cimo ico naishiba, caba ukukonka ifyo Wene asosa ukucita. Nshishibe, ukwishiba ni nshila nshi iya kuyako, ifya kucita. Tacili icandi nangu cimo. . .

185 Ndemona Abraham aumfwile ilyo Wene amwebele, “Kabiye kulya, ukuciluka umumana.” Ena taishibe ifya kucita lelo ukuya, ukuipatula umwine. Nshaishibe ifya kucita.

186 Pa Cibelushi uwafumako ulucelo, umulungu umo ukufuma mailo, cilya nalimo fili koloko mu lucelo. Naishile buka no kubula amenshi aya kunwa, no kubika icakufimbana pali Yosefe, mucipinda cakwe. Kabili elyo naishile bwela, kabili nali fye ngo walele. Naile mukulala. Kabili ilyo naile

mukulala . . . Ndesende ifi filoto ifinono ne fintu ukufifumyapo, pa kutila mwingamona ifya panuma pa fintu ifyo ndi mupepi ukusosapo. Ine—nali fimbile Yosefe, kabili nalibwelelemo no kulala, kabili naile mutulo. Kabili nalilotele iciloto.

<sup>187</sup> Kabili nalilotele namwene umwaume uyo walingile ukuba batata, nangula ena ali umwaume umukalamba umukulu. Kabili nalimwene umwanakashi uyo walingile ukuba ba mayo, ena tamoneke fye nga bamayo. Kabili uyu mwaume ali muntu umunkalwe ku mukashi wakwe. Kabili ena alikwete aka muti ka tufutu tutatu, uko apopelele iyi mbao. Kabili cena capangile i . . . Namwishiba, ulukuni ulwapandulwa, palya pa mulando, namwishiba, cilapanga aka muti akatufutu tutatu. Kabili cila nshita uyu mwanakashi atendeke ukwiminina, ena amwikete fye pa mukoshi no kumupuma pa mutwe, no kumuponesha panshi. Elyo kabili ena kuti alambalala palya, no ku pilikita no kulila, elyo kabili ena kuti atendeke ukulaima nakabili. Umwaume kuti aenda ukushinguluka, ne cilumba, natutumuna ne cifuba cakwe, umuntu umukulu umukalamba. Kabili ilyo ena nga aima nakabili, umwaume kuti amwikata pa mukoshi no kusenda aka ka muti ka tufutu tutatu, no kumufupaula pa mutwe kuli kena, ukumuwisha panshi. Abwelelamo no kututumuma icifuba cakwe, kwati na cite cintu cimo icikulu.

<sup>188</sup> Kabili naliminine akatalamukila, ukulolesha cilya. Natontonkenye, “Ine tekuti ndwishe ulyo muntu. Ena mukulu sana. Kabili, elyo, ena alingile ukuba ni tata, lelo ena te tata.” Kabili natile, “Ena takwete nchito ukucusha ulyo mwanakashi nga filya.” Kabili naishile ngo wa kumfwa ububi panono na ena. E ico, lyena, pa muku fye umu, naishilekwata ukushipa ukwalinga, kabili nalile kuli ena, no kumwikata pa nteneshi kabili nali mupilibwile. Kabili natile, “Iwe taukwete insambu ukumupuma.” Kabili ilyo nasosele cilya, bakapafu balitutumwike. Namoneke ngo mutulushi. Kabili umwaume alolekeshe pali balya bakapafu, elyo kabili aishile ntina. Kabili natile, “Iwe umupume nakabili, walabombela pali ine.” Kabili ali ngo waleshingashinga ukumupuma nakabili. Elyo naishilebuka.

<sup>189</sup> Kabili nalilele palya pakashita akanono. Natontonkenye, “Cilya ni cinshi? Ceni ukutila kuti nalota pali ulyo mwanakashi.” Kabili mukashita fye, uyu Alishile. Naishile kwata ubwilulo.

<sup>190</sup> Umwanakashi e mininako ulukuta lwe sonde, ilelo, isonde lyonse. Nafyalilwe fye muli ici cimfulunganya, kabili ine ndi pano. Ena alingile ukuba uwa musango uwapala i—nyina uwa . . . nga ali ni nyina wakwa cilende, lelo nomba nafyelwe mulya mwine muli lwena. Kabili u . . . Umulume wakwe filonganino ifi fiteka lwena. Aka muti ka fifutu fitatu ako akwete, ni lulyo lubatisho ulwa mu bene batatu mu mashina ya bufi. Ukutila, inshita ili yonse ilyo atendeke ukwima, ulukuta

ukupokelela Cena, ena alalupumaula naco. Kabili, mucine, ena ukuba umukulu nganshi, nalipilibwike, nali mutinine panono ena. Kabili elyo nalibutukile kuli ena, nangu cibe fyo, kabili bakapafu bali ni bakapafu bacitetekelo. Cilya canengele ukutontonkanya, “Nga Lesa ali na ine, kabili kuti ampela bakapafu, lekeni njiminineko lwena. ‘Leka ukumupumaula!’”

<sup>191</sup> Cilingile cali teni koloko mu kasuba, ilyo mukashi wandi aleesha ukwingila mu cipinda, kabili calicitike. Nalile mucimonwa lulyo lucelo, kabili munshila imbi... Nomba, ibukisheni, tacali iciloto.

<sup>192</sup> Kwalibako ubupusano pakati ka filoto ne fimonwa. Ifiloto fyaba ilyo mwaya mukulala. Ifimonwa, ilyo tamwile mukulala. Twalifyalwa muli ulya musango. Umuntu fye, ilyo alota, ciba muli kampingu wakwe uwa mukati. Kabili kampingu wakwe uwa mukati aba ukutali ukufuma kuli ena. Amano yakwe yalebomba, ilyo lyonse ali muli kampingu wakwe uwa kubalilapo. Muli uyu kampingu, imwe, muba abatuntulu; mulamona, ukusonda, ukukumya, ukununsha, ukumfwa. Lelo ilyo muli muli kampingu wenu uwamukati, mutulo, imwe ta mumona, ukusonda, ukukumya, ukununsha, atemwa ukumfwa. Lelo kulaba icintu cimo, ilyo mwalota, ukutila mulabwekela kuli uyu kampingu. Kwaba ukwibukisha, ukuti mulebukisha icintu cimo ico mwalotelepo, imyaka iyapitapo. Umuntu onse aba filya fine.

<sup>193</sup> Lelo ilyo Lesa alingila kabela icintu cimo, uyu kampingu wa mukati ena taba ukutaluka ukufuma apa, kuli kamona, lelo bonse bakampingu babafye capamo. Kabili kamona, mu cimonwa, taya mukulala. Ena nalyo line aba mu mano yakwe, kabili alacimona.

<sup>194</sup> Nalelondolola cilya ku ma doctor bamo, ubushiku bumbi. Kabili baliimine no kusosa, “Cakupapusha. Tatwatala ukutontonkanya icintu ca musango ifi.” Ilyo nakwete ukupimwa kwa mibele, kabili batile ine...Bena tabatala ukumona icintu camusango filya. Mwamona? “Cisuma,” batile, “kwalibako icintu cimo icicitika kuli iwe.” Kabili natile. Nali cilandile. Atile, “Cilya e co, filya fine.” Mwamona?

<sup>195</sup> Bakampingu babili baba abapalamana mupepi fye capamo. Tapali nangu cimo ico ninga cita, kabili tacinenga ine ukukanaba nga bonse abashala. Caba fye, Lesa acilengele ukuba muli ulya musango. Imwe ta muya mukusendama. Muli fye pano pene, kwati fye kulala. Imwe namwiminina pano, ukulolekesha kunse, nge *fi*.

<sup>196</sup> Kabili imwe bonse mwali cimona, ukushinguluka isonde. Imwe ta muya mukusendama. Ukwiminina kuno kuntanshi, ukulanda ku bantu, mulan’gumfwa ine ukuya mu fimonwa no kubwela nakabili. Ilyo ndeendela muli motoka pamo na imwe, ukuli konse, no kumweba ifintu ifyo ifili no kucitika; kabili

tafyatala ukufilwa, tafyatala ukucita. Bushe uuli onse alitala ukucimona ukufilwa? [Ulukuta lwatila, “Iyo.”—Ka.] Iyo, mukwai. Cena tekuti cifilwe. Cena tacakatale ukufilwa, ilyo lyonse cili ni Lesa. Moneni, kuno kwine kuntanshi, amakana, ku ntanshi ya bantu amakana, nangula ni mundimi shimbi isho tekuti nande, nalyo line tacifilwa. Mwamona? Cena ni Lesa!

<sup>197</sup> Nomba, muli ici cimonwa, atemwa ilyo nalelanda, nalilolekeshe kabili nalimwene icintu iceni.

<sup>198</sup> Nomba, camoneke kwati umwana wandi umunono, Yoseph, ali kulubali lwandi. Nalelanda kuli wene. Nomba, nga muli no kulolekesha ku cimonwa bwino nganshi, muli nokumona umulandu Yoseph aiiminine kulya.

<sup>199</sup> Kabili nali lolekeshe, kabili kwali impanga iikulu. Kabili pali iyi impanga, mwi—mwi bumba lya tuni, utuni utunono sana, nalimo citika uwa inchi ubutali, kabili citika uwa nchi mukulepa. Twena twali tukalapashi utunono. Amapindo yatuko ayanono yawile pa nshi. Kabili kwaliko nalimo tubili atemwa tutatu pa musambo uwa pa mulu, mutanda atemwa cine konse konse pa musambo wakonkelepo, kabili ikumi limo na fisano atemwa amakumi yabili pa musambo uwa konkelepo; ukuwila panshi mu musango wa pyramid. Kabili tulyo tuntu utunono, utunkombe utunono, kabili twena twalifunshike nganshi. Kabili twena twalelolekesha ukulola ku kabanga.

<sup>200</sup> Kabili nali ku Tucson, Arizona, mu cimonwa, pantu cacilengele ukuba ifyo pa kutila Ena talefwaya ine ukufilwa ukumona uko cabelele. Nalefumya akacani ukufuma kuli ine, ukufuma mu ciswebebe. Kabili natile, “Nomba, ni njishiba ici cimonwa, kabili ninjishiba ukutula ndi ku Tucson. Kabili ninjishiba ukutula tulyo tufyuni utunono kulya tuleiminako icintu cimo.” Kabili twena twalelolekesha ukulola ku kabanga. Kabili mukupumikisha fye twaishile ipekanya ukupupuka, kabili kulya twalile, kukulola ku kabanga.

<sup>201</sup> Kabili lilya line fye ilyo twaile, ibumba ilya fyuni ifikalamba lyalishile. Fyaishile nge fipele, amapindo ayatali ayasompa, ayapala ngo mutundu uwafitulikila, umutundu uwa butako panono ukucila ifyo utu tunkombe utwa kubalilapo twali. Kabili fyena fyalefuma kulubali lwa kukabanga, ulubilo.

<sup>202</sup> Kabili lilya line fye ilyo fyalubile ku cinso candi, nalipilibwike nakabili ukulolekesha ukulola ku kabanga, kabili palya calicitike. Kulya kwaliko ukupoleka uko mucine kwatenkenye isonde lyonse.

<sup>203</sup> Nomba, mwilufya ici. Kabili imwe, pa tepu mube abashininkisha, mumfwikishe ci bwino.

<sup>204</sup> Intanshi ukupoleka. Kabili natontonkenye caumfwike nga palya apapelela iciunda, conse ico mucita ilyo indeke shaciluka

iciunda, kabili iciunda cilabwelela pe sonde. Ukutenkanya fye, kwati, kubuluma, ifintu fyonse. Elyo, cena nga cali ukupanta u—u—ukukalamba ukwa cibulumo, no kubyasha, icapala; nshamwene ukubyasha. Naumfwile fye kulyo kupoleka ukukalamba ukwa citike, cilya caumfwike kwati cali ku kwa kuso, kuli ine, ukulola ku Mexico.

<sup>205</sup> Lelo, catenseshe sonde. Kabili ilyo cacitile, nalyo line nalelokesha ukulola ku masamba. Kabili kulya mulya mu Muyayaya, nalimwene ibumba ilya cintu cimo ukulaisa. Lyamoneke kwati ukutila limbi cali utumatoni utunono. Tatwali ukucila pali tusano, kabili ukukana cila pali cinelubali. Lelo, bena bali mu musango wa pyramid, nge shi nkombe shaleisa. Kabili ilyo cacitile, Amaka ayakwa Lesa Impalume yalinjimishe ku kukumanya Bena.

<sup>206</sup> Kabili kuti na Cimona. Tacatala ukufuma pali ine. Inshiku cinekonse konse nashipitapo, kabili te kuti ncilabeko, na nombamba. Nshatala kwatapo icintu nangu cimo ukuncusha nge fyo cilya cacita. Ulupwa lwandi luli no kumweba.

<sup>207</sup> Kuti na mona balya ba Malaika, yalya mapindo aya wila kunuma, ukwenda mulubilo ukucila iciunda cingenda. Bena bafumine mu Muyayaya, mukashita, ngo kukapakapa kwe linso. Teti cilingane no kukapa ilinso lyenu, mukashita fye, Bena bali palya. Nshakwete inshita iya kupenda. Nsha kwete fye inshita nakabili ngo kulolekesha fye. Bena Abapulamo, abakalamba, ba Malaika aba maka, aba buta nge mfula yabuta; amapindo aya tantikwa, ne mitwe. Kabili Bena bali, “Whew-whew!” Kabili ilyo cacitile, naishile ikatwa muli uyu pyramid, ibumba.

<sup>208</sup> Kabili natontonkenye, “Nombamba, ici eco.” Nshakwete amaka umubili onse. Kabili natile, “Owe, mwe! Ici cilepilibula ukutila kuli no kuba ukupolesha uko kuli no kunjipaya. Ine ndi kumpela ya bwite bwandi nombamba. Nshilingile ukweba abantu bandi, ilyo ici cimonwa caya. Nshilefwaya bena ukwishiba palwa cena. Lelo, Shifwe uwa mu Mulu na nenga ine ukwishiba nombamba ukutila inshita yandi naipwa. Kabili nshakebe ulupwa lwandi, e ico bakasakamana pali ine, ‘Pantu, ena ali mupepi ukuya.’ Kabili aba ba Malaika na bankonkela, kabili ndi no kwipaiwa ili line mu musango umo uwa cakupoleka.”

<sup>209</sup> Elyo caishile kuli ine, ilyo nali muli ili bumba, “Iyo, cilya te co. Nga cena calikwipaye, nga calipaye Yoseph.” Kabili naleumfwa Yoseph alenjita.

<sup>210</sup> Cisuma, elyo nalipilibwike nakabili. Natontonkenye, “Shikulu Lesa, finshi ifyo ici cimonwa cilepilibula?” Kabili nalisungwike.

<sup>211</sup> Elyo kabili calishile kuli ine, (te shiwi) caishile fye kuli ine. “Owe! Balya ni ba Malaika bakwa Shikulu, ukwisa ukumpela



umulimo wandi upya.” Kabili ilyo natontonkenye cilya, nalimisha amaboko yandi, kabili natile, “Mwe Shikulu Yesu, ni cinshi ico Imwe mulefwaya ine ukucita?” Kabili icimonwa calinshile. Mupepi fye na ora, nali ne cifungalashi.

<sup>212</sup> Nomba, imwe mwe bantu mwalishiba ifyo amapalo ayakwa Shikulu yaba. Lelo, Amaka ayakwa Shikulu yena yaliba ayaibela, Amaka yakwa Shikulu mu ncende sha musango filya. Nali Yomfwapo, ishingini, inshita ishingini, akale, mucimonwa, lelo nshatala nga filya. Cena cilomfwika nga katina ka bulesa. Nalyumfwile umwensho mpaka nalifwile icitu, mu mulola wa filye Fibumbwa.

<sup>213</sup> Ndemweba icine. Nge fyo Paulo asosele, “Nshilebepa.” Imwe tamwatala ukunjikata ukusosa icintu cimo ica lubana palwa cintu cimo nga cilya. Icintu cimo cili mupepi no kucitika.

<sup>214</sup> Kanshi, panuma ya kashita, natile, “Shikulu Yesu, nga ndi no kwipaiwa, lekeni njishibe, pa kutila ni keba abantu bandi palwa ici. Lelo cena nga cintu cimbi, lekeni njishibe.” Lelo, takwali nangu cimo icaaswike.

<sup>215</sup> Panuma ilyo Mupashi wafumine pali ine, nalimo hafu wa ora, ndemona, atemwa ukucilapo, natile, “Shikulu, nge fyocili, kanshi, ukutila ndi no kwipaiwa, kabili Imwe na mupwisha na ine pe sonde, kabili—kabili ndi no kusendwa ku Mushi nomba; icili, nga cilya efyo cili, cili fye bwino. Cilya cili fye bwino. E ico,” natile, “nge fyo cili, lekeni njishibe. Tumeni Amaka Yenu ukuyabwesha pali ine nakabili, lyena ndi no kwishiba ukukana eba abantu atemwa uli onse atemwa umuntu uuli onse palwa cena, pantu Imwe muleteyanya ukwisa mukusenda.” Kabili ine...Kabili tapali nangu cimo ica citike. Kabili nalilolele pakashita.

<sup>216</sup> Elyo natile, “Shikulu Yesu, nga tacilepilibula cilya, kabili cilepilibula ukutila Imwe na mukwata icintu ico ndi no kucita, kabili ali no kusokolwela kuli ine panuma, kanshi tumeni Amaka Yenu.” Kabili Cena cali fye mupepi no ku mfumya mu cipinda!

<sup>217</sup> Naliisangile ne mwine, pa cifulo cimo, kulya mu cifutu. Kuti naumfwa umukashi wandi, ku cifulo cimo, ukwisha ukusunkanya icibi. Icibi mumuputule uwa kusendamamo calikomenwe. Kabili nali na Baibele yandi iya isulwa, kabili yena...nalebelenga, nshishibe, lelo cali mu, ndecetekela, AbenaRoma icipandwa ca 9, vesi ya kulekelesha.

...Moneni, ndebika mu Sion ilibwe lya pacifutu,  
kabili icilibwe ca kuipuntulako, ilibwe pa cifutu,  
kabili utetekela Wene takalengwe nsoni.

<sup>218</sup> Kabili natontonkenye, “Bushe tacili iceni ukuti ndebelenga cilya.” Umupashi nalyo line ucili na unsenda, mucipinda! Nalisele Baibele no kwiminina mulya.

219 Nalile kulya pe windo. Cali nalimo teni koloko mukasuba, atemwa ukucilapo. Kabili nalimishe amaboko yandi, kabili natile, “Shikulu Lesa, nshileiluka. Buno bushiku ubweni, kuli ine. Kabili ndi uwa fulungana, mupepi.”

220 Natile, “Shikulu, cinshi cilya cilepilibula? Lekeni mbelenge nakabili, nga cakitula ni Mwe.” Nomba, ici cileumfwika ica bwaice. Kabili nalibulile Baibele, no kwisula. Cilya cali palya nakabili, pa cifulo cimo cine, Paulo ukweba aba Yuda ukutula balyeshe uku...ukweba AbenaRoma ukutula abaYuda balyeshe ukusumina Cena ku milimo, lelo cena ni kucitetekelo uko tuci Cetekela.

221 Cisuma, yena yaba ni nshita iya bipisha, ukutula lilya. Nomba mulemona apo njimine. Nshishibe icilecitika. Nshishibe ifya kusosa.

222 Nomba lekeni ine, nomba, ukufuma nomba ukuya pantanshi, kuyalekonkapo, nalimo ikumi limo na fisano, ama miniti amakumi yabili, lekeni njeshe ukusosa icintu cimo pano. Ibukisheni, tapaba inshita nangu imo apo filye fimonwa fyatalile ukufilwa. Nomba nalasenda Amalembo pa kashita, ngamulemona, mu Kusokolola icipandwa ca 10. Nomba lekeni nsose ci. Nge cimonwa cili mu Fyalembo, kuti cailulwa fye ku Malembo. Kabili elyo ndefwaya imwe ukubika ici capamo.

223 Kabili, nomba, imwe mwebalipo, kabili na imwe mwebali pa tepu, mube abashininkisha ukusose ci umusango ndecisoselamo, pantu cena kuti caba icakukana iluka ukwabulo bwafya.

224 Bushe mule butukila? [Ulukuta lwatila, “Iyo.”—Ka.] Cisuma. Fye...Nde mutotela pa kuba tondolo nganshi, mu busuma.

Nomba, “Malaika uwalenga cinelubali . . .”

225 Nomba, mukwai, [Nge fyo njinike ici] bushe ici e cishibilo ca nshita ya mpela? Ni pesa apo tuleikala? Ni nshita nshi iya kasuba ili? Ngo wafunshika uwa mangalo ya kutintana, mu nshita yonse iya bushiku, ukwima no kumona pa nkoloko, ukulolekesha ukumona ifyo ili, ukwasha inyali. Ipepo lyandi lili, “Lesa, lekeni twashe Inyali.”

226 Ninjiminina mucifulo icabipisha, nga imwe mwalicishibe. Ibukisheni, ndemweba mwi Shina lyakwa Shikulu, ni mweba Iceine, kabili icintu cimo cili no kucitika.

227 Nshishibe. Nomba, imwe pali tepu, umfweni cilya. Nshishibe. Ine nalaesha. Ico caishile kuli ine, mailo, ukwikala mu cipinda candi ica kusomenamo. Nshilesosa ukutula ici cine; cena cali fye icintu cimo ukwenda mu mutima wandi, uko naleenda pa nshi.

228 Ine—nalingile ukuya kulya, ukukwatako inshita inono no kwisa pamo na Charlie, no kuya mukulunga pamo na ena ubushiku bumo, ilyo tatulalekana umo no mubiye.

229 Leken i nsose, ukutila, pa mulandu wa kutila ndeya kukabanga, tacili ukutila ndesha ino tabernacle. Ulu e lukuta ulu Shikulu Lesa ampele. Pano e ncende yandi ikalamba. Kuno eko njikala. Nde ya fye mukunakila kwi funde ilyo lyapelwe kuli ine ku cimonwa. Umwana wandi, Billy Paul, ali no kutwalilila ukuba kalemba wandi. Iofeshi lyandi li li no kuba kuno kwine pali ino chalichi. Ku bwafwilisho bwakwa Lesa, nkesaba kuno ilyo ici cili. . . ici cintu cikapwa, ku kushimikila Ifikakatikilo Cinelubali. Kabili ama tepu ayali yonse ayo ndepanga, atemwa icintu icili conse icashala, cikacitwa kuno kwine pali ulu lukuta. Kabili pano pene fye, ukulingana nge fyo naishiba, e ncende fye iyo ninga shimikila no buntungwa bonse ukucila ifyo ninga cita ku ncende shimbi mwi sonde, pantu kuliko ibumba ilya bantu kuno abacetekela, kabili bali ne nsala no kwikatilila. Kabili ici cileumfwika nga ku mushi, kuli ine. Ino e ncende. Kabili nga mwamona, ifiloto fyalandile icintu cimo cine, mwamona, uko Cakulya.

230 Nomba, lelo, nshishibe icili ku ntanshi, lelo nalishiba Uyo uwaikatilila intanshi. Cilya e cintu icikankala.

231 Nomba, Lesa, nga ni ndufyanya, njeleleniko, elyo kabili isaleni akanwa kandi, Shikulu, ku cintu icili conse ico cishingaba ubufwayo Bwenu. Ndecita fye ici pa mulandu na cinseksha, Shikulu. Leken abantu beluke; ukusekeshiwa fye.

232 Umulandu ndetontonkanya ubwilulo tabwatalile ukwisa lilya line, cilya cali ku kuteka kwa kwa Lesa, pantu ndecetekela cena calilembwa umu muli Baibele kuli ine. Elyo kabili nga cena cili mu Fyalembwa, caba fye Amalemba ayenga cilula. Kabili nga ici cishinka, munyina, nkashi, nshilepilibula ukumutinya, lelo tulingile ukuba abacenjela nganshi nomba. Ifwe tulepalama ku . . . Icintu cimo cili mupepi ukucitika. Kabili ndesosa ici no mucinshi kabili nakatina kakwa Lesa. Kabili muletontonkanya kuti na iminina pano. . . Kabili imwe mwe bantu mwalincetekela ukuba kasesema; nshiilumbula ukuba.

233 Ukutontonkanya kwandi kwali ifi. Na-. . . Umwaka wapwile natile, "Ine. . . Icintu fye ceka ico namwene, ukupuputulwa na kupwa, mu nko, atemwa, ino nko, nangu cibe fyo." Nalile pa bulendo ubwa kubila imbila nsuma. Mwe bengi imwe mwaile pamo na ine. Owe, cena cali fye bwino. Twalikwete inshita ishikalamba, ukulongana ukusuma, ama bumba fye ayengi, lelo cena tacafikile fye apalefwaikwa.

234 Uno mwaka, ndeya pa bulendo bwa bu minshoni. Ili line fye ilyo ninga cita, ndi no kuya ku Africa, India, no kushinguluka isonde, nga kuti nacita, pa bulendo na bumbi ubwa minshoni.

235 Nga cilya te kuti cibombe, lyena limbi nshakanwe amenshi atemwa icakulya, kabili ndi no kunina shimo pali ishi mpili

ishitali kulya, kabili ndi no kuyaikala kulya mpaka Lesa akasuke mu nshila imo. Te kuti njikale muli uyu musango. Ine tekuti ntwalilile fye.

<sup>236</sup> Ubu kuti bwaba ubwasuko pano. Nshishibe. “Mpaka Ena ampilibule,” bushe muleibukisha icimonwa nalimo imilungu itatu iyapitapo, “ukwiminina mukasuba, ukushimikila ku lukuta”? Imwe bonse mwali kuno pa bushiku bwa pa Mulungu wafumako. Nshiku sha pa Mulungu ishing, imwe mwe bantu kuno mwe basenda ama tepu, kabili—kabili mulaba muno ilyo yalepangwa, mulomfwa ifi fintu. Pantu, nomba nalakomaila fye ifi fifulo, kabili mulolekeshe cena. Nangu fye conse icinono ica cilye cacilandwa, cilepashanishiwa mukati fye ka ici, e ico cilingile ukuba ubwilulo. Nshishibe. Ulya e mulandu wine ndesosela, mukwai, bushe ici eco?

<sup>237</sup> Nalicetekela ukutila “malaika uwalenga cinelubali” uwa mu Kusokolola 10 ni nkombe iya nshita ya lukuta iyalenga cinelubali iya Kusokolola 3:14. Ibukisheni. Nomba lekeni mbelenge. Lolekesheni apo ninga belenga. Nomba, ici cali ni malaika uwalenga cinelubali.

*Lelo mu nshiku she shiwi lyakwa malaika uwalenga cinelubali, (vesi ya 7) ilyo aliswa alashemo, elyo cikafishiwapo icankama cakwa Lesa, ifyo alandile bwino bwino ku basha bakwe bakasesema.*

<sup>238</sup> Nomba, imwe moneni, uyu ali ni malaika. Kabili ena ni malaika uwa nshita ya lukuta ulwalenga cine lubali, pantu iletila apa, ena ni “malaika uwalenga cinelubali,” uwa lukuta ulwalenga cinelubali. Musange cilya, nga mulefwaya ukumona uyo ma . . . uko malaika ali, Ukusokolola 3:14, eyo, “Malaika kulukuta lwa Laodikea.”

<sup>239</sup> Nomba, muleibukisha ilyo cilya calandilwe kulya, ba malaika ne nshita sha lukuta. Kabili nomba, mulici, calasuntinkana umu mwine muli ifi Fikakatikilo Cinelubali ifyo tuli no kulandapo. Kabili Ifikakatikilo Cinelubali ifyo tuleesha ukulandapo, ilyo fyaisa iyi nshita, fyena Fikakatikilo Cinelubali ifyalembwa. Kabili ifi Fikakatikilo Cinelubali, nge fyo mwaishiba, cena caba fye ukumonekela ukwa ba malaika cinelubali aba nkuta cinelubali; lelo, kwabako Ifikakatikilo na fimi cinelubali ifyo fyaba kunuma ye Buku, fyena fyaba kunse ka Baibele. Moneni. Twalaisa kuli cena pa kashita.

<sup>240</sup> Nomba, ilyo tatulatendeka ici, bushe na munaka? Bushe kuti mwatemwa ukwiminina, ukucinjanya ififulo? [Ulukuta lwatila, “Iyo.”—Ka.] Nomba umfwikisheni.

<sup>241</sup> Malaika uwalenga cinelubali uwa mu Kusokolola 10:7 e nkombe iya lukuta ulwalenga cinelubali. Mwamona? Nomba lolekesheni. “Kabili munshiku . . .” Nomba lolekesheni pano.

*Lelo mu nshiku ishe shiwi lya kwa malaika uwalenga cinelubali, ilyo alaswa alishemo, elyo cikafishiwapo icankama cakwa Lesa, . . .*

<sup>242</sup> Nomba, ukubilisha, iyi nkombe, uyu malaika uwalenga cinelubali pano alebilisha Imbila yakwe ku lukuta lwa Laodikea. Moneni umusango wa Mbila yakwe. Nomba, cena tacali kuli malaika uwa ntanshi, tapelwe Cilya; malaika uwa cibili, citatu, cine, cisano, mutanda. Lelo cena caba malaika uwalenga cinelubali uyo wakwete Imbila ya musango uyu. Cena cali ni cinshi? Moneni umusango wa Mbila yakwe. “Ukupwisha inkama shonse isha kwa Lesa, isho shalembwa mwi Buku.” Malaika uwalenga cinelubali alepwisha inkama shonse isho ishasalangene, ukupita monse umu mutubungwe na mufilonganino. Malaika uwalenga cinelubali aleshikolonganika, no kupwisha inkama yonse. Nomba, filya efyo Baibele yasosa, “Ukupwisha inkama iyalembwa mwi Buku.”

<sup>243</sup> Nomba lekeni tumone ishinono isha ishi nkama, kabili nga mulefwaya ukushilemba. Ica kubalilapo, nalasenda ifyo Scofield alesosa apa, muli Mateo 13. Nga mulefwaya ukulemba fimo, nga ta mukwete Baibele ya Scofield. Imwe limbi kuti mwabelenga ifyo ena aletontontokanya shimo inkama shaba. Nomba, mu vesi ya 11.

*Nao pakwasuka atile kuli bene, Ico ni kuli imwe (abasambi bakwe), kwapelwo ukwishiba ifya nkama isha bufumu bwa mu mulu, lelo kuli bena, lelo kuli bena takwapelwa.*

<sup>244</sup> Inkama, iyi apa “inkama.” Inkama li Lembo, ico cali Icine ica fishilwe akale nomba casokololwa muli Bulesa, lelo (cena cili) icintu icakupapusha nalyo line cilashala nangula pabe ubusokololo. Inkama ishapulamo kabili ne nkama ishikalamba shaba:

<sup>245</sup> Icakubalilapo, inkama iya Bufumu bwa mu Mulu. E iyi tulelandapo nomba. 13, Mateo 13:3 ukushinta 50.

<sup>246</sup> Nomba, inkama iya cibili ni nkama iya kupofushiwa kwa kwa Israele muli iyi nshita. Abena Roma 11:25, ne yakonkapo.

<sup>247</sup> Iya citatu, inkama iya citatu ni nkama iya kwilulwa kwa ba mushilo aba mweo pa mpela ya nshita iya ino nshita. AbenaKorinti Wantanshi 15, elyo naimbi AbenaTeselonika 4:14 ukushinta 17.

<sup>248</sup> Iyalenga cine, inkama iya Lukuta ulwa Cipingo Cipyanga ngo Mubili umo uwabamo bonse babili, abaYuda na Benafyalo. AbenaEfese 3:1 ukushinta 11, AbenaRoma 16:25, elyo naimbi Abena Efese 6:19, Abena Kolose 4:3.

<sup>249</sup> Inkama iyalenga cisano yaba iya Lukuta nga Nabwinda wakwa Kristu. AbenaEfese 5:28 ukushinta 32.

<sup>250</sup> Inkama iyalenga mutanda yakwa Kristu uwa mweo, cimo cine mailo, ilelo, no muyayaya. Abena Galatia 2:20, na BaHebere 13:8, kabili ne ncende ishingira nga shilya.

<sup>251</sup> Inkama iyalenga cinelubali yakwa Lesa, nangula Kristu ngo waikala mu mwisulo wa mutwe wa Bulesa mu mubili, muli Uyo amano yonse ya Bulesa.

Kabili na Bulesa fyabwekeshiwa ku muntu.

<sup>252</sup> Inkama iyalenga pabula ni nkama ya ma mpulu, iyo isangwa muli Tesalonika wa Cibili, kabili na fimbipo.

<sup>253</sup> Inkama iyalenga ikumi ni nkama ya ntanda cinelubali iya mu Kusokolola 1:20. Twalipitamo fye muli cilya, “Intanda cinelubali isha nkuta cinelubali, inkombe cinelubali,” kabili nafimbipo.

<sup>254</sup> Kabili inkama iyalenga ikumi na cimo ni nkama ya Babylon, cilende. Ukusokolola 17:5 ukushinta 7.

<sup>255</sup> Ishi ni shimo inkama isho uyu malaika alingile ukupwishisha, shonse “inkama,” inkama shonse isha kwa Lesa.

Kabili shimbi:

<sup>256</sup> Lekeninsose ci no mucinshi, kabili ukukana isontelela kuli ne mwine, lelo ukusontelela kuli Malaika wakwa Lesa.

<sup>257</sup> Ubufyashi bwa nsoka, iyo yali ni nkama iyafiswa, mu myaka yonse iyi.

<sup>258</sup> Ukusenamina, ukutantikwa bwino; te kusebana, lelo ukutuntulu, ukusenamina ukwa cine.

<sup>259</sup> Takwaba icintu ica ifi nge ca muyayaya, ku mbo ukwa mulilo. Imwe mukapya pa myaka ba million. Lelo, icintu icili conse ico cali ica muyayaya, tacatala ukukwata intendekelo atemwa impela; kabili kumbo kwalilengewe.

Shonse ishi nkama!

<sup>260</sup> Inkama ya lubatisho lwa Mupashi wa Mushilo, ukwabula ifya kumfwa umfwa, lelo Umuntu uwakwa Kristu ukubomba muli imwe imilimo imo ine iyo Wene acitile.

<sup>261</sup> Inkama iya lubatisho lwa mu menshi. Uko, abacetekela abene bene mu bene batatu balikuleta mu fya kulwimbwilako ifyakwa “Tata, Mwana, Mupashi wa Mushilo.” Kabili inkama iya mutwe wa bulesa ukufikilishiwa mu lubatisho ulwe Shina lyakwa “Yesu Kristu,” ukulingana ne Buku lya Kusokolola, ukutila Ulukuta muli iyi nshita lwali nokupokelela.

Ishi apa shimo inkama.

<sup>262</sup> Intumba ya Mulilo ukubwekela. Ameni! [Munyina Branham atote ndupi shakwe imiku itatu—Ka.] Cilya e cintu ecalingile ukucitika, kabili tulecimona.

Owe, ifyo twingatwalilila, ukulumbula inkama!

263 Ukumona ilye Ntumba ya Mulilo ilye yatungulwile abana ba Israele, ilya Ine iya pumine panshi Sauli mu bulendo bwakwe ku Damaseke! Kabili ilya ine Imo ukwisa, na Maka yamo yene, ukucite fintu fimo fine, nokusokolola Icebo cimo cine, ukwikala Icebo-pa-Cebo pamo na Baibe!le!

264 Ukulisha kwa ntandala, cipilibula intandala ya “Mbila nsuma”. Kabili ukulisha kwa ntandala, muli Baibe!le, cipilibula, “Iteyanyeni, ku nkondo ya mu Fyalembwa.” Bushe mulefilemba? Inkondo ya mu Fyalembwa!

265 Paulo atile, nga mulefwaya ukulemba ici, AbenaKorinti Wantanshi 14:8. Paulo atile, “Nge ntandala yapela iciunda cimbi, musango nshi umuntu ali no kwishiba ifya kuiteyanishishako?” Kabili nga taikwete iciunda ica mu Fyalembwa, icashininkishiwa, u—ukushininkisha ukwa Cebo cakwa Lesa ku kulengwa ukumoneka, musango nshi tukeshibilamo ukutila tuli ku mpela ya nshita?

266 Nga yasosa ukutila bena balicetekela ukutila Yesu Kristu aba cimo cine mailo, ilelo, no muyayaya, lelo balakana ifishibilo Fyakwe ne fipapwa ifyo iciputulwa conse ica fya cifyalilwa bacetekele pali Wene, kabili Ulukuta lonse lwacetekele pali Wene kuli ci, musango nshi ifwe tukeshiba ifya kuiteyanya?

267 Umo muntu alishile ne calengwa kabili alengele fyonse fye; kabili umo muntu alisa, icintu cimbi, kabili ukulenga *ici* conse, ukupusana kuli *ci* cimbi. Umo alisa no kusosa *ici* Eco, ukubwekela kuli *ci*. Kabili bambi balilemba ama buku, ne fintu nga filya.

268 Lelo, Lesa esa mu Maka aya kubuka Kwakwe! Kabili nani uli no kulanda ukususha cena? Nga Yesu Kristu aba cimo cine mailo, ilelo, no muyayaya, Ena alacite cintu cimo cine ico ena acitile mailo, ilelo, no muyayaya. Efyo uyu malaika alingile ukucita, ukusenda shilye nkama, filye fintu ifyasalangana ifyo abantu ba butukilako.

269 Moneni, nga cilepela iciunda icaibela, icishalembwa, nani uwingaiteyanya umwine? Lelo, intandala, bushe na mumona, cila imo iya shilya nshita, nge fyo na mwebele palwa lukuta ukwisamo, kwaliko intandala iyalilile, Icikakatikilo caliswilwe. Kabili intandala ipilibula inkondo. Kabili nga tacilepela iciunda ica mu Fyalembwa, nga palwa cena?

Lelo lekeni ndete ici ku kwibukisha kwenu. Mwipanya ici nomba.

270 Moneni, cila nshita iya lukuta yalikwete inkombe ya luko. Twalishiba cilya. Paulo ali ni nkombe ya kubalilapo. Kabili ilyo ntandala ya kubalilapo yalilile, kabili Icikakatikilo ica kubalilapo caliswilwe. Paulo ali ni nkombe ya kubalilapo, nge fyo twasangile. Kabili cinshi ico ena acitile? Ukulete nkondo

pali (cinshi?) ulukuta lwa Othodox, pa kukana cetekela icishibilo cakwa Mesaya ico Yesu alangishe kuli bena. Cinshi, bena nga balicishibe. Bena nga bali mwishibe Wene.

<sup>271</sup> Ibukisheni, Paulo aishile ku mpela ya nshita. Inkombe shonse shaishile ku mpela ya nshita. Cena ni pa mpela ya nshita, ilyo ifi fintu fi—fileletwa.

<sup>272</sup> Paulo, ukwishiba Amalembo, kabili ukwishiba ukutula Yesu ali ni Mesaya, kabili ena aliyebawile yalya ama sunagoge, ukufuma ku ncende na ku ncende, na Malembo, kabili alitamfishiwe muli cila imo iya shena. Mpaka, mukulekelesha, ali kuntile ulukungu ukufuma ku nkasa shakwe no kupilibukila ku Benafyalo. Cena cali ni cinshi? Ukulisha kwa ntandala; malaika, inkombe, ukwiminina kulya ne Cebo! Owe, mwe! Mwiesha ukulufya cilya nomba. Icebo! Kabili Paulo, no bwilulo ubwa pwililika ubwa Cebo cakwa Lesa, aebawile cila imo iya yalya ama sunagoge. Alipililepo ubumi bwakwe.

<sup>273</sup> Ifyo twingaya kuli Ireaneus, ulya umo, inkombe iya nshita ya lukuta ulwakonkelepo!

<sup>274</sup> Kabili Martin Washila, inshita ya lukuta ulwakonkelepo, ilyo batendeke ukukwata isambilisho ilya BenaNikola, batendeke ukulaisamo. Kabili balyebawile ilya nshita. Martin Washila aebawile inshita yakwe.

<sup>275</sup> Elyo kabili Luther, inkombe iyalenga cisano, aebawile lulyo Lukuta lwa Katolika, ne Cebo cakwa Lesa. “Abalungami bakekalila ku citetekelo,” eflyo asosele. “Kabili *uyu* te mubili utuntulu uwa kwa Kristu,” kabili aposele umulalilo panshi, kabili alifumine no kwebaula lulyo lukuta lwa Katolika. Ilye ntandala yalilile bwino. Bushe co cishinka? [Ulukuta lwatila, “Ameni.”—Ka.]

<sup>276</sup> John Wesley alimine, mu nshiku isha lukuta lwa Anglican. “Cinshi,” batile, “takuli nakabili umulandu wa kukwatila ukupuputulwa,” kabili lwaile mu mbuto. Lelo John Wesley alimine, ne Mbila iya mulimo uwa cibili uwa kusenamina, ukusangululwa, kabili aebawile lulyo lukuta lwa Anglican ne ntandala ya Mbila nsuma, ukuiteyanya pa nkondo. Cilya cishinka. Ena alicicitile.

<sup>277</sup> Nomba tuli mu nshita ya Laodikea, ilyo bena nakabili bapangile filonganino; Methodist, Baptist, Presbyterian, Lutheran, Pentecostals. Kabili tulelelela kasesema ukwisa, ku kwebaula ino nshita, no kuba bwesha ukubafumya ku mampulu yabo.

<sup>278</sup> Nomba, nga ilya e mibombebe, ukufuma fye konse kulya mu nshita, bushe Lesa ali no kupilibula imibombebe Yakwe muli buno bushiku? [Ulukuta lwatila, “Iyo.”—Ka.] Ena te kuti acipilibule. Ena alingile ukusunga ulutampulo ulwa lyonse.



279 Kabili ibukisheni, iyi nkombe yali ni nkombe iyalenga cinelubali, kabili ena ali nokusenda inkama shonse no kushilonganika. Moneni, malaika uwalenga cinelubali ali no kwebaula ulwa Laodikea, ulukuta ulwa nonka. “Ndi uwacuma, uwa nonka mufipe, kabili nshilekabila kantu.” Atile, “Iwe uli uwa nkumba bulili umulanda, umubusu, impofu, ubwamba, kabili tawacishiba.” Ilya yali e Mbila yakwe.

280 Mwe Lesa, tutumineni kasesema ushakwata mwenso na EFYO ASOSA SHIKULU, ukutila Icebo cakwa Lesa icashininkishiwa cili no kwenda ukupitila muli ena no kushininkisha ukutila ena alitumwa ukufuma kuli Lesa. Kabili ilyo akesa, akesa ebaula shilye nshita. Mucine akacita. Ena akalenga lulyo lukuta lwa Laodikea ukumususha. Mucine, akacita. Bena balicicitile mu nshita shonse isha shala. Cena te kuti cipilibulwe muli iyi nshita. Cilingile ukuba cimo cine.

281 Moneni, nomba, ulukuta lwa Laodikea. Inkombe (ikapwisha) ya Laodokea, malaika uwalenga cinelubali, akapwisha inkama shonse ishi shalufiwe mu mabulwi, ku kale, pa Cine.

282 Luther alimine, lelo ena takwete Icine conse. Ena akwete fye ukulekelelwa. Cishinka.

283 Kulya kwalishile na imbi nkombe, uwaleitwa John Wesley, no kusangululwa. Ena ta Cikwete. Baibele eflyo yasosa. Ulukuta lwa Philaldephia!

284 Elyo kwaisa ulukuta lwa nshita ya Laodikea, no lubatisho lwa Mupashi. Lelo bena bali Cifulungenye conse, kabili baile ukubwekela kulya kwine mufya mimonekele nge fyo bacitile mu nshita iya kubalilapo.

285 Ilyo, “Ena alingile ukumoneka nga Alifa na Omega,” ukuboko Kwakwe ukubikwa ulubali *lumo*, kabili ulubali *lumo*, “uwa Kubalilapo kabili no wa Kulekelesha.”

Umupashi Wakwe wawile pa Bushiku bwa Pentecosti no kwisusha lilye bumba.

286 Lwena mukulekelesha lwaishilepwa amaka, mpaka lwaishile isa ku nshita sha mfifi. Ifya Kutekapo Inyali Ifya Golde Cinelubali, inshita sha nkuta cinelubali, ulwa kulekelesha lwali ulwatalukisha nganshi ukufuma kuli Wene. Cilya cali ika-. . . mupepi fye ne myaka ikana limo iya nshita ya mfifi, iya lukuta lwa Katolika.

287 Luther atendeke ukuleta ulubuuto na lumbi, ukupalamishako panono ku Cebo.

Ulubuuto ulwa konkelepo, lwaishilepalamino panono.

288 Ulubuuto ulwa konkelepo, lwa Laodikea. Elyo lwaishile bwela nga filya lwacitile, mu nshita ya kubalilapo, lwaile mu

cimfulunganya cimo cine lwacitile mu nshita ya kubalilapo. Bushe tamulemona ico ndepilibula? [Ulukuta lwatila, “Ameni.”—Ka.]

<sup>289</sup> Nomba moneni. Kwalibako icine Icingi icaluba mukati mulya, (cinshi?) uko bambi balanshenye pa Cine. Lelo uyu malaika uwalenga cinelubali talelanshanya pa cili conse. Alekolonganika fyonse ifyasalangene, alefikolonganika fyonse fye. Kabili pa kubilisha kwakwe, “Inkama shonse isha kwa Lesa shikafishiwapo.” Owe! Lesa, mutumeni. Shonse nkama isha fiswa shalipwishiwe ilyo, ena, Shena sha sokololwelwe kuli ena. Kuli cinshi? Nga ishi ni nkama isha fiswa, umwaume alingile ukuba kasesema. Kabili bushe tatwapitilemo fye no kumona ifyo kasesema, uyo wali nokwisa mu nshita ya kulekelesha, akaba ulya Eliya umukalamba uo twalelelela? [Ulukuta lwatila, “Ameni.”—Ka.] Pantu, ishi nkama isho shafiswa, ukupitila muli ba kasambilisha wa fya bulesa, shikesa sokololwa; kuli Lesa. Kabili Icebo cisafye kuli kasesema. [“Ameni.”] Kabili twalicishiba. Ena akaba ni Eliya wa cibili, nge fyo calaiwa. Owe, mwe! Imbila ena—ena akaleta ishikaba inkama, shonse, fyonse ifi fintu.

<sup>290</sup> Twalikwata ulubatiso lwa mu menshi. Lwena lwalisankanishiwa lonse. Cilya cishinka. Umo alasansa; umo aletila. Umo alasenda, “Tata, Mwana, Mupashi wa Mushilo.” Umo asenda *ici*. Umo abatishisha imiku itatu, icinso pa nshi; kuli, umo pali Lesa uwitwa “Tata,” na kumbi pali Lesa uwitwa “Umwana,” na kumbi pali Lesa “Mupashi wa Mushilo.” Umbi atile, “Uli mucilubo. Alingile ukubatishiwila kunuma, imiku itatu, *ulya* musango.” Kabili, owe, ifyo caba icimfulunganya!

<sup>291</sup> Lelo icintu conse na cifimbulwa, pantu kwaba fye Lesa umo, kabili Ishina Lyakwe ni Yesu Kristu. “Kabili takwaba Ishina limbi pesamba lya Mulu umwa bantu bengapusukila.” Takwaba isambililo nangu limo ilya Malembo, tapaba nangu pamo muli Baibele, uko muntu uli onse atalile ukubatishiwa mu musango umbi kano mwi Shina lyakwa Yesu Kristu. Takwaba inshita nangu imo uko Ulukuta ululi lonse ulupya, atemwa Ulukuta lwakwa Yesu Kristu, ukutala ukusansa, ukwitila, atemwa icintu cimbi icashala. Takwaba inshita nangu imo ukusefya kwatalile ukubomfyapo, “Ndekubatisha mwi shina lyakwa Tata, Mwana, Mupashi wa Mushilo.” Cena fisumino ne fintu.

<sup>292</sup> Kabili mubulwi pa Cine, filya ifyasalangene fyalilufiwe, lelo Lesa atile fyena fyali no kubwekeshiwa nakabili mu bushiku bwa kulekelesha. “Nkabwekeshi,” eflyo asosa Shikulu. Twalipitile muli cilya, te kale sana, *Umuti Wakwa Nabwinga*. Cikasenda kasesema. Baibele isoso kutila ena ali no kuba pano. Cilya cishinka. Malaki 4, ilanda ukutila ena akaba pano, kabili tulecetelela ukutula ali no kuba. Ifwe tulelelela Ena. Kabili ifwe tulelelekesha ku kumonekela kwakwe, kabili tukesamona Icebo cakwa Lesa icashininkishiwa.

293 Kukaba fye abanono abakeluka Cena. “Nge fyo cali mu nshiku shakwa Noah, eflyo cikaba na mu kwisa kwa Mwana wa muntu.” Ni cinshi icapusushiwe? Imyeo isano... Mu nshiku shakwa Loti, kwaliko mucine batatu abapusushiwe. Umukashi alitendeke ukufuma, kabili ali lubile. “Eflyo cikaba na mukwisa kwa Mwana wa muntu.” Kukaba abanono sana abakapusushiwa, abakolulwa muli ilya nshita; imo pa nkama, iya lulyo Lukuta ukusendwa mu mulu. Nga filya Loti asendelwe, nga filya Loti afumishiwe kunse, ukutaluka; Noah alisendelwe pa mulu; kabili Ulukuta lukasendwa mu mulu, nalo. Umo alingile; kabili umo aile kunse; kabili Uyu umbi aleya mu mulu. Mwamona? Cena ni filya fine icapwililika.

294 Icebo cisa. “Ibuku ilyo lyalembwa mukati,” lyena ni nshi lyapwa ilyo ici, shonse ishi nkama shapwishiwa ku kubilishiwa. Nomba lekeni mbelenge cena nakabili, nomba, pa kutila mube abashininkisha. Nomba lolekesheni.

*Lelo mu nshiku ishe shiwi lya kwa malaika uwalenga cinelubali (malaika uwa kulekelesha), ilyo alaswa alishemo, elyo cikafishiwapo ica nkama cakwa Lesa, . . .*

295 Nomba, ni cinshi “inkama yakwa Lesa,” imo iya shena? Paulo atile, muli Timoti Wantanshi 3, ndecetekela eflyo cili, atila, “Ukwabulo kutalikishanya cikalamba ica nkama ica bukapepa: pantu Lesa amoneke mu mubili (twali Mwikete, twali Mumwene), apokelelwe mu Bukata, amwenwe kuli ba Malaika, ashininkishiwe pano pe sonde.” Lesa ali! Mucine, cena ni nkama ikalamba, lelo yena yonse naipwishiwa. Tacaba “Tata, Mwana, na Mupashi wa Mushilo,” ba Lesa batatu; lelo, Lesa umo mu ma ofeshi yatatu. Muli butata, ukupitila muli Mose; muli bumwana, ukupitila muli Kristu; Umupashi wa Mushilo, ukupitila muli ubu bupyungishi. Ubupyungishi butatu ubwakwa Lesa umo wine; te balesa batatu. Inkama naipwishiwa nomba. Baibele yasoso kutila ilingile ukucita. Ilyo i . . .

296 Nalimwene, ubushiku bumbi, uko science ileesha ukumpililika, mu fyo balesosa, ilyo nasosele, “Uyo onse uwacetelekele ukutila Efa alile umuapele!” Nomba science yabo ilesosa, mwalimwene mwi pepala ubushiku bumbi, imitwe ye lyashi ikalamba, “Ena alile apricot.” Ubuwelewele. Bushe cilya—bushe cilya kuti ka mulembeleka? [Ulukuta lwatila, “Iyo.”—Ka.] Mucine iyo. Mwamona? Bena fye. . . Filya eflyo—filya eflyo Kaini atontonkenye, namwishiba, kabili aletele icintu cimo cine ukubwekeshamo, lelo Lesa tapokelele ilambo lyakwe. Kabili Abele, umulungami, casokolwelwe kuli wene, “Cena cali mulopa,” kabili ena aletele umulopa.

Mwe Lesa, ulu lukuta kabili ne nshita iyo tuleikalamo!

297 “Ibuku ilyo lyalembwa mukati” lyena ni nshi lyapwishiwa ilyo uyu malaika apwisha, (nomba napapata umfweni ci), ilyo

Imbila iya malaika uwalenga cinelubali yapwishiwa; inkama iya mutwe wa bulesa, inkama iya bufyashi bwa nsoka, inkama shonse shimbi isha ifi fyonse fintu.

<sup>298</sup> Ubwana ubwa Muyayaya, nge fyo balandapo. Musango nshi Wene engaba Umwana wa Muyayaya, ilyo Muyayaya tawatalile ukutendeka atemwa taupwa; kabili umwana cintu cimo ico cafyalwa; musango nshi cingabelamo ica mano?

<sup>299</sup> Musango nshi kwingaba kumbo ukwa Muyayaya, ilyo kumbo kwalengelwe fye? Nalicetekela ku mbo ukwa mulilo. Mucine, Baibele efyo yasosa. Lelo, cena konaula. Baibele itila, “Alipalwa uyo ushakwata icakaniko mu mfwa ya cibili. Mwamona? Mwamona, imwe ta mwakonaulwe, imfwa ya cibili. Iya kubalilapo ya kumubili. Iya cibili ni mfwa ya bu mupashi, ilyo ifintu fyonse fikapwishiwa. “Umweo ubembuka, ulyo mweo ukafwe.” Imwe mukapanikwa pa membu shenu, nalimo imyaka imyanda, imyaka amakana. Lelo teti kube kumbo ukwa Muyayaya, pantu Baibele itila kumbo kwalengelwe fye. Musango nshi kwingalengwa kabili ukuba Umuyayaya? Kabili nga kwatalile ukuba... Baibele itila, “kumbo kwalilengelwe pa mulandu wakwa Kasebanya na ba malaika bakwe.” Elyo kabili, nga kwalilengelwe, kwena te kuti kube ukwa Muyayaya. Pantu, Umuyayaya, icintu conse ica Muyayaya, tacatalile ukukwata intendekelo atemwa ukukwata impela.

<sup>300</sup> Ulya e mulandu wine te kuti tutale tufwe, pantu ifwe twali lyonse. Ifwe tuli iciputulwa cakwa Lesa, ababufyashi bakwa Lesa, kabili Wene e cintu fye ceka ica Muyayaya icabako. [Munyina Branham akonkosha pa cintamba imiku itatu—Ka.] Ameni. Imwe te kuti mufwe nga filya Lesa teti afwe, pantu imwe muli aba Muyayaya, pamo Nankwe. Ameni! Leken! Leken! Aleluya! Ndeumfwa ngo ulenaka muli iyi nga'nda ya malwele, nangu cibe fyo.

<sup>301</sup> Moneni, “Ibuku ilyalembwa,” ilyo uyu malaika apwisha bonse ubu bukapyunga ubwasalangana ubo kupitila mu bulwi balwishishe, Luther alilwile, kabili Wesley alilwile, kabili ba Pentecostal balilwile. “Lelo kuleisa umo,” efyo Baibele ilesosa, “ukutula mu nshiku sha kubilisha kwakwe, shonse shi nkama...” Ba umo babutukile pe Shina lyakwa Yesu; abene batatu baile pali Tata, Mwana, Mupashi wa Mushilo, nga filya fine bacitile pa Kabungwe ka Nicaea, icintu cimo cine; bonse babili balilubile. Lelo, nomb, mukati ka musebo, mu Malembo, mwaikala Iceine. Imwe mulemona apo tubebele? Malaika wakwa Shikulu!

<sup>302</sup> Moneni Ukusokolola 5:1. Umfweni kuli ici nomb.

*Kabili namwene pa lupi lwa ku kulyo lwawaikala pa cipuna ca bufumu umufungilo uwalembwapo (ukulembwa kwali mukati) na munuma, na ukakatikwa ku fikakatikilo cinelubali.*

303 Nomba, kuli ifyalembwa mukati ke Buku. Lelo, kunuma kwali ifikakatikilo cinelubali, kunuma ya Yena, ifyo fishalembelwe mwi Buku. Nomba, uyu ni kasokolola ulelanda, Yohane. Nomba, ibukisheni, Fyena tafyalembelwe mwi Buku. “Kabili mu nshiku she shiwi lyakwa malaika uwalenga cinelubali, shonse shi nkama ishi shalembwa mukati shikapwishiwa.” Shena shikaletwa, muli bulya bushiku. Nomba mulemona ico ndepilibula? [Ulukutwa lwatila, “Ameni.”—Ka.] Bushe mulenkonka? [“Ameni.”] Lyena ni nshita iya mashwi cinelubali aya Kusokolola 10 ukusokololwa. Ilyo Ibuku lyapwishiwa, paba fye icintu cimo icashalako, kabili cilya ni yalya amashiwi aya kupapusha cinelubali aya cibulumo ayo yalembelwe kunuma ye Buku, ayo Yohane aleshwe ku kulemba. Lekenj njabelenge.

*Kabili namwene malaika, umbi uwakosa aleika mu mulu, na fwale kumbi: no mukola mfula pa mutwe, icinso cakwe cali. . . nga kasuba, na molu yakwe nge ncenshi isha mulilo:*

*Kabili ali na kamufungilo akafunguluka mu minwe yakwe: . . . (Mwamona, nomba moneni ici) . . . ashimpile ulukasa lwakwe ulwa ku kulyo pali bamba . . . no lwa ku kuso . . . pa mulundu,*

*No kubilikisha ishiwi likalamba, nge nkalamo ilelila: ilyo ena . . . abilikishe, ifibulumo cinelubali fyalandile ku mashwi ya fiko. (Moneni.)*

*Kabili ilyo ifibulumo cinelubali fyalandile, natile nembe: . . .*

304 Kuliko icintu cimo icalandile. Cena tacali fye icongo. Icintu cimo calilandilwe. Ena ali mupepi no kulemba.

*. . . lelo naumfwile shiwi lya mu mulu lileti, . . .*

305 Lolekesheni uko ama shiwi yali, Ifibulumo. Tacali mu Mulu; ni pe sonde! Ifibulumo tafyatalile ukulandila mu myulu. Fyena fyalandile pe sonde.

*. . . kabili natile nembe: lelo naumfwile shiwi lya mu mulu lileti, Kakatika (ilikulu K-a-k-a-t-i-k-a), Kakatika ifintu ifililandile ifibulumo cinelubali, wifilemba.*

306 Cena caba kulubali lwa kunuma, ilyo Ibuku lyapwishiwa. Tekutula efo ena asosele, “Kulubali lwa kuntanshi.” Atile, “Kulubali lwa kunuma,” panuma Cena conse cacitilwe ukupwishiwa. Kanshi, aya mashwi aya Fibulumo Cinelubali, icintu fye ceka, ico cabikwa pe Buku, ico icishasokololwa. Fyena tafyalembwa na mwi Buku.

307 Owe, mwe! Ndekabila nga nalisendele cilya, pa kutila abantu kuti mucine. . . Mwifilwa. Mwiesha, mwifilwa. Napapata mwiesha, ino nshita. Ndi mupepi no kuya. Mwifilwa. Nga mwalitala ukumfwa, umfweni!

308 Ifi fikakatikilo fyaba kunuma ye Buku. “Kabili pa nshita ilyo malaika uwalenga cinelubali alebilisha, shonse nkama isho shalebwa mwi Buku shikapwishiwa.” Kabili lilya line Ibuku ilyo lyaiswilwe no kulembwa mu kati, lyaisalwa, “Inkama shakwa Lesa shapwishiwa.” Kabili ishi ni nkama shakwa Lesa: ukuya kwa Lukuta, na fyonse ifi fintu ifyashala. “Inkama shapwa.” Ilyo ulya malaika uwalenga cinelubali abilisha inkama ili yonse, lyena capwa. Leken i uyo fyonse ifyo ali, conse ifyo cingaba. Icebo cakwa Lesa teti cifilwe. Kabili Atile:

*Lelo mu nshiku she shiwi lyakwa malaika uwalenga cinelubali, ilyo alaswa alishemo, elyo cikafishwapo ica nkama cakwa Lesa, ifyo alandile bwino bwino ku basha bakwe bakasesema.*

309 Fyonse filye fintu, ifyapala, owe, Rome ukuba ci—cilende, kabili inkuta shonse isha ba Protestanti, ifilonganino ukulonganika ukukonka ena, fyaisa mukuba bacilalelale bakwe. Mwamona? Shonse shilye nkama, isho bakasesema balandilepo, shikasokololwa muli ino ine ora iya kulekelesha.

310 Kabili ilyo uyu malaika uwalenga cinelubali aisa ima mu nshita ya Laodikea no kutendeka ukubilisha Intandala iya cine, pantu Yena ikabe iya pusana, bena tabakaceteketele Yena. Bena mucine tekuti bacetekele Yena. Lelo, cikaba ni kasesema uwaputwamo, pantu takuli umusango uwa ku Celenganishishamo.

311 Abantu besha ukwelenganya pa bene batatu, kabili balakota no kufulungana. Takuli nangu umu uwinga ciluka. Bena bacili balicetekela ukuti Efa alile umuapele, kabili na fyonse filye fintu. Pantu, cabalutambi ulo abantu baikatililako, nga filya Yesu asangile ulukuta.

312 Lelo cena cikaba kasesema utungululwa muli Bulesa, pantu Icebo cakwa Lesa cikesa kuli ena, no bwilulo ubwa cine ubwa kusokolola ukwa kwa Yesu Kristu. E ico, kanshi, cena—cena cilingile ukuba muli ulyo musango. Lesa twafweni!

313 Nomba, “Ilyo kubilisha kwakwe,” nomba, cilya cili EFYO ASOSA SHIKULU. Twalikwata cilya palwalala. Ilyo akabilisha Imbila yakwe, ukuleta inkondo; nga filya Paulo acitile pa ya Orthodox, nga filya bonse abashala bacitile, nga filya Luther, Wesley, ukukanya akabungwe. Ilyo aleta inkondo, no kubeba, “Bena balebepa, kabili cena te Cine! Kabili bena balebepa abantu!” Ilyo abilisha Cilya, imwe teti mufilwe. Cena tacakafilwe, pantu ena akashininkishiwa ne Cebo cakwa Lesa. Imwe mwalishiba bwino bwino ifyo Cena cili. Kabili ilyo akacita, ena akabilisha, ukwita ukufuma mu Babylon, “Fumeni muli ena, mwe bantu bandi, pa kutila mwikumako ku membu shakwe.” Lesa, mutumeni! Mwilufya ici.

314 Nomba, “Ilyo ena akatendeka ukubilisha, inkama ikapwishiwa.” Nomba, moneni, lyena ni nshita iya ma shiwi aya Fikakatikilo Cinelubali, aya Kusokolola 10, ku kusokololwa. Bushe muleumfwa? [Ulukuta lwatila, “Ameni.”—Ka.] Ilyo inkama shonse ishe Buku shapwa! Kabili Baibele itila, pano, ukutila ena akapwisha inkama.

315 Ilyo, abaume mu nshita shimbi balilwishishe Icine. Balilwishishe palwa kusangululwa. Balile pakashita kamo. Ukusangululwa! Bena balwishishe pali *ici*, kabili bena balwishishe pali *cilya*. Bena balwishishe pali *ci*. Ni cinshi ico bacitile? Baishile pilibuka fye no kubunganya muli cena, icintu cimo cine. Ba Pentecostal, kabili ba Baptist, Presbyterian, Lutherans, cila bamo, bacitile cintu cimo cine, baishilepilibuka fye no kucita icintu cimo cine.

316 Kabili Baibele itila, mu Kusokolola 17, filya efyo bali no kucita, nyina cilende umukote kabili na bana bakwe abanakashi, BABYLON, UWA CINSHINSHI.” Baibele itila, apa, ilya ikaba ni imo iya fyankama ifyo fikafimbulwa. Ba Protestanti, ba cilende, “ukucita ubulalalale bwa bumupashi,” ukutungulula abantu ku filonganino, no lwabo “ulukombo lwa ma mpulu,” ne sambilisho ilya pangwa no muntu; kabili no kubatinta ukufuma kukafukauka akaisushiwa no Mulopa, ukwa Maka ayakwa Lesa Impalume yapongoloka fye ukulangisha Yesu Kristu. Cilya cishinka. Kanshi, Lesa ali no ku Cishininkisha, kabili Ena nacicita, kabili Ena akatwalilila. Lelo, ilyo cilya cikafikilishiwa, Icebo cikapwishiwa.

317 Nomba kwaba fye icintu cimo icashala, ni filya Ifibulumo Cinelubali, ifyo tatwaishiba. Kabili fyena nga tafyabulwime apa fye.

318 Lesa tacita fye icintu cimo ukwangala fye. Ifwe tulangala no kucita umwatumpa, lelo te Lesa. Ifintu fyonse na Lesa ni “Ee” na “Iyo.” Ena tatumpa. Ena tabepa. Ena apilibula ico Ena asosa. Kabili Ena tasosa nangu cimo kano fye kuli icintu cimbi, ubupilibulo kuli cena.

319 Kabili Ifikakatikilo Cinelubali, ukuya fye mu Kusokolola umu kwa kwa Yesu Kristu, Cena ni nkama imo. Bushe Baibele taisosa kutila *Ici* e “Kusokolola kwa kwa Yesu Kristu”? [Ulukuta lwatila, “Ameni.”—Ka.] Cinshi, kwabako inkama imo iyafiswa, kanshi, ilya Cena. Hum! Cena ni Cinshi? Ifibulumo Cinelubali na fi Cikwata. Pantu, Yohane ali fye mupepi no kulemba, kabili Ishiwi lyalikile ukufuma ku Mulu, lyatile, “Wiesha uku Cilemba. Lelo, Cikakatike. Cikakatike. Cibike kunuma ye Buku.” Cena cilingile ukusokololwa. Cena ni nkama.

320 Nomba, twalipwishishe ifi fintu, ku Mupashi wa Mushilo, alitweba, “Tacali amaapele. Cena cali ubulalalale.” Alitwebele pali ifi fintu. Takwaliko nangu umu uyo

wingeminina ku ntanshi ya Cena. Nshatala monapo kashimikila, mu bumi bwandi, ubwasuminishenye na Cena. Lelo, nalibepusha.

<sup>321</sup> Namwishiba, mu Chicago, ilyo twaiminine ku ntanshi yabo, nalimo imyanda itatu na makumi yasano aya bakashimikila. Imwe mwe banakashi muno ukufuma ku Chicago, imwe eko mwali kulya, mwalyumfwile palwa cena.

<sup>322</sup> Kabili Shikulu alinjebele, inshita shitatu isha bushiku kunuma, atile, “Bena bali no kukuteye iciteyo.” Atile, “Iminina pe windo apa kabili nalakulangisha.” Atile, “Mr Carlson na—na Tommy Hicks bakakukumanya mailo mu lucelo, bakafwaya ukuya ku cakulya ca lucelo. Kabili iwe ukebe Tommy ukukana yako. Lelo,” atile, “uyu e musango cikamonekelamo. Ukabebe ukutula bena tabakakwate kulyo kulongana mu ncede iyo baletontokanyapo. Bena bakaba mu ncede imbi.” Atile, “Wikatina. Nkaba no be.” Cilya cisuma nganshi kuli ine.

<sup>323</sup> Ulucelo ulwakonkelepo, Mr. Carlson, kateka wa Mbila Nsuma Ituntulu Iya Baume Bashimakwebo, alishile, atile. . . alinjitile, atile, “Munyina Branham, ndefwaya ukuya ku cakulya ca lucelo pamo na iwe.”

<sup>324</sup> Natile, “Cili fye bwino.” (Natile, “Ukamone Tommy Hicks akaba kulya, nao.”)

<sup>325</sup> Baile kulya ku Town Na Country, kabili atile, “Cisuma, Munyina Branham,” atile, “owe, uyu ni umo. . .”

Natile, “Tommy, bushe kuti wa ngafwilishako?”

“Mucine, Munyina Branham.”

Natile, “Ndesunguka nga kuti wanandilako?”

Atile, “Owe, ine—ine te kuti ncite cilya.”

<sup>326</sup> Natile, “Cinshi? Ndi fye kasukulu wa mu grade iyalenga cinelubali, kabili ine—ndi no kusosa. . .kuti nasosa *ubufumu* mucifulo ca *kapingula*. Mwamona? Nshaishiba ifyakulanda ku ntanshi kulya. Kabili kukaba Akabungwe kaba Kapyunga, ka Chicago Mukalamba. Musango nshi nkalanda ku ntanshi yabo, na masambililo yandi aya mu grade uwalenga cinelubali, Tommy? Iwe ni we Doctor wa fya Bulesa.” Natile, “Iwe walishiba ifyakulanda. Nshaishiba.”

Atile, “Munyina Branham, ine te kuti ncite cilya.”

<sup>327</sup> Natile, “Cinshi? Nalikwafwilisha inshita ishingwi.” Kabili nacilengele ukuti cibe bwino.”

<sup>328</sup> Kabili Munyina Carlson atile, “Owe, Munyina Branham, ena te kuti acite cilya.”

Natile, “Cinshi?”

Atile, “Cisuma, ena, i—i—i. . .”



329 Natile, “Nawishiba umulandu? Nawishiba umulandu, lelo taulefwaya ukunjeba. Bena na banteya iciteyo.”

330 Natile, “Munyina Carlson, naukвата cilye cipinda ica hotel, bushe taukwete, uko twakwatile amalila yambi?”

“Ee.”

Natile, “Iwe tawakaipoke yena.”

331 Atile, “Cisuma, Munyina Branham, nalilipila icikatilo pali yena.”

332 Natile, “Nshilesakamana ifyo ukwete. Kwena takwakabele kulya. Cilya cipinda ica mutundu uwakatapa katapa. Ifwe tukaba mu cipinda ica mutundu uwakashikila. Ine nkaba kunuma mu cifutu. Dr Mead akekala ukwa kulyo. Ulya umwaume umusweshi no mukashi wakwe bakekala *apa*, kabili kampanda-na-kampanda. Kukaba shimapepo uwa Buddha ukwikala ku kwakulyo kwandi kwine,” kabili umusango bakafwalilamo.

333 Kabili natile, “Nawishiba ifyo cili, Tommy. Iwe uli... Akakalamba Akabungwe ka ba Kapyunga ka mu Chicago kali no kwisa nshinina pa ‘ulubatisho mwi Shina lyakwa Yesu Kristu.’ Akakalamba Akabungwe aka mu Chicago kali nokwisa nshinina ine pali ‘icishininkisho ca Mupashi wa Mushilo,’ ukulandila mu ndimi. Bali no kunshinina pa ‘ubufyashi bwa nsoka,’ kabili pa kushimikila ‘inkumbu.’”

334 Tommy alilolekeshe, kabili, “Uluse! Mucine!” Atile, “Nshiletontonkanya nga nkaya.”

Natile, “Ee, iwe ukese.”

335 Kabili ubushiku bwakonkelepo, umwaume uyo wapokele icikatilo, ali mubweshe icikatilo, kabili atile, “Natukwata bakemba. Twali isungishe, kabili twalicilabileko kabili twalufishe cilya cintu. Kabili twaliipele kuli ba kemba, kabili imwe te kuti muikwate.” Kabili ifwe twalile ku Town Na Country.

336 Nalingilemo, lulya lucelo, kabili kulya baliminine bonse. Ilyo naikele panshi kununa ye tebulo kunuma kulya, no kulolela, panuma ilyo bakwete icakulya ca lucelo, nalolekeshe pali bena nga filya. Twalikwete icakulya ca lucelo mucipinda. Twaishilefuma, ukwikala panshi kulya, kulya kwali Akabungwe Akakalamba Kaba Kapyunga Aka mu Chicago. Nalolekeshe kuli bena. Cila umo baliishibishe abene nga Dr Ph.D., L.L., Q.U.S.T., kabili bonse bena ifintu fya musango nga filya. Naikele fye no kumfwa kuli bena, mpaka baishilepwisha. Kabili Munyina—Munyina Carlson aliminine. Atile, “Mwe baume...”

337 Kabili imwe bonse mwalimwishiba Hank Carlson. Kabili, kulya, mukamwipushe. Cisuma, mwalicikwata pa tepu muno mwine. Nga mulefwaya ukushita tepu, yena ili muno. Abalumendo nabaikwata.

<sup>338</sup> Atile, “Mwe baume,” atile, “Ndeishibisha kuli imwe, ulekonkapo, Munyina Branham.” Atile, “Imwe bonse limbi tekuti musuminishanye nankwe, pe Sambilisho lyakwe, lelo lekeni mwebe icintu cimo. Inshiku shitatu ishakitapo, twalikele mu ncende, kabili nga ulyo mwaume tanjebele ifintu fyonse ifyo ficitike muno lucelo, nshaiminine pano. Ena anjebele ukutila imwe bonse mwaleipekanya ku kumwipusha pe Sambilisho lyakwe. Kabili ena anjebele ukutila nali noku fumyapo ilye ncende imbi, no kuba muno. Kabili anjebele filya fine uko Dr. Mead na ba bantu bali no kwikala, filya fine fye, kabili aba abali pano.” Atile, “Imwe limbi teti musuminishanye nankwe, lelo, nalasose cintu cimo, ena tatina na filya ifyo atontonkanyapo.”

Atile, “Nomba, Munyina Branham, nomba ciputulwa cobe.”

<sup>339</sup> Natile, “Ilyo tatulatendeka. . .” Nacibelenga ifyo nacicita mu lucelo, “Nshali uwa kwinda ku cimonwa ca mu Mulu.” Natile, “Nomba lekeni tupwishe ici. Nomba, imwe bonse mulanda ukuba ba Doctor ba fya Bulesa; kabili njiminine pano palwandi.” Natile, “Nga ici cili ifyo, imwe mulefwaya ukunjipusha, pa lubatisho mwi Shina lyakwa Yesu. Twalatendeka na cilya intanishi. Ndefwaya umo uwa imwe mwe baume ukuleta Baibele yenu no kwiminina pano kulubali lwandi, pa cintu icili conse ico nasambilisha.” Natile, “Mwiminine pano ku lubali lwandi, kabili, ne Cebo cakwa Lesa, no ku Cishinina.” Nalilolele. Tapali nangu umo uwasoselepo akantu. Natile, “Nde mwipusha imwe mwe baume bamo ukwisa no kwiminina ku lubali lwandi.” Natile, “Bwafyanshi ubuli na imwe? Kanshi, talukeni kuli Ine, nga muletina ukwiminina kulubali lwandi.”

<sup>340</sup> Te ine batina; ni ulya Malaika uwakwa Lesa Impalume. Cilya, balishiba, nga Ena kuti anjebela kabela ukwisa. . . Bena abaishibisha ukucila ifyo natontonkenye bena ukuba. Balishibe bwino ukucila ukwiminina palya. Huhuh. Mwalishiba, emo mwali mu nshita, muli shilye nshita, na imwe. Lelo bena tabacicitile. Bwafyanshi, nga cena cikalamba nganshi, kabili bena balishiba ukutila cishinka nganshi?

<sup>341</sup> Nalicibika pa tepu, kabili na konse ukwashala; ndi uwaiteyanya ukulanshanya pali cena, mu musango uwa Bwinakristu, na munyina uuli onse. Nshakatalikishanye no muntu uli onse; lelo ndefwaya imwe mukese, ukushinina conse pali Cena, ne Cebo. Te Buku lyenu ilya masambililo, nomba; te filya ifyo Dr. *Kampanda-na-kampanda*, atemwa Uwashila *Kampanda-na-kampanda* asosa. Ndefwaya ukwishiba ifyo Lesa asosapo. Ulya e mulingo. Ndefwaya ukwishiba ifyo Cilya cili. Bena tabacicita.

342 Nomba, lolekesheni, ilyo yaba ni nshita ku mashiwi cinelubali. Lyena ni nshita ku mashiwi cinelubali, ilyo Ibuku lilepwishiwa, ilya Kusokolola 10, ku kusokololwa. Nomba moneni. Umfweni.

343 Nomba, nshamusunge nshita itali nganshi. Ninjishiba nde munasha, muno. Yena ma miniti amakumi yabili ukufika pa ye kumi limo. [Ulukuta lwatila, “Iyo. Twalilileni!”—Ka.] Umfwikisheni nomba. Ninjishiba, ukwiminina, kabili imwe bonse ukucinjanya ififulo ne fintu. Ndi no kuba uwa nsansa ilyo chalichi ikapwishiwa pa kutila twikalatitikana. Ifwe kuti twasenda akasuba konse ku kushimikila Cena.

344 Nomba moneni. Nomba moneni. Amashiwi cinelubali yali ifibulumo, ukupoleka.

Lesa, twafweni. Nga nindufyanya, Shikulu, njeleleniko.

345 Ndemwipusha ilipusho. Capoleke ne cibulumo, ilyo ili shiwi lyabilikishe. Bushe na mumona, ukutila, ilyo Ifikakatikilo Cinelubali ifyo fikonka inshita sha nkuta cinelubali, ilyo Icikakatikilo cantanshi caiswilwe, ukutila kwaliko icibulumo? Ifikakatikilo ifya Ntanshi mwi Buku fyaliswilwe, kwaliko icibulumo; bushe teti ici Cikakatikilo ca Ntanshi ice Buku lya kunse cisulwe umusango umo wine? [Ulukuta lwatila, “Ameni.”—Ka.] Lesa tapilibula ubutantiko Bwakwe. Leken i tupilibukile mu Kusokolola 6.

*Kabili namwene ilyo Mwana wa mpaanga akakatwile cimo ica mu fikakatikilo, na umfwile cimo, ica mufya mweo cine cilesosa, ishiwi nge lya kubulukuta kwa mfula, aciti Isa umone.*

346 Nomba, takwatalile akubako icibulumo na cimbi. “Kabili Icikakatikilo ica kulekelesha caliswilwe, kwaliko akashita mu Mulu pali hafu wa ora uwa kuba tondolo.” Lelo, Icikakatikilo ca Ntanshi caliswilwe, kwaliko ukulila kwa cibulumo.

347 Owe, ulukuta, bushe kuti caba? Bushe tuli ukutali nga filya? Mwe banandi, Tontonkanyeni. Nalimo. Ndesubila tefyo cili. Lelo nga cena e fyo cili? Cali ni cinshi kulyo kupoleka? Kabili kuntanshi yakwa Lesa, kabili ne iyi Baibele iyaisulwa, nshilebepa. Ukupoleka, uko kwatenkenye sonde!

348 Kabili ilyo Icikakatikilo ica Ntanshi, pali ifi cinelubali ifyo fyaiswilwe muli Baibele, calishile, Cimo fye, lelo ukupoleka uko kwatenkenye icintu conse; icibulumo. Elyo kabili nga Ifikakatikilo ifyo fili kunuma kuti fyaisuka, bushe cena te kuti cibulukwite, naco? Nshishibe. Teti nsose.

349 Kwaliko icibulumo, Icikakatikilo ca Ntanshi, kabili Icikakatikilo cali icibulumo. Intandala yaliswilwe pali ilya nshita. Kabili Intandala yalishiwe pa Pentecost, mucine. Nshaye muli cilya.

<sup>350</sup> Nomba, nge cimonwa cali mu Fyalembwa; icimonwa ico ndelandapo, ico namwene pa Cibelushi uwa fumako ulucelo. Napapwa umulungu, nomba. Nga, nomba ibukisheni pano, nge cimonwa cali mu Fyalembwa, cena cilingile ukwilulwa na Malembo, atemwa ukutwalilila ukwa Malembo yamo yene. [Munyina Branham aleka—Ka.] Nacilolela fye, pakutila cikale mukati. Nga. . .

<sup>351</sup> Ici ni cilya ico na mona, ifyo cena cali, nshashiba, lelo ndi no mwenso uwabipisha. Bushe na tuposwa? Bushe tuli kumpela? Ibukisheni, uyu Malaika atile, ilyo ici cacitike, Alilapile, “Takwakabe ukukokola nakabili.” Ndesunguka nga cakutila mucine tuleumfwe ci.

<sup>352</sup> Mwatila, “Cisuma, cilemoneka kwati Cena kuti caba ukupoleka ukuc- . . .” Munyina, Aleisa muli miniti ilyo tauletontokanya. Iwe ukacumfwa Cena umuku obe uwa kulekelesha.

<sup>353</sup> Nomba bushe Cili palwalala? Ilyo Icikakatikilo ica Ntanshi caiswilwe, Ifikakatikilo ifyo fyali mukati ke Buku, ishi nkama isho shabilishiwe: ukulekelelwa, ukusangululwa, ulukuta lwa Roman Catholic, Protestant! Kabili ilyo ubulwi bwabo bonse ne fintu ifyashele mu Cebo cakwa Lesa, malaika uwalenga cinelubali aleisa no kufikolonganika capamo no kufilondolola. Mwamona? Elyo kabili, ena alepwishisha, Ifibulumo Cinelubali fyalandile.

<sup>354</sup> Ilyo Yohane atendeke ukulemba; atile, “Wifilemba Fyena. Lelo, fikakatike.”

<sup>355</sup> “Kabili Icikakatikilo ica Ntanshi caliswilwe,” ica Fikakatikilo mukati ke Buku, Caliswike ne Cibulumo. Uh!

<sup>356</sup> Nga ili li Lembo, yena kuti yaba fye. . . nge Lembo ili lyonse lili. . . Icintu icili conse icilingile ukuba ica mu Baibele. . .

<sup>357</sup> Caba fye kwati, imwe te kuti munjebe kwali ba icintu ica musango nge fi “umutwala” ne fintu nga filya. Takwaba Ilembo muli Baibele ku kucishininkisha. Imwe te kuti munjebe pali ifi fintu, nge Buku lyakwa Maccabees, ico nalimo bali fye bwino. . . “Kabili lilye Buku ilyalenga cine ilyakwa Daniele, uko Malaika amwikete ku mushishi uwaku mutwe, no kutila. . . no kumwikalika panshi.” Takwaba ifintu fya musango filya ifyatalile ukucitika muli Baibele. “Uko Yesu wa ku Nazaleti apangile akoni akanono akebumba, no kubikako amolu kuli kena, no kusosa, ‘Whew! Pupuka, we koni akanono,’” cena buwelewele. Takwaba nangu cimo muli Baibele ku kushininkisha cilya. E ico cena tacitumpika. . . Ba—bakelula, Lesa alimwene ukutila bakelula te kuti balundeko filye fishilano no buwelewele. Limbi kuti bali abantu abasuma, ba munyina ba Maccabee. Bena bali cilya. Nshilesosa ukutila tabali abantu abasuma. Lelo cena tacali ica mu Fyalembwa.

358 *Ici e busokololo ubwapwililika ubwakwa Yesu Kristu. “Ta kuli nangu cimo icinga lundwako kuli Bwena atemwa ukufumishiwapo kuli Bwena.”* Kabili nga twabikako cilya Mulya, cena tacibombela pamo na yashala Amalembo. Kwaba ama Buku amakumi mutanda na mutanda aya yi Baibele, kabili tapaba nangu icebo cimo ico icipililikana ne Cibiye.

359 Elyo kabili, nga cakutila ici kutwalilila, kukubilisha kwa aya mapenga aya kulekelesha, atemwa ifi Fibulumo Cinelubali ifileisa, inkama, Ifikakatikilo ifyakulekelesha, Fyena fikapwisha, atemwa ukupashanya, nayashala Malembo. Kabili nga Filya ifya kubalilapo mulya fyaiswilwe no kulila kwa cibulumo, Filya ifya cibili fikacita, nafyo, filya ifyaba kunuma. Moneni ici cilecitika. Nge cimonwa cali Amalembo, lyena cilingile ukwilulwa na Malembo, atemwa ukutwalilila ukwa Malembo yamo yene.

360 Moneni, Ukusokolola, 3 na 4, “Ifibulumo Cinelubali.” Ifibulumo Cinelubali, elyo kabili moneni, 3 na 4, elyo kabili (cinshi?) umulapo ukufuma kuli ulya Malaika umukalamba, ukutila, “Inshita yalipwile.” Ilyo ifi Fibulumo, mulemona, fyaletete amashiwi ya fiko, elyo Malaika . . .

361 Tontontonyeni fye pali cena! “Malaika, afwele mwi kumbi, kabili icipangano ica mukola mfula pa mulu wa mutwe Wakwe.” Cinshi, namwishiba ifyo Ulya ali. “Ashimpile ulukasa lumo pa mulandu, kabili na pali bamba, no kutumpula ukuboko kwakwe, no kulapa, ati, ‘Ilyo filya Ifibulumo Cinelubali fyalandile amashiwi ya fiko,’ ukutila, ‘takwakabe ukukokola nakabili.’”

362 Kabili nga bukapyunga ubwa nkama shakwa Lesa bwapwishiwa, nga cakutila filya ni nkama cinelubali ishileisa? Kabili ulwaicefya, ulukuta ulunono ngo lwesu, ukutila Uwapulamo naisa no kulolekesha pa bulanda ubwa bantu Bakwe! Mwatila, “Owe, cilya, nshiletontontonya ifyo.” Cena limbi te kuti cibe. Lelo nga cakutila efyo cili? Lyena inshita naipwa. Bushe mwalicitontontonyapo? Poseniko amano. Cena limbi kuti caba nombaline ukucila ifyo tuletontontonya.

363 Ishi ntanda ukuya mufifulo sha shiko kulya lubali! Ulya Malaika ukwisa, kabili atile, “Nge fyo Yohane atuminwe ku kupwisha Icipingo ca Kale kabili ukuleta ukwishibisha kwa kwa Kristu, Imbila ikapwisha ifyasalangene kabili ikeshibisha Mesaya lintu fye Ukwisa Kwakwe takulabako, Imbila ya nshiku sha kulekelesha.”

364 Moneni, Malaika umukalamba, alilapile, no mulapo, ukutila, “Takwakabe ukukokola nakabili.”

365 Nomba, nshilefwaya ukumisunga inshita itali nganshi. Tontontonyeni fye pali ici, pali miniti nomba.

366 Nomba umfweni. Uyu Malaika aishile ika ukufuma ku Mulu. Mwamona? Bambi, ba malaika cinelubali aba nkuta

cinelubali, bali ni nkombe sha pe sonde. Lelo uyu Malaika . . . Yonse Imbila yapwishiwa; malaika uwalenga cinelubali alepwishisha icintu conse. Kabili uyu Malaika takese pe sonde; Ena tali umuntu ukufuma pe sonde, nge nkombe ku nshita sha nkunta; isho shapwa. Lelo, uyu Malaika aleleta ukubilisha na kumbi. Kabili *malaika* cipilibula “inkombe.” Kabili Ena aleika ukufuma ku Mulu, uwafwala muli ilye Ntumba ya Mulilo, Ikumbi, no mukola mfula pa mutwe Wakwe. Kabili umukola mfula cipangano. Cali ni Kristu, “No lukasa lumo pa mulundu, kabili ulubiye pa libemba, no kulapa, ukuti, “Takwakabe ukukokola nakabili.””

Nipesa apo tubelele, mukwai? Ni finshi fyonse fi? Ndemwipusha.

<sup>367</sup> Ba malaika bambi bali fye inkombe, abaume ba pe sonde. Lelo uyu Malaika . . . Aba, abasosele, “Kuli malaika wa lukuta lwa Laodikea,” “Kuli malaika wa lukuta lwa Efese,” inkombe isha pe sonde; mwamona, abaume, inkombe, bakasesema, kabili na fimbipo, ku lukuta.

<sup>368</sup> Lelo, uyu Umo taishile ukufuma pe sonde. Wene aikile ukufuma ku Mulu, pantu inkama naipwishiwa. Kabili ilyo inkama yapwishiwa, Malaika atile, “Takwakabe ukukokola nakabili,” kabili Ifibulumo Cinelubali fyalandile amashiwi ya fiko.

<sup>369</sup> Nga cakutila cintu cimo ku kutulenga ifwe ukwishiba ifya kwingila mu Citetekelo ca Kusendwa? Efyo cili? Bushe tuli no kubutuka, ukutololekela ukuciluka ifibumba? Kabili bushe kuliko icintu cimo icili mupepi no kucitika, kabili iyi ikote, iyaonaulwa, imibili iya bipa ili no kupilibulwa? Bushe ndi no kuba no mweo ukucimona, Mwe Shikulu? Bushe cili mupepi nganshi ica kutila ndi no kucimona? Bushe ino e nkulo? Mukwai, ba munyinane, yena ni nshita nshi? Ni pesa apo tubelele?

<sup>370</sup> Lekeni tulolekeshe pa nkoloko, pali calenda, ukumona ubushiku tuleikalamo. Israele ali mu Palestine, mu mpanga ya kumwabo. Icishibilo, ulutanda ulwa tufutu mutanda ulwakwa Dabidi, (Imyaka yapitapo amakana yabili, ee, mupepi imyaka yapitapo amakana yabili ne myanda isano), inembela iya kale sana, ilepupuka. Israele na bwekela mu mpanga ya ku mwabo. “Ilyo umuti wa mukunyu walembe amabula ya buko, iyi nkulo tayakafwe, tayakafumepo, tayakapite, mpaka ifintu fyonse fyafikilishiwa.”

Nko shilepatukana, Israele alebuka,  
Ifishibilo ifyo bakasesema baseseme;  
Inshiku sha Benafyalo shapwa, ne fya kutinya  
ifingi;  
“Bweleleni, Mwe basalangana, ku mwenu.”

Ubushiku bwakulubulwa bwa palama,  
 Imitima ya bantu ili no mwenso;  
 Isushiweni na Mupashi, inyali shenu  
 shiwamyeni,  
 Shibukeni, ukulubulwa kwenu kwa fika!  
 Bakasesema aba bufi balebepa, Icine cakwa  
 Lesa balekana,  
 Ukuti Yesu Kristu e Lesa wesu.

Na mwishiba cilya Cine! . . . ? . . .

Lelo tukenda apo abatumwa baendele.

Ubushiku bwa kulubulwa bwa fika,  
 Imitima ya bantu ili no mwenso;  
 Isushiweni na Mupashi, inyali shenu  
 shiwamyeni,  
 Shibukeni, ukulubulwa kwenu kwa fika!

<sup>371</sup> Limbi kuti caba mupepi nganshi ukucila ifyo muletontonkanya ifyo cili. Canengele ine ukumfwa umwensu. Owe, nshilacita ifingi. Nipesa apo tubelele?

<sup>372</sup> “Takwakabe ukukokola nakabili.” Alebilisha ukutila inshita naipwa. Cinshi icilecitika? Cinshi icilecitika? Bushe cilya kuti caba ifyo nomba, ba munyina? Tontonkanyeni nganshi. Nge fyo cili, lyena pyramid naibikwapo pa mulu ku Fibulumo Cinelubali.

<sup>373</sup> Muleibukisha Imbila ya pyramid? Yena Libwe ilya kwisalilako. Cinshi ico Lyena lyacitile? Umupashi wa Mushilo waisalile cila muntu no kumukakatika, ilyo twalundileko ku citetekelo cesu; ubulungami, na bulesa, ne citetekelo, kabili na fimbipo, kabili twalitwalilile ukulundako kuli fyena mpaka twakwete ifintu cinelubali. Kabili cimo icalenga cinelubali cali ukutemwa, ica ba ni Lesa. Filya e musango Wene apanga cila muntu, no kumupwishisha no kumukakatika na Mupashi wa Mushilo.

<sup>374</sup> Kanshi, nga cilya cili ifyo, Wene nakwata inshita sha nkuta cinelubali, ukutila Ena alikwete ifya nkama cinelubali ifyo fyabilishiwa, kabili balilwishishe fyena, kukufibweshwa. Kabili nomba ilibwe ilya pa Mulu lya isa, ukwisala Ulukuta. Bushe ifibulumo filepilubula cilya, ba munyinane? Mukwai, bushe palya epo tubelele?

<sup>375</sup> Junie, ndefwaya ukusenda iciloto cobe. Lolekesha. Junior, ilyo pyramid tailati ishimikilwe, imyeshi kuntashi ya yena, ali mwene ici ciloto.

Mwatila, “Nga palwa ciloto?”

<sup>376</sup> Nabuchadinezwa alotele iciloto ico Daniele ailwile, alandile intendekelo ya nshita ya Benafyalo kabili ne lyo ikafumapo. Kabili na cicitwa filya fine fye muli ulyo musango. Takuli nangu icinono icafilwa.

377 Muli no kumona? Ukulemba uko i...kwali pa mabwe, nali no kwilula Cena kuli bena. Bena balisansamwike. Ilya e “nkama iyakwa Lesa” iyo ishaumfwike, pa myaka. Bushe cilya kuti caba cilya?

378 Elyo kabili moneni. Mu musango umo uwa kupapusha, twalisendele, ukufuma mu mwela, icibombelo icatwa ico caiswile pa mulu. Kabili mukati mulya mwali ilibwe ilyabuta, lelo Lyena talyailwilwe. Takwali ifilembo. Ine nshailwile Cilya, Junior. Nalolekeshe fye pali Cena, kabili natile kuli ba munyina, “Lolekesheni pali Ici.” Kabili cilya nacifikilishiwa, muno bushiku.

379 Kabili ilyo bali balesoma Cilya, nalile ukulola ku masamba. Kuli cinshi? Nalimo kukwiluka ubwilulo ubwa fyalembelwe pa mulu wa Ici. Bushe kuti caba?

380 Kabili Filya, ukupolesha, ulucelo lumbi, uko kwa ntenkenye filya mpaka nali imishiwe mulwele, apa sansama nge ci cikulwa, lilye bumba ilya ba Malaika, ba Malaika Cinelubali mu musango wa pyramid. Bushe ni filye Fibulumo ifyo fileisa? Bushe kuti fyaba?

381 Ifi fyonse na filulwa. Ukulingana ne ciloto cakwe, conse calipwishiwe. Ukulingana ne Cebo cakwa Lesa, inkombe iyalenga cinelubali ikapwisha, Imbila iyalenga cinelubali ikapwishiwa, elyo kabili Ifibulumo Cinelubali. Kabili alimwene ilibwe ilya kwisalilako ukukunkulushiwa palya.

382 Icili, abantu abengi tabaishiba kwaliba Ifikakatikilo Cinelubali ifili no kusokololwa. Nalibelenga ama buku ya bantu abengi pa Busokololo, nshatala umfwapo Cena ukulandwapo. Balacilukila Cilya. Lelo cena nacilandwa kuli imwe ukutula Cena cili palya.

383 Nshishibe cena nga ni cinshi. Bushe cilya kuti caba ni cilya? Lesa tubeleleni uluse ifwe! Nga cilya ni ci, tuli muli ora iyakalabana. Nomba, pali miniti fye, lolekesheni. Nga cilya cili ifyo, kabili inkama naipwishiwa, iyo yalembelwe muli aya mabwe.

384 Ndi uwa nsansa ukwikala mu lukuta na bantu aba bulesa abo Lesa enga pela iciloto. Ndi uwa nsansa ukwishibisha kuli aba baume na banakashi abo abaya ku chalichi yakwa Junior, kabili kuli ino chalichi, kuya kwa Munyina Neville, kabili balya, ukutila kuliko abantu abekele muli luno lukuta, kabili Baibeke itila, “Bena bali no kulota ifiloto mu nshiku shakulekeshesha.” Kabili ici cili pano. Kabili lolekesheni pali cena, cena cilepashanishiwa ne Cebo.

385 Ukwabula ukwishibapo nangu cimo palwa cena, ukupoleka kwalicitike, kabili pano palishile ba Malaika Cinelubali ukufuma ku Muyayaya. Natile, “Shikulu, ni cinshi ico Imwe mwinga fwaya ine ukucita?” Cena tacalandilwe. Ine



limbi ningile ukuya, intanshi, ukuyasanga. Nshishibe. Limbi teti cibe cilya. Nshishibe. Ndesosa fye, “Nga cakutila efyo cili?” Nga cena cili mu Fyalembwa, cilya cileumfwika icapalama nganshi kuli cena. Bushe ta mulentonkanya ifyo? [Ulukuta lwatila, “Ameni.”—Ka.]

<sup>386</sup> Lolekesheni. Lyena, lolekesheni, ilibwe ilya pa mulu talyailwilwe. Mwamona? “Kabiye kukabanga, kabili no kubwela.” Atemwa, bushe ni ci, ni aba ba Malaika muli ili bumba abaishile kuli ine?

<sup>387</sup> Kabili ilyo nkamukumanya pa Bushiku bwa kubuka, mukesa mona ukutila nshilebepa ubufi; Lesa, Kapingula wandi.

<sup>388</sup> Atemwa, bushe ici ni cilya ica maka aya cibili ico nalandilepo ubushiku bumbi? Bushe cena ca cintu cimo icileisa ica Lukuta? Nshishibe. Kuti naikala pali cilya pakashita akanono, lelo nalaya pantanshi.

<sup>389</sup> Bushe kuti caba cilya, icibulumo ica pulamo, atemwa Malaika uwalenga cinelubali muli cinelubali, ibumba, iciputulwa ice bumba ilyalenga cinelubali, pyramid yabo ukulengwa mu musango (batatu kulubali lumo, kabili umo pa mulu), kabili balikile ukufuma mu Muyayaya? Bushe kuti caba?

<sup>390</sup> Bushe iyi e nkama, iya Fibulumo, iyo ikaleta ukubwekesha Ilibwe ilya pa mulu? Namwishiba, pyramid tayatalile ukwisalwa. Ilibwe lya pa mulu lyali mukwisa. Lyalikenwe. Bushe kuti caba, ba munyina, ba nkashi?

<sup>391</sup> Atemwa, bushe uku ni kulya Ukutinta kwa Citatu uko Ena anjebele, imyaka yapitapo itatu atemwa ine?

<sup>392</sup> Ukutinta kwa Ntanshi, muleibukisha ica citike? Nalyeseshe ukulondolola Cena. Atile, “Wiesha ukucita cilya.”

<sup>393</sup> Ukutinta kwa Cibili, Atile, “Wiesha.” Kabili nalitintile, nangu cibe fyo. Muleibukisha? [Ulukuta lwatila, “Ameni.”—Ka.] Imwe bonse muleibukisha. Cena cili pa tepu ne fintu fyonse.

<sup>394</sup> Elyo kabili Atile, “Nomba kulya palya Ukutinta kwa Citatu ukuleisa, lelo wiesha ukulondolola Cena.” Mulemona ifyo na cipalama Ici, muno bushiku? Nshishibe. Lelo, ndeumfwa ukuba pa mulimo, kulukuta lwandu, ukusose cintu cimo. Imwe mukwate ukusondolwela kwenu mwebene.

<sup>395</sup> Nomba, bushe ici cili no kuba inkama iyo yali no kwisuka, iyo ingaleta Kristu, ukuleta Amaka ku Lukuta? Mwamona? Ifwe natucita kale. . .

<sup>396</sup> Twalicetekela mukulapila, ukubatishiwa mwi Shina lyakwa Yesu Kristu. Twalicetekela mu kupokelela Mupashi wa Mushilo. Twalikwata ifishibilo, ifipapwa, ifipeshamano, ukulandila mu ndimi, kabili ifintu ifyo Lukuta lwa ntendekelo

lwakwete. Kabili, mucishinka, kwalibako ifingi ifya citwa, muno mwine, ukucila ifyo fyalembwa mwi Buku Iya Milimo ya Batumwa, muli ili limo ibumba ilinono ilya bantu, ubu ubunono ubwacepesha bukapyunga bwesu muno. Inga palwe sonde lyonse? Mwamona? Ifingi ukucila fyalembwa mwi Buku Iya Milimo ya Batumwa, umusango umo wine! Ukubushiwa kwa bafwa! Ibukisheni, kwaliko nalimo abantu batatu ababushiwe, abafwa, na Yesu Kristu. Kabili twalikwata mu fyalembwa, ifyalembwa fyaba doctor, fisano. Mwamona?

<sup>397</sup> “Imilimo iyo ncita, ukucila iyi mukalacita.” Nalishiba King James itila “ikalamba,” lelo tapali nangu cimo ico mwinga cita icikalamba. Ingi iya yena! Ena ali mu Muntu umo lilya; Ena ali mu Lukuta lonse nomba. Mwamona? “Ingi ukucila iyi mukacita, pantu ndeya kuli Tata.”

<sup>398</sup> Nga uku e Kutinta kwa Citatu, lyena kuli bukapyunga ubukalamba ubuli kuntanshi. Nshishibe. Teti nsose. Ine—nshishibe.

<sup>399</sup> Lolekesheni. Ukutinta kwa Citatu, lekeni twiminine pali cilya, pali miniti. Mu cimonwa, ukupupuka ukwa ntanshi kwali utunkombe utunono utufyuni; lilya elyo twatendeke intanshi. Caishile kula, ukufuma fye ukwikata umuntu pa kuboko.

<sup>400</sup> Kabili muleibukisha ifyo Wene anjebele? “Ngo kaba uwa bufumacumi, cikesa fikilishiwa ukutila ukeshiba inkama ine iya mutima wabo.” Ni banga abebukisha cilya ukubilishiwa ukufuma kuno, no kuciluka inko? [Ulukuta lwatila, “Ameni.”—Ka.] Kabili bushe calicitike? [“Ameni.”] Filya fine. Elyo atile, “Wikatina. Nkaba nobe.” Mwamona? Kabili cikatwalilila.

<sup>401</sup> Nomba, Ukutinta kwa Ntanshi cali utunono, utu fyuni utwa cepesha; kulyo kupupuka. Twalile ku kumanya inshita, ukukumanya Ukwisa kwa kwa Shikulu; Imbila iya ntanshi.

<sup>402</sup> Inshita ya Cibili, inkama sha mu mutima. Ukufuma ukwikata pa kuboko kwa muntu, no kwiminina fye palya no kusosa ico bakwete; inshita ya konkelepo, caishile sokolola imembu shabo no kubeba ifya kucita. Kabili ma-...Bushe cilya cishinka? [Ulukuta lwatila, “Ameni.”—Ka.] Kanshi, cilya caishile fikilishiwa, mukupwililika fye, nge fyoma Lesa acisosele. Kabili imwe muli nte, kabili ne sonde efyo lili, no lukuta efyo luli.

<sup>403</sup> Ilyo nasosele, “Namwene Malaika, kabili Cena cali Mulilo uwa finyamuti, uleyaka”; abantu balisekele no kusosa, “Billy, kabiye uko.” Ilinso ilya malele iya science iya camera lyali Cikopele. Nshalebepa. Nalelanda Icine. Lesa alicishininkishe.

<sup>404</sup> Natile, “Imfifi ilakupikila; cena ni mfwa, ica fita. Kabili *Ici* nacibuta. Cimo Mweo; ne cibiye ni mfwa.” Kabili Cilya icili palya, pa cikope kunuma *kulya*. Pa ci . . .

405 Nge fyo George J. Lacy—Lacy asosele, “Ilinso lya mashini ilya ca kukopelako te kuti likope amano.” Bushe mulenkonka? [Ulukuta lwatila, “Ameni.”—Ka.]

406 Moneni, ukupupuka ukwa ntanshi ukunono; ukuboko. Ukwa cibili kwali ukwa pulishamo, ukwa butisha, inkunda; Umupashi wa Mushilo ukusokolola inkama sha mutima. Kabili ukupupuka ukwa citatu bali ni ba Malaika (te fyuni), ba Malaika; kabili ilya ni nshita ya mpela, ena e fyonse pali cena. Bushe ino ili no kuba e nshita, munyina? Bushe iyi e nshita?

407 Nomba umfwikisheni, kabili mwiesha ukwilula ici. Ndefwaya ukumwipusha icintu cimo.

408 Leken i tubwelelemo pali miniti fye. Ulukuta lwalishiba cena cishinka. Isonde lya science lyalishiba cena cishinka. Kabili abantu na bekala muno, muno bushiku, kabili abengi bacili aba mweo, balya abaiminine palya pa mu mana ilyo lilye Shiwi lyalandile cilya, kabili lyatile, “Nge fyo Yohane atuminwe ne mbila iya kwisa ukwa ntanshi, e fyo ne iyi Mbila iya cibili, iya Kwisa kwa cibili.” Ibukisheni? [Ulukuta lwatila, “Ameni.”—Ka.]

409 Kabili nga Yena naipwishiwa, ni finshi ifyo Yohane acitile? Yohane ali umo uyo uwasosele, “Moneni, ulya Umwana wa mpaanga wakwa Lesa uyo usenda ulubembu lwe sonde. Ulya ni Wene.” Bushe ora, naifika, ba munyinane? Nshilesosa ukutila naicita. Nshishibe. Lelo, ndemipusha. Ndefwaya imwe ukutontonkanya. Atemwa, bushe ino ili no kuba inshita ilyo cikesaba nakabili, “Moneni Umwana wa mpaanga”?

410 Atemwa, inshita iya Malaki 4, “Ukubwekesha imitima ya bana uku bwekela ku Citetekelo ica ba shifwe”? Bushe cikaba ukupolesha kulya ukuli—kulya ukuli no kucita ifintu ifya pulamo nga filya, mpaka kukatantika Ulukuta ulo lwali mufiko kabili te kuti lwiluke inkama shakwa Lesa, kabili na fimbipo? Ilyo bamwene kulyo kupoleka ukwa pulamo ukucitika, bushe kukabwesha imitima yabo ukubwekela kuli Tata, nge fyo Baibele yasosele cikesa cita? Atemwa, bushe iyi yali Imbila, iyapita kale, iyo yalingile ukucicita? Nshishibe.

411 Ici e cishibilo ica nshita ya mpela, mukwai. Atemwa, bushe ici e cishibilo ukutila naipwa? Cilemoneka ica mu Malembo nganshi, kuli ine. Nshishibe. Kwali balya ba Malaika. Kwaliko ukupoleka, nge cibulumo, ico catenkenye isonde lyonse. Lesa naishiba ndelanda icine.

412 Ibukisheni fye, icintu cimo cili mupepi no kucitika. Nshishibe ifyo cili. Bushe kuti caba ni ci? Umulandu ndesosela ici, iteyanyeni mwebene! Leken i tupepe, (ukupepa umusango nshi?) Tusende icifulo cesu mu mpuka ya bacetekela Bakwe, no kuitanyanya fwe bene, pantu cena kuti caba nombaline ukucila ifyo tuletontonkanya.

413 Imwe mwalinjishiba, kabili nshatala mwebapo ubufi, na nomba, nge fyo naishiba. Kabili nge fyo Samwele asosele kuli bena, “Bushe nalitala ukumwebapo icintu icili conse, mwi Shina lyakwa Shikulu, lelo ico cafikilishiwe?” Nomba, ine ndemweba nomba. Nshishibe ifyo ici cili. Teti nande ifyo ici cili. Nshishibe. Lelo, nalamweba Icine. Ndi no mwenso. Nga munyinene, ndi no mwenso ukutula pa Cibelushi uwa fumako.

414 Limbi kuti caba inshita ya mpela. Limbi kuti caba ni nshita ku mikolamfula ukupita mulwelele, kabili ukubilisha ukufuma mu myulu, ukusosa, “Takuli inshita nakabili.” Nge fyo cili, lekeni tuipekanye fwebene, we munandi, ku kumanya Lesa wesu. Kwalibako Icakulya icingi ico cabikwa nomba. Lekeni tucibomfye Cena. Lekeni tucibomfye Cena nomba. Kabili pamo na ine, ukufuma kuli ici cintamba, ndelilila kuli Lesa, “Shikulu Yesu, mbeleleni uluse!” Nalyesha ukwikala mu busuma ubo naishiba. Nalyesha ukuleta Imbila umusango uusuma uo ninga cita, ukufuma mu Cebo cakwa Lesa. Lesa alishiba umutima wandi.

415 Lelo, ilyo ibumba lya ba malaika lyapitile palya pa mushili, nalifwile icitu. Tekuti nkwate uku kumya, pa nshita itali. Kabili naumfwile kwati, inshita itali panuma, ukweshwa ukwenda ukupita mucipinda, nangula ukufuma ku mongololo wandi, kabili pamulu na panshi uwa mukoshi wandi, kwali ukufwe citu umupwilapo, kwati, kabili ukwabula ukukumya. Te kuti nkumye, mu maboko yandi. Nalikwete ulunshingwa, akasuba konse. Ine—naile fye mucipinda no kwikala panshi.

416 Pa Mulungu, nalishile kuno ukulanda, kabili ine—naeseshe ukuisunkanya ne mwine ukufuma kuli cena, ukupitila mukulanda. Pali Cimo, cali palya nakabili. Kabili cili pano nomba.

417 Nshishibe. Nshishibe, mukwai. Ndi fye uwa bufumacumi, na imwe, nga ba munyinane. Nshishibe. Bushe yena—bushe yena ni nshita! Bushe bukapyu...inkama shonse shapwishiwa? Bushe ukubilisha na kupwa? Bushe filya mucine cine Fibulumo Cinelubali, ukuiteyanya ukulanda icintu cimo, ukutila ibumba ilinono ilyo lilongene capamo lili no kupokelela Icitetekelo ica Kusendwa, ukuya mu Kusendwa ilyo Wene akesa? “Pantu tukesa pilibulwa,” bwangu bwangu ilyo balya ba Malaika baleisa, “mukashita, mukukapa kapa kwe linso; kabili tukolwilwa capamo na balya abo abalala, ku kukumanya Shikulu mulwelele.”

Ipepo lyandi ni li:

418 Lesa, nga ci cili fyo, nshishibe, Shikulu. Nacilaeba fye ulukuta. Nga cili fyo, Shikulu, teyanyeni imitima yesu. Tuteyanyeni, Shikulu, kuli ilya ora ikalamba. Ukutila, ilyashi lyakale lya nshita, bakasesema bonse ne fikolwe balefwaya ilya nshita. Shikulu, nshishibe ifya kusosa. Kutu naba no mwenso

ukusosa, “Mwiisa, Shikulu.” Ndeumfwa insoni ne mwine, ilyo ndelolekesha no kumona isonde mu mibele, nshacita nangu cimo ukucila pa fyo nacita pa fya cena. Ndi ne nsoni palwandi. Nga kuliko mailo, Shikulu, subeni umutima wandi. Nsubeni ukucilapo, Tata, pa kutila ninga cita icintu icili conse ico ninga cita, ku kuleta bambi kuli Imwe. Ndi Wenu.

<sup>419</sup> Ndeumfwa nga Esaya, mwi tempele bulya bushiku, ilyo amwene ba Malaika kukupupuka uku no ku, na mapindo pa finso Fyabo, kabili pa nkasa Shabo, kabili ukupupuka namapindo, “Wa Mushilo, wa mushilo, wa mushilo!? Owe, ifyo ulya kasesema umunono atenshiwe. Ena atendeke ukulakula panono. Kabili ilyo amwene cilya, nangula ena alimwene ifimonwa, alibilikishe, “Akalanda kuli ine!”

<sup>420</sup> Tata, nalimo nacumfwa kwati filya, ilyo namwene balya ba Malaika inshita ya bushiku bumbi, atemwa ulucelo lumbi, ntile. Akalanda kuli ine, pantu ndi muntu uwakowele milomo, kabili njikala pakati ka bantu aba kowela. Kabili, Tata, nsangululeni.

<sup>421</sup> Kabili ine ndi pano. Ntumeni, Shikulu, fyonse fintu cili. Kabili ni njiminina pali ici cintamba pantu naba pa myaka amakumi yatatu. Nga kuliko icintu cimo, Shikulu, Imwe mulefwaya ine ukucita, ndi pano. Ndi uwaiteyanya, Shikulu. Lelo, lekeni nsange ukusenamina mu cinso Cenu. Mu kuicefya, ndepepa.

<sup>422</sup> Ndepepela umukuni unono uo Mupashi wa Mushilo ambikapo bucilolo, ku kubalisha. Kabili nalicita fyonse ifyo naishiba ukucita, Shikulu, ku kubalisha pa Mukate wa Mweo. Nga muli cilye cimonwa, imyaka ingi iya pitapo, uko cilya icipembe icikulu cabelele ku Masamba, kabili ulupili ulwa Mukate wa Mweo; ibuku ilinono, “*Nshali Uwa Kwinda Ku Cimonwa Ca Mu Mulu.*” Kabili pano caisa conse mukufikilishiwa, ukusokolwela fye mu cinso cesu.

<sup>423</sup> Imwe muli Lesa, kabili takuli umbi kano Imwe. Tupokeleleni, Shikulu. Tubeleleni uluse pa membu shesu. Ndelapila pa kukana cetekela kwandi konse. Pa mampulu yandi yonse. Ndepapata pa cipailo cakwa Lesa.

<sup>424</sup> Nge fyo ndeisa muno bushiku, no lu lukuta ulunono ku ntanshi yandi, ku citetekelo tulesela ukufuma muli cino cikulwa, mukusendwa, “ilyo twikele capamo mu ncende sha mu Myulu,” ukushinguluka Icipuna cakwa Lesa. Imitima yesu yaba iyakaba nshita ishingwi. Mu fintu ifyo twamona Imwe ukucita, no kufungulula inkama Shenu kuli ifwe. Lelo, Shikulu, muno bushiku, ndi uwafunshika. Akalanda kuli ine!

<sup>425</sup> Kabili—kabili Yakobo, ilyo amwene balya ba Malaika, ukwika pa mutanto no kubwelelamo, atile, “Iyi ni ncende iya kutinya, taili imbi kano ing’anda yakwa Lesa.” Kabili kulya Bethel yalikulilwe.

426 Lesa, abantu tabeluka cilya. Bena batontonkanya kuti caba insansa ishingi nganshi. Lelo, Shikulu, ifyo caba ukufunshika, ifyo caba icintu ica kutinya ku muntunse ukwisa mu Mulola wa mukalamba, Icibumbwa icapulamo ica mu Mulu.

427 Ndepepa ukubelelo luse ukwa lukuta lwandi ulunono muno, ulo Imwe mwantumako uku—uku—uku—ukusontelela no kutungulula. Bapaleni, Shikulu. Nacicita ukulingana ku fyo ifimonwa ne filoto ne fintu fyasosele, e ico, ku kwishibisha kwa mano yandi. Nintutikilamo ifya Kulya fyonse ifyo naishiba, kuli bena, Shikulu. Fyonse fintu cili, Shikulu, ifwe tuli Benu. Tuleipela fwe bene mu maboko Yenu, Shikulu. Tukwatileni uluse. Tubeleleni uluse. Kabili lekeni ifwe tube inte Shenu ilyo lyonse tuli pe sonde. Kanshi, ilyo ubumi bwapwa, mukatupokelele mu Bufumu Bwenu. Pantu twalombela ifi mwi Shina lyakwa Yesu. Ameni.

428 Cila umo muli imwe, sangululeni imitima yenu. Lekeleniko ku cintu icili conse, ica kufinya icili conse, citalusheni mu nshila yenu. Mwileka nangu cimo cile mucusha. Mwilaumfwa umwenso. Tapali nangu cimo ica kumfwilapo umwenso. Nga Yesu aleisa, cena cili fye. . .Cena ni nshita ilyo isonde lyonse lyaletetela no kulililapo. Nga cena cintu cimo icili no kuletwa nombamba, ku i—icileisa icipyaa, icileisa icipyaa icabupe icipyaa atemwa icintu cimo, cena cikaba icawamisha. Nga ileisa inshita ilyo busokololo ubwa Fibulumo Cinelubali fili no kusokololwa ku Lukuta, ifya kwenda, nshishibe. Nandile fye ico na mwene. Owe, mwe, ifyo ili nshita! Cakuposako amano kabili ukutontonkanya ukwa katina.

429 Kabili nga kuti yaba inshita kuli ine ukuya, ndi wenu. . .Shikulu, ndi Wenu. Ilyo Imwe mwapwisha, iseni, Shikulu Yesu.

430 Conse fintu cili, atemwa ni nshita nshi ingaba, ndi Wakwe. Nshilesosa ndekabila ukuya; nshilecita. Nalikwata ulupwa ulwa kukusha. Ninkwata Imbila nsuma ku kushimikila. Lelo, cilya kulingana no bufwayo Bwakwe, te bwandi. Bulya bufwayo Bwakwe. Nshishibe.

431 Ndelanda fye kuli imwe ifyo cili. Ifyo cili, Lesa ali no kucilenga ukufikilishiwa. Lelo ndemweba ifyo na mwene kabili ne fya citike. Ifyo capilibwile, nshishibe. Lelo, mukwai, bushe ino kuti yaba impela? Uh!

432 Abantu epo bali nombamba, abantu mutanda abo abakwete filye filoto. Bushe tacili iceni tafyali cinelubali? Bushe tacili iceni nganshi? Filya mutanda ukutungulula fye, elyo kabili cilye cimonwa, lilya line fye. Abantu bali muno. Munyina Jackson, pano, ali umo; Munyina Parnell ali umbi; Nkashi Collins ali umbi; Nkashi Steffy ali umbi; Munyina Roberson ali umbi; kabili Munyina Beeler ali umbi umo. Kabili Shifwe uwa mu Mulu naishiba takwali na cimbi cimo ukukuma kuli cena.

Ku mpela ya cilya, icalenga cinelubali...ico cali Nkashi Steffy, lilya line icimonwa cali moneke. Mulemona? Mulemona umulandu ndeila? Mulemona umulandu ningile ukuya? Ningile ukucita.

<sup>433</sup> Kabili, mwe ba nandi, mwilolekesha kuli ine. Ndi munyinenwe. Mwilaposa amano kuli ine, pantu ndi fye mwina kufwa. Ningile ukufwa ngo muntu onse uwashala. Mwilaumfwila kuli ine; lelo umfweni kufyo nsosele. Ifyo nacasosa ni Mbila. Mwilaposa amano ayali yonse ku nkombe; lolekesheni Imbila. Bikeni amenso yenu, te pa nkombe, lelo pa Mbila. Ifyo Yena yasosele, cilya e cintu ica kululeshako.

<sup>434</sup> Kabili Lesa twafweni, epepo lyandi. Nalipata... nshalefwaya ukwisa, ukumweba ici, lelo te kuti nsunge cimo ukufuma kuli imwe.

<sup>435</sup> Nomba, ukulingana nge fyo naishiba, lekeni mwebe. Kulingana nge fyo naishiba, nkalaya mu shilekonkapo shibili atemwa inshiku shitatu, pali Citatu ulucelo, ku...ukuya ku Tucson. Nshile ya ku Tucson mukushimikila. Nshileya kulya mukushimikila. Ndeya ku Tucson, ku kubika ulupwa lwandi mu sukulu, elyo kabili ukuba uwa kululumba.

<sup>436</sup> Ndeya kulya ku Phoenix, ukuya kwata ulyo mulongo unono uwa kulongana, ico cikaba nalimo Imbila fye ishinono kulya. Kabili—kabili lilya, nalimo, nshile. . .

<sup>437</sup> Ndetontonkanya balefwaya ine ukushimikila mu musonkano inshita imo iya bushiku. Bena tabasoselepo icintu nangu cimo palwa cena, bena basosele fye nkaba kulya. Mwamona, cilya tacileumfwika icisuma sana, kuli ine.

<sup>438</sup> Ninkwata icebo, EFYO ASOSA SHIKULU, kuli Munyina Shakarian, nao. Uh-huh. Nshishibe ifyo ali no kucita palwa cena, lelo ninkwata icebo ica kumweba. Nshishibe ifyo ali nokucita. Cili kuli ena. Bushe mwalimona *Ishiwi* lyakulekelesha? Lyena talilingile ukuba akabungwe, lelo bena balibilishe icisumino cabo. Akabungwe, lyena ndi no kufumamo. Naba kunse ka filya.

<sup>439</sup> Nomba, ukutunganya, Munyina Arganbright na Munyina Role, cilolo uwa mu Washington mu butungulushi bwa ba Kateka cinelubali, alingile ukuba mu Africa. Kabili munyina Role, na ine, na Munyina Arganbright, tuli no kuya mu Africa ili line, mukulongana kumo kulya mu South Africa na Tanganyika, na Munyina Boze. Kabili ukuya mulya mukati, kabili nalimo kulya ukupita ku Australia, kabili ukupita ilya nshila, ukubwekela, nga Shikulu talecita icintu cimo icaibela. Lelo, ilyo nshilaya, ndi no kubwela kuno.

<sup>440</sup> Elyo, ilyo nkabwela ukufuma kulya, nga Lesa talandile kuli ine, mu musango umbi, ndi no kusenda ulupwa nokwenda ukuya nalimo ku Anchorage, Alaska. Uku ni pakati pa ku

masamba no kwa kuso; kulya kukaba pakati ka ku kulyo na ku masamba. Elyo kabili lekeni bena bakekale kulya mu nshita yonse iya lusuba, ilyo kuli ukwakaba sana kulya mu Tucson mpaka kuti kaoca ne nkanda pali iwe. Nshilentonkanya bena kuti bashipikisha cilya. Bena kuti bafuluka nganshi ku mushi no kumfwa ububi mu mutima! Tatuleshitisha incende. Yena ili no kushala palya pene, ne fipe munga'nda. Nshishibe ifya kucita.

<sup>441</sup> Elyo, inshita ilyo inshita ya lusuba yapwa, nga Shikulu asuminisha, ndefwaya ukufuma mu Alaska, no kwisa kulya nalimo Denver, pakati ka masamba; pakati ka ku kuso na masamba, pakati ka ku kulyo na masamba, pakati ka masamba, ukubilikisha, “Mwe Shikulu, ni cinshi ico Imwe mwinga fwaya ine ukucita?”

<sup>442</sup> Muli ino nshita, Imbila yonse, ukulingana nge fyo naishiba, iya kulashimikilwa, ikaba fye pano pene fye, pali ino tabernacle. Pano epo ama tepu yakaba. Pano epo incende ikalamba ibelele.

<sup>443</sup> Kabili nshilekabila ukwikala, no lupwa lwandi, ku Masamba. Ndi no kufwaya mpaka nkasange ifyo Lesa alefwaya ine ukucita.

<sup>444</sup> Nga uno mwaka taulecipwisha, lyena, umwaka uleisa, ukwabula amenshi nangu icakulya, nkaya mu ciswebebe, kabili nkalolela mpaka Wene akanjite. Te kuti ntwalilile muli uyu musango. Mulingile ukuba abapelelwa. Mulingile ukufika pa cifulo apo mulefwaya ukwishiba ifyo bufwayo bwakwa Lesa buli. Kabili musango nshi mwinga citilamo ubufwayo nga tamwishibe ubu bufwayo?

<sup>445</sup> Ndelomba, pa mulandu wa cilye cimonwa kulya kunuma, “Ico mwacitile.” Mwamona? Ukuya uku no ku nga mishoni kabili kabila wa mbila nsuma, mpaka bulyo bwite bukesa. Ibukisheni cilye cakubalilapo, ilyo twabikile lilye libwe lya pa cifutu? “Bomba mulimo uwa kwabila wa Mbila nsuma,” efyo Asosele. Tasosele, “Iwe ni we kabila wa mbila nsuma.” Lelo, “Bomba umulimo uwa umo,” nalimo mpake nshita ikese pa cintu cimbi, ukupilibulwa kumbi ukwa mulimo. Limbi kuti caba icintu cimo ica ibela. Nshishibe.

<sup>446</sup> Bushe mwali mutemwa? [Ulukuta lwatila, “Ameni.”—Ka.] Beni abashininkisha nganshi pali cilya. Beni aba shininkisha nganshi pali cena, balya abatemwa Shikulu.

Abo abalolela pali Shikulu, bakapepemuka  
 amaka yabo,  
 Bakakwata amapindo nga kapumpe,  
 Bakabutuka kabili tabakafunshike, bakenda  
 kabili tabakanenuke;  
 Owe, nsambilisheni, Shikulu, nsambilisheni,  
 Shikulu, ukulolela.



Nali Mutemwa. Ninjishiba mulacita, na imwe. Nomba, mailo mu bushiku . . .

<sup>447</sup> Ndetontonkanya ni ncilenga ukumfwika palwalala. Bushe ni ncita? [Ulukuta lwatila, “Ameni.”—Ka.] Palwalala fye nge fyo naishiba ukucilenga ukuba, filya fyeka e fyo naishiba. Filya fye fyeka e fyo njishibe ifya kusosa. Kabili nga nasisokololwa kuli ine, pa cintu cimo, ndi no kumweba bwangu bwangu. Ninjishiba mulefwaisha, ukwishiba. Ndefwaisha, ukwishiba. Nshishibe ifyo capilibwile. Nshishibe uko—uko ndeya. Ine—nshishibe ico cili no kucitika. Ine—ndi fye. . . Icintu fye ceka njishibe, ndeya fye, ku nkumbu shakwa Lesa. Lyena, Wene alino kunjeba ilyo nafika kulya, nalimo. Lelo, ku ciputulwa candi nomba cili, ukuya. Kabili limbi teti mbe kulya imilungu ibili, mpaka nkabe ku cifulo cimbi, kabili nalimo kuti na bwela kuno. Cilya cishinka. Nshishibe. Lelo ndi . . .

<sup>448</sup> Lelo cilye cimonwa cakwete umukashi wandi na bana bandi muli cilya. Kabili icintu cine cali, nali mwi celeta ilyafimbwa. Kabili miniti ilya naingile mulya, kwaliko, nali muli motoka wandi. Kabili ulya e musango tuleilamo, mu nshiku ishinono, ukwabula ukwishiba ni kwisa uko tuleya, ukwabula ukwishiba ifyo tuli no kucita ilyo twafika kulya, ukuya fye.

<sup>449</sup> Lesa aliba uwa kupapusha, kuli fwe, pantu inshila Shakwe shintu shaafya ukusanga. Afwaya ukunakila.

“Ni kwisa uko Iwe uleya?”

“Ulya temulimo obe nangu panono. Twalilila fye ukuya.”

“Ni kwisa uko Imwe mulefwaya ine ukucita, Shikulu?”

<sup>450</sup> “Cilya tacili kantu kuli iwe. Unkonke, iwe, Ine.” Uh-huh. Uh-huh. “Twalilila fye ukwenda.”

“Ni pesa apo ndi no kwiminina?”

“Ni cinshi cilya kuli iwe? Twalilila fye ukwenda.”

E ico, pano ndeya, mwi Shina lyakwa Yesu Kristu. Uh-huh. Ameni.

Nali Mutemwa, nali Mutemwa  
Pantu Alintemenwe  
No kushita ipusukilo lyandi  
Pa Kalbale.

Nali . . . (Ena e mweo wandi.) nali . . . (Fyonse  
ifyo naikalilapo!)  
Pantu Alintemenwe  
No kushite pusukilo lyandi  
Pa Kalbale.

<sup>451</sup> Mukwai, bushe ino e nshita? [Munyina Branham no lukuta ba ngwi'ngwinta ulwimbo lonse, capamo, *Nali Mutemwa*—Ka.]

Kabili ilyo tulelwimba nakabili, poshanyeni mu maboko no muntu umo uli mupepi na imwe. Soseni, “Munyina, nkashi, ule mpepelako. Nakulakupepelako.” “Nali . . .”

<sup>452</sup> [Munyina Branham apilibuka—Ka.] Ule mpepelako, Munyina Neville. [Munyina Neville atila, “Ndi no kucicita, munyina. Ulempepelako, munyina. Natotela.”] Mubufuma cumi nganshi! Lesa akupale, Munyina. . . ? . . . Ulempepelako, . . . ? . . . Ulempepelako, . . . ? . . . Ulempepelako.

[Munyina Branham alengwi’ngwinta—Ka.] No kushi- . . .

<sup>453</sup> Ulempepelako, . . . ? . . . Ulempepelako, . . . ? . . . Ulempepelako, . . . ? . . . Ulempepelako. Ulempepelako, . . . ? . . . Ulempepelako.

. . . pa Kalbale.

Pantu ine . . .

Natwimye amaboko yesu nomba kuli Wene.


. . . Nalitemwa . . . (Ukudemwa ukwine kwine!)

Pantu, Alintemwenwe

No kushite pusukilo lyandi

Pa Kalbale.

Ee, nali Mutemwa, . . . (No mutima wandi onse!)

<sup>454</sup> Mulekonka, Munyina Neville. Ndebwelelamo. Bilisha inshita ya kulongana. [Munyina Neville atwalilila ukwimba pamo no luluta, *Nali Mutemwa*, kabili asalanganya ukulongana—Ka.] 

*BUSHE ICI E CISHIBILO CA MPELA, MUKWAI?* BEM62-1230E  
(Is This The Sign Of The End, Sir?)

Iyi Mbila na Munyina William Marrion Branham yaletelwe intendekelo mu Cingeleshi pali Mulungu mu icungulo bushiku, Disemba 30, 1962, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nailembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2009 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)